

O LE EKALEZIA A IESU KERISO O LE AU PAIA O ASO E GATA AI • FEPUARI 2014

O Le Liahona



**10 Ni Auala e
Mulimuli ai i le
Fuafuaga a le Alii
mo Lou Olaga, i. 14**

**Lotogatasi i le Korama o Fitugafulu
o se Faataitaiga e Mulimuli i Ai, i. 38**

Aisea e Taua i Au Filifiliga? i. 62

**O Paulo ma La'u Filifiliga e
Tafao Faamasani, i. 65**



“Amuia le tagata o le faatuatua ia leova, o le ua fai leova mona faatuatua.

“Aua o ia e faapei o le laau ua toto i tafatafane o le vai, ua sosolatu ona aa i tafatafane o le vaitafe, na . . . e fua mai pea lava ona fua.”

Jeremia 17:7-8



O SAVALI

- 4 Savali a le Au Peresitene Sili:
Auauna Atu i le Alii ma le Alofa**
Saunia e Peresitene
Thomas S. Monson
- 7 Savali a Faiaoga Asiasi:
O Le Misiona Paia a
Iesu Keriso: Leoleo
Mamoe Lelei**

TALA FAAALIA

- 14 Ola i se Olaga o le Filemu,
Olioli, ma se Faamoemoega**
Saunia e Elder Richard G. Scott
*O nei filifiliga e 10 e mafai
ona fesoasoani e faatulaga
se mamanu mo le manuia
ma le fiafia i le olaga.*

I LE FAAVAA

Luma: Ata na Pueina e Leslie Nilsson Totonu o
le faavaa pito i luma: Ata na pueina e © Yann
Arthus-Bertrand/Altitude.

22 Feagaiga faa-Aperaamo

*E tofu uma lava tagata o le Eka-
lesia ma se vaega o le feagaiga
faa-Aperaamo. O lenei siata o le a
faaali atu ai lona talafaasolopito.*

26 O Paionia i Atunuu Uma:

**“O Lena Malo Tele”—
O Le Tuputupu Ae
o le Ekalesia i Rusia**

Saunia e James A. Miller
*Ua fausia e le Au Paia o Aso e Gata
Ai i luga o valoaga faanei onapo e
faatulaga le Ekalesia i Rusia.*

32 Faafaileleina o o Tatou Olaga Fou

Saunia e Eve Hart
*Ua faasoa mai e tagata liliu mai
i le lalolagi atoa le auala na latou
totoina ai le fatu o le faatuatua
ma ua atinaeina ai ni aa malo-
losi o le talalelei.*

38 Lotogatasi i le Korama o Fitugafulu o se Faataitaiga e Mulimuli i Ai

Saunia e Elder Ronald A. Rasband
*O le lotogatasi ma le alofa i totonu
o le Korama a Fitugafulu e mafai
ona avea ma se faataitaiga mo
au korama uma o le perisitua.*

MATAGALUEGA

- 8 Tusigāmanatu o le Konafesi
o Oketopa 2013**
- 10 O Perofeta o le Feagaiga
Tuai: Noa**
- 11 Aoa o le Mo Le Malosi
o le Autalavou: Auauna atu**
- 12 O Tatou Aiga, O Tatou Auaiga:
Sauniuni e Avea ma se
Aiga e Faavavau**
Saunia e Marco Castro Castro
- 44 O Leo o le Au Paia
o Aso e Gata Ai**
- 80 Seia Tatou Toe Feiloai:
Faailoga**
Saunia e Jerry Peak

48




48 Tautala, Faalogo, ma le Alofa
Saunia e Mark Ogletree
*O le paleni o ituaiga o talanoaga
e tolu e mafai ona taitai atu ai i se
sootaga faale-soifua maloloina.*



*Vaai pe mafai
ona e mauaina
le Liahona o
loo natia i le
lomiga lenei
Faateite:
E taua
lenei mea.*

62



*Maufau i mea e te
manao i ai mai le olaga...*

52 O Faamanuiaga o le Malumalu

Saunia e Elder Robert D. Hales
*O la tatou sauniuniga e ulu atu i
le malumalu o se tasi lea o mea e
sili ona taua o aafiaga o le olaga.*

56 Fesili ma Tali

*E matuai mamao lava le malu-
malu ma e seasea ou alu i ai.
E mafai faapefea ona avea le
malumalu ma se vaega tele o
lo'u olaga i le taimi nei?*

**58 Mo Le Malosi o le Autalavou:
Auaunaga Faamaoni ma le Alofa**

Saunia e Carol F. McConkie

**60 Faasoa atu o Pusa o
le Toe Foi i le Aiga**

Saunia e Olive Gasang
*Sa faaleagaina e se afa fulifao faa-
taumaoui le faitau afe o fale O lo'u
avanoa lenei e auauna atu ai.*

**61 Auala e Faatumu ai
Lau Tusi o le Ola**

Saunia e Elder L. Tom Perry
*O le auala e faatumu ai lou olaga
i gaioiga "Ou te fiafia sa ou faia".*

62 Aisea e Taua ai Au Filifiliga?

Saunia e Mindy Raye Friedman
*E te manao i se taumuuga lelei?
Fai se filifiliga lelei.*

**65 Ia Tafao Faamasani po
o le Tafao Faamasani**

Saunia e Savannah M. Smithson
*Sa fai mai Paulo ma te tafafao
faamasani, ma o ia o se uo lelei
Aisea e le mafai ai ona ou alu?*

76



66 O Le Seleselega

Saunia e Elder Koichi Aoyagi
*Faatoa afa le seleselega o le
araisa I lenei saosaoa, o le
a le mafai ona ou alu i le lotu.*

**67 E Alofa le Tama Faalelagi
ia te Oe**

Saunia e Peresitene
Thomas S. Monson

68 Aiga Sili ona Lelei e Faavavau

Saunia e Olivia Corey
*Sa le amanaiaina e isi teineiti
Olivia. Na te lei manatu e mafai
ona fesoasoani se pakete vali.*

**70 Molimau Faapitoa:
Aisea e matuai taua
ai le auauna atu i isi?**

Saunia e Elder M. Russell Ballard

71 O La Tatou Itulau

**72 Uo i le salafa o le Lalolagi:
O Au o Arina mai Rusia**

Saunia e Amie Jane Leavitt

**74 Aumaia o le Peraimeri i le Fale:
O Loo I Ai i le Tama Faalelagi
se Fuafuaga mo Lana Fanau**

76 Mo Tamaiti Laiti

**81 Atatosi o le Perofeta:
Spencer W. Kimball**

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Aposetolo e Toasefululua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Craig A. Cardon

Fautua: Jose L. Alonso, Mervyn B. Arnold, Shayne M. Bowen, Stanley G. Ellis, Christoffel Golden

Pule Faatonusili: David T. Warner

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisinisi: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Au Tusitusi ma Faatonutonu: Susan Barrett, Brittany Beattie, David Dickson, David A. Edwards, Matthew D. Flitton, Mindy Raye Friedman, Lori Fuller, Garrett H. Garff, LaRene Porter Gaunt, Jennifer Grace Jones, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBergh, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

Tailolomi: Jeff L. Martyn

Faatonusili Lolomiga: Craig K. Sedgwick

Faatonusili o le Tufatufaga: Stephen R. Christiansen

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le

initoneti i le liahona.lds.org: pe meli mai i le *Liahona*, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le *Liahona* (o lona uiga i le Tusi a Mamona o le "tapasa" po o se "faatonuuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuano, Saina, Kalaotia, Siekisolovakia, Tenimaka, Take, Iglisi, Esitonia, Fiti, Finelani, Farani, Siamani, Eleni, Hanikeri, Initu, Iselani, Initonesia, Italia, Iapani, Kiripati, Korea, Lativia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafaigofieina), Silovenia, Sipaniolo, Suetena, Swahili Tagaloka, Tahiti, Tai, Toga, lukureini, Urutu, ma Viatename. (E eese lava gagana.)

© 2014 Puletaofia e le Intellectual Reserve, Inc. Ua taofia aia tatau uma. Lomia i le lunaite Setete o Amerika.

E mafai ona kopi tala ma ata o le *Liahona* mo le toe faaogaina i lotu po o le aiga ae ia le faia ai ni pisinisi. E le tatau ona kopi ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

February 2014 Vol. 38 No. 2. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address *must* be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

Manatu mo Afiafi Faaleaiga

O leni lomiga o loo i ai tusiga ma gaoioga e mafai ona faaoga mo afiafi faaleaiga. O ni manatu nei e lua.



ATA NA TUSIGA E CRAIG DIMOND

“O Noa,” itulau 10: Fuafua e faamatala atu le tala ia Noa e faaoga ai ia ata-ata o papeti. I totonu o se potu pogisa, faasusulu atu se malamalama (e pei o se moluila) i luga o le puipui. E mafai ona tou faaogaina ma lou aiga o outou lima e fai ai ni ataata i luga o le puipui e faamatala ai le vaa, manu, timu, lupe, ma le nuanua. Mafaufau i le faamaeaina o le gaoioga e ala i le talanoaina o ni auala e mafai ona tatou mulimuli ai i o tatou perofeta soifua o i ai nei ma usuina le pese “Mulimuli i le Perofeta” (*Tusipese a tamaiti*, 58–59) po o se isi pese e uiga i perofeta.

“Aiga Sili ona Lelei e Faavavau,” itulau e 68: Mafaufau e fai se gaoioga o le a faamalolosa ai ia faauoga ma tagata o le aiga. Atonu e te tusiata, e pei ona faia e Olivia ma Sieni, pe galue i se isi galuega faatino. A uma, e mafai ona e talanoa i le auala e taulima ai unaiga a tupulaga, ma mafaufau i faamanuiaga o le fausia o faauoga malolosi i totonu o lou aiga. Atonu e mafai ona e talanoa e uiga i tagata mai tusitusiga paia o e sa faamalolosa e ala i a latou faauoga ma tagata o le aiga: o Maria ma Elisapeta, Nifae ma Sama, ma Iosefa ma Ailama Samita, mo se faataitaiga.

I LAU GAGANA

O loo maua le *Liahona* ma isi tusi a le Ekalesia i le tele o gagana i le languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Agaga Paia, 45, 80

Aiga, 12, 32, 68

Alofa, 4, 46, 48, 67

Ata o le faaolataga, 22, 61, 62, 74

Auauna atu, 4, 11, 14, 32, 38, 44, 58, 60, 70

Faaiipoipoga, 12, 48, 52

Faatuatua, 14, 47

Faitalia, 61, 62

Feagaiga, 22

Filemu, 14

Galuega faafaifeautalai, 26, 32, 66, 71

Galuega faalemalumalu, 14, 26, 32, 52, 56

Iesu Keriso, 7, 14, 47

Kimball, Spencer W., 81

Korama, 38, 44

Liua, 32, 46

Loto faafetai, 60

Malamalama, 45

Molimau, 32

Noa, 10

Olioli, 14

Paionia, 26

Papatisoga, 71

Perisitua, 22, 38

Poloaiga, 62, 66

Rusia, 26, 72

Sapati, 66

Sini, 62

Tafaoga faamasani, 65

Tofotofoga, 32

Tulaga faatonuina, 14, 65

Valaauga, 14, 32



Saunia e Peresitene
Thomas S. Monson

AUAUNA ATU I LE ALII MA LE Alofa

Na aoao mai le Alii o Iesu Keriso, “Aua ai se fia faasaogalemuina lona ola, e maumau ai ia te ia; a o le faamaumau i lona ola ona o au, e faasaoina e ia” (Luka 9:24).

“Ou te talitonu,” na saunoa mai ai Peresitene Thomas S. Monson, “ua tau mai e le Faaola ia i tatou, sei vagana ua tatou faamaumau o tatou ola ona o isi, o le a itiiti se faamoemoega o o tatou lava olaga. O i latou o e ola mo na o i latou lava, e iu ina maanuminumi ma, maumau ai lo latou ola, a o i latou o e faaalu o latou lava ola e auauna atu ai i isi, e ola ma lauusi—ma faasaoina ai o latou ola.”¹

O vaega nei mai le auaunaga a Peresitene Monson, na ia faamanatu mai ai i le Au Paia o Aso e Gata Ai o i latou o aao o le Alii ma o loo faatalitali mai faamanuiga o le faava-vau mo i latou o e auauna faamaoni atu i isi.

Auaunaga i le Malumalu

“E tuuina atu ai se auaunaga tele pe a tatou faataunuuna sauniga sui mo i latou o e ua fai i lagi la latou folauga. O le tele lava o tulaga, tatou te le masani ia i latou o loo tatou faia i ai le galuega. Tatou te le o faamoemoe foi e faafetai mai, tatou te le mautinoa foi pe latou te talia mea sa tatou ofoina atu. Peitai, tatou te auauna atu, ma i lena faagasologa, tatou te maua le mea e leai se isi taumafaiga e maua mai ai: e avea moni ai lava i tatou ma faaola i Mauga o Siona. E pei ona ofoina mai e le Faaola Lona soifua e avea ma se taulaga sui mo i tatou, e faapena foi i tatou, i ni nai

fuataga laiti, tatou te faia ai le mea lava lena e tasi pe a tatou faataunuuna galuega sui i le malumalu mo i latou e le mafai ona agai i luma, sei vagana ua faia se mea mo i latou, e i tatou o loo i ai iinei i le lalolagi.”²

O i Tatou o Aao o le Alii

“Ou uso e ma tuafafine, ua siomia i tatou e i latou e manaomia lo tatou gauai atu, la tatou faamalosiau atu, o la tatou lagolago, la tatou faamafanafana ma lo tatou agalelei—pe o nisi o le aiga, uo, paaga po o ni tagata ese. O i tatou o lima o le Alii i luga o le fogaeleele, ua i ai le tiute-tauave e auauna atu ai ma siitia Ana fanau. O loo faalagolago mai o Ia ia i tatou taitoatasi. . . .

“O lena galuega lea ua valaauina i tatou uma i ai, o le galuega a le Alii o Iesu Keriso.”³

Auauna Atu i le Ataata o le Faaola

“I le Lalolagi Fou, sa tautino mai ai e le Alii toetu, ‘Ua outou iloa mea e tatau ona outou faia i la’u ekalesia; ona o galuega na outou vaai na ou faia o mea ia tou te faia foi; aua o mea na outou vaai ua ou faia o mea lava ia tou te faia’ [3 Nifae 27:21].

“Tatou te faamanuiaina isi a o tatou auauna atu i le ata lafoia o ‘Iesu o le Nasareta . . . o le sa femaliuai ma agalelei’ [Galuega 10:38]. E faamanuia i tatou e le Atua ia tatou maua le olioli i le auauna atu i lo tatou Tama o i le Lagi a o tatou auauna atu i Lana fanau i le lalolagi.”⁴



O Le Tulaga Manaomia o le Auauna Atu

“E manaomia ona tuu mai ia i tatou se avanoa e auauna atu ai. Mo na tagata o le ekalesia ua le o toe toaaga pe ua faatuutuu ma ua leai se naunautaiga, e mafai ona tatou saili atu ma le agaga tatalo i nisi o auala e aapa atu ai ia i latou. O le talosagaina o i latou e auauna atu i ni nai mea e gafatiaina atonu o le a aveva ma pogai latou te manaomia e toe malolosi mai ai ma toaaga. Ae o na taitai o e mafai ona fesoasoani atu i lenei tulaga, o nisi taimi e le fia manaono ai e faia lea mea. E manaomia ona tatou manatua pea o tagata e mafai ona sui. E mafai ona latou lafoai ni mausa leaga. E mafai ona latou salamo mai solitulafono. E mafai ona latou umia ma le agavaa le perisitua. Ma e mafai ona latou auauna atu ma le filiga i le Alii.”⁵

Pe o Tatou Faia Ea Mea Uma e Tatau ona Tatou Faia?

“E manaomia e le lalolagi la tatou fesoasoani. Pe o tatou faia ea mea

uma e tatau ona tatou faia? O tatou manatua ea upu a Peresitene Ioane Teila: “Afai e te le faalateleina ou valaauga, o le a faamasinoina oe e le Atua mo i latou sa mafai ona e laveaina, pe ana fai e te faia lou tiute?” [Aoaoga a Peresitene o le Ekalesia: Ioane Teila (2001), 175]. O loo i ai vae e faatutu, o lima e uu mai, o mafaufau ia faamalosiua, o loto ia musuia, ma agaga e laveai. O loo faatalitali mai ia te oe ia faamanuiaga o le faavavau. Ua ia te oe le avanoa e lē ia matamata

ai ae ia auai ai i le tulaga o le . . . auaunaga.”⁶ ■

FAAMATALAGA

1. “O Le a se Mea Ua Ou Faia mo Se Tasi i le Aso?” *Liahona*, Nov. 2009, 85.
2. “Seia Tatou Toe Feiloai,” *Liahona*, Me 2009, 113.
3. “O Le a se Mea Ua Ou Faia mo Se Tasi i le Aso?” 86, 87.
4. “O Le Valaau a le Faaola e Auauna Atu,” *Liahona*, Aok. 2012, 5.
5. “Vaai Atu i Isi i Tagata e Mafai ona Avea ai i Latou,” *Liahona*, Nov. 2012, 68.
6. “Naunau ma Agavaa e Auauna Atu,” *Liahona*, Me 2012, 66.
7. *O Le Aoaoga Atu, E Leai Se Isi Valaauga e Sili Ai: O Se Risosi Taiala mo le Aoaoga Atu o le Talalelei* (1999), 12

AOAO ATU MAI LENEI SAVALI

“Afai e ia te oe le alofa faaKeriso, o le a e saunia lelei e aoaoina atu le talalelei. O le a musuia oe ina ia fesoasoani atu i isi ia iloa le Faaola ma mulimuli ia te ia.”⁷ Mafaufau e tatalo mo le faateleina o le alofa moni mo i latou o loo e asia. Ao e atiina ae le alofa faaKeriso mo i latou, o le a mafai atili ona e auauna atu i ni auala anoa i le Alii ma i latou e te aoaoina.

O Le Auaunaga o le Taumafanafana

Saunia e Elizabeth Blight

I se tasi taumafanafana sa ou faaaluina le taimi i se atunuu ese e galulue ai ma fanau e i ai manaoga faapitoa. Ina ua ou feiloai muamua i le fanau, sa ou matua popole lava. Sa ou le tautala i la latou gagana, ae sa ou talitonu o le a taialaina a'u e le Agaga i a'u fegalegaleaiga. Ina ua ou masani i tamaiti taitoatasi, sa ou iloaina o le gagana e le o se pa pupuni i le alofa. Na matou taaalo, talie, ma faia galuega taulima ma tamaiti ma ua le mafai ona taofia le lagona o le alofa atoa mo i latou. Sa ou tepa i le alofa na i ai a le Tama Faalelagi mo Ana fanau, ma o le olioli na faatumulia ai lo'u loto na le mafai ona faamatalaina.

Soo se taimi lava ou te auauna atu ai i isi, ou te lagona le alofa e le gata mo i latou o e sa ou auauna atu i ai ae faapea foi mo le Tama Faalelagi. Ua ou iloa moni lava "pe a outou auauna atu i o outou uso-a-tagata, ua nao lo outou auauna atu lava lea i lo outou Atua" (Mosaea 2:17). O le faamoemoe o la'u auaunaga, pe i galuega faatino tetele po o faatinoga laiti o le agalelei, sa faia lea e viia ai le Atua (tagai i le Mataio 5:16). Ou te faamoemoe faapea ao ou auauna atu i isi, o le a iloa e tagata lo'u alofa mo le Tama Faalelagi ma le Malamalama o Keriso lea o loo mumu i totonu ia te au.

E alala le tusitala i Virginia, ISA.

O Sootaga o le Alofa

Fai atu i se tagata matua e fesoasoani ia te oe e fofoti ni fasi pepa manifinifi se 28, pe a ma le 1 inisi (2.5 sm) le lautele ae pe a ma le 8 inisi (20 sm) le umi o fasi pepa taitasi. I aso taitasi o le masina lenei, faatino se galuega auauna atu e faaalua ai lou alofa mo se tasi. Atonu o le a e fesoasoani i ou matua e faamama lo outou fale po o le tusi o se tusi agalelei i se tuaoi.

Tusi i lalo i se tasi o au fasipepa le auala e te auauna atu ai i aso taitasi, ona faapipii lea pe faakelu ia pito o le pepa e fai ai se li'o. E mafai ona e sosooina au lio i le suluina o le tasi pito o le fasipepa fou o le li'o i totonu o le isi lio o le aso ua mavae ae e te lei faapipiiina pe kelu faatasi ia pito o le pepa fou. Matamata i le faatupulaia o au sootaga o le alofa! E mafai lava ona e faaauau pea ona faaopoopo i lau filifili o le auaunaga pe a uma Fepuari.



Ia suesue ma le agaga tatalo i lenei mataupu ma saili ia iloa le mea e faasoa atu. E faapefea e le malamalama i le soifuaga ma le misiona a le Faaola ona faateleina ai lou faatuatua ia te Ia ma faamanuia ai isi e te leoleoina e ala i faiaoga asiati? Mo nisi faamatalaga, alu i le reliefsociety.lds.org.

O Le Misiona Paia a Iesu Keriso: Leoleo Mamoe Lelei

O se vaega leni o se faasologa o Savali a Faiaoga Asiati e faaautu i le vaega o le misiona a le Faaola.

O Iesu Keriso, le leoleo Mamoe Lelei, na aoa mai:

“O ai ea so outou e ana mamoe e selau, afai e leiloa le tasi, e le tuua e ia le ivagafulu ma le iva i le vao, ae alu ma saili i le na leiloa, seia maua? . . .

“Ou te fai atu ia te outou, e . . . olioli i le lagi i le tagata agasala e toatasi e salamo” (Luka 15:4, 7).

Ao amata ona tatou malamalama o Iesu Keriso o le Leoleo Mamoe Lelei, o le a faateleina lo tatou naunau e mulimuli i Ana faataitaiga ma auauna atu ia i latou e manaomia le fesoasoani. Na fetalai mai Iesu: “O au nei o le leoleo mamoe lelei, ua ou iloa au mamoe, ua iloa foi au e au mamoe. . . . Ou te tuuina atu foi lou ola e sui ai mamoe” (Ioane 10:14–15). Ona o le Togiola a Keriso, e leai lava se tasi o i tatou o le a matua leiloa ma le iloa ai lona ala i le aiga (tagai i le Luka 15).



Na saunoa mai Peresitene Thomas S. Monson, “O la tatou tiute le vaaia ma fafaga le lafu. . . . Ina taitasi ia i tatou ma la’a i luga e auauna atu.”¹

Mai Tusinga Paia

Salamo 23; Isaia 40:11; Mosaea 26:21

FAAMATALAGA

1. Thomas S. Monson, “O Aiga Faalelagi, O ni Aiga Faavavau,” *Liahona*, Iuni 2006, 70.
2. Elizabeth Ann Whitney, i *O Afafine i Lo’u Malo: O Le Talafaasolopito ma le Galuega a le Aualofa* (2011), 139.
3. Thomas S. Monson, “O Le A Se Mea Ua Ou Faia mo Se Tasi i le Aso?” *Liahona*, Nov. 2009, 86.
4. James E. Faust, “E Pele Mamoe Ua Taase,” *Liahona*, Me 2003, 68.

O Le A se Mea e Mafai Ona Ou Faia?

1. E faapefea e le iloina o le Faaola o le Leoleo Mamoe Lelei ona aumaia le filemu i o tatou olaga?
2. E mafai faapefea ona ou lago-lagoina matua ua taase a latou fanau mai le ola ai i le talalelei?

Faatuatua, Aiga, Toomaga



Mai lo Tatou Talafaasolopito

Na fai mai Elizabeth Ann Whitney, o le sa auai i le uluai fonotaga a le Aualofa, e uiga i lona liua i le 1830: “O le taimi lava na ou faalogo ai i le Talalelei a o folafolaina e Faifeau, sa ou iloina o le leo lava lea o le Leoleo Mamoe Lelei.”² Na mulimuli Elizabeth i le leo o le Leoleo Mamoe Lelei ma sa papatisoina ma faamauina.

Tatou te mafai foi ona faalogo i le leo o le Leoleo Mamoe Lelei ma faasoa atu Ana aoaoga i isi. Na saunoa Peresitene Monson, “O i tatou o aao o le Alii i luga o le fogaeleele, ua i ai le tiutetauave e auauna atu ai ma siitia Ana fanau.”³

E pei lava ona sailia e se leoleo mamoe le mamoe na leiloa, e mafai e matua ona saili i se tama-itiiti ua se. Na saunoa mai Peresitene James E. Faust (1920–2007), Fesoasoani Lua i le Au Peresitene Sili: “I matua loto mafatia, o e amiotonu, maelega, ma loto tatalo i le aooina o a latou fanau lē usitai, matou te fai atu ia te outou, o loo leoleo i latou e le Leoleo Mamoe Lelei. Ua silafia e le Atua ma malamalama foi o la i lo outou faanoanoaga loloto. O loo i ai le faamoemoe.”⁴

TUSIGĀMANATU O LE KONAFESI O OKETOPA 2013

“O le mea ua fai atu ai A’u o le Alii, ua Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).

A o e suesueina le konafesi aoao ia Oketopa 2013, e mafai ona e faaogaina nei itulau (ma Tusigāmanatu o le Konafesi i lomiga i le lumanai) e fesoasoani ai ia te oe e suesue ma faaoga aoaoga talu ai nei a perofeta soifua ma aposetolo ma isi taitai o le Ekalesia.



O Upu a Perofeta i Luitau Faalemafaufau ma Faalelagona

E faapefea ona e tali atu i se tulaga silisili pe a e fetai ai ma ni luitau faalemafaufau pe faalelagona po o i latou foi e te alofa i ai? E sili atu i lo mea uma, ia aua lava nei lafoaia le faatuatua i lou Tama i le Lagi, o le alofa ia te oe e sili atu nai lo le mea e te malamalama i ai. . . . Aua lava nei e masalosalo i lena alofa, ma aua nei faamaaina lou loto. Ia saili atu

ma le faamaoni i faiga masani paia i taimi tofotofoina lea e aumai ai le Agaga o le Alii i lou olaga. Saili atu i le fautuaga a i latou o loo umiaina ki mo lou tulaga manuia faaleagaga. Talosaga atu ma faapelepele i faamanuiaga faaleperisitua. Taumafa i le faamanatuga i vaiaso uma, ma piimau i folafolaga o le Togiola a Iesu Keriso mo le faaatoatoaina. Talitonu i vavega. Ua ou vaai le tele o na vavega ua oo mai a o faapea mai isi faailoga uma ua leai se faamoemoe. E lei *leiloa* lava le faamoemoe. Afai e le oo vave mai na vavega pe le atoatoa pe foliga mai ua leai lava, manatua le faataitaiga o

Ina ia faitau, matamata, pe faalogologo foi i lauga o le konafesi aoao, asiasi ane i le conference.lds.org.

O Tali mo Oe

O konafesi taitasi, e tuuina mai ai e taitai o le Ekalesia ni tali musuia i fesili atonu o i ai a tagata o le Ekalesia.

Faaoga lau lomiga o Novema 2013 pe asiasi i le conference.lds.org e sue ai tali i fesili nei:

- Aisea ua tuuina ai e le Atua le faamamafa tele i luga o le tula-fono o le legavia? See Dallin H. Oaks, “Leai Ni Atua Ese.”
- E mafai faapefea ona tatou faalatalata atili atu i le Atua? Tagai Terence M. Vinson, “Faalatalata Atili Atu i le Atua.”
- E mafai faapefea ona tatou aloese mai le faaseseina? Tagai Adrián Ochoa, “Tepa i Luga.”

mafatiaga o le Faaola lava ia: pe afai e le teenaina le ipu oona, inu i ai ma malosi ai, faalagolago i aso sili atu ona fiafia o i luma atu. . . .

“. . . Ou te molimau atu i lena aso o le a tutu ai e pele tatou te iloaina na i ai ni faaletonu o le tino i le olaga nei i o tatou luma i le mamalu ma le ofoofogia, ma maofa i le atoatoa o le tino ma le mafauafau.”

Elder Jeffrey R. Holland o le Korama a Aposetolo e Toasefululua, “Peiseai o se Ipu ua Nutillii,” *Liahona*, Nov. 2013, 40–41, 42.

FESOOTAI TUTUSA: SALAMO

O nisi o autu sili ona taua e laugaina e le silia ma le toatasi se failauga o le konafesi aoao. O le mea lenei na saunoa i ai ia failauga e toatolu e uiga i le salamo:

- “O loo i ai se eseese taua i le va o le faanoanoa mo agasala lea e taitai atu i le salamo ma le faanoanoa lea e taitai atu i le pagatia. Sa aoao mai le Aposetolo o Paulo e faapea “o le *tiga e tusa i le Atua* e tupu ai le salamo e oo i le ola . . . a o le *tiga faalelalolagi* e tupu ai le oti [2 Korinito 7:10; faaopoopo le faamamafa].”¹
—Peresitene Dieter F. Uchtdorf, Fesoasoani Lua i le Au Peresitene Sili
- “Manatua, o le salamo e le o se faasalaga. O le ala lea ua tumu i le faamoemoe e tau atu i se lumanai sili ona mamalu.”²
—Elder Richard G. Scott o le Korama a Aposetolo e Toasefululua
- “O le taulaga togiola a le Faola e mafai ai ona faaolaina ma faaea-ina i tatou i le lumanai e ala i le mataupu faavae o le salamo. Afai tatou te salamo moni ma faamaoni, e mafai ona fesoasoani le Togiola ia i tatou ia mama, sui o tatou natura, ma onosaia ai ma le manuia o tatou luitau.”³
—Elder Richard J. Maynes o le Fitugafulu

FAAMATALAGA

1. Dieter F. Uchtdorf, “E Mafai Ona E Faia Nei Lava!” *Liahona*, Nov. 2013, 56.
2. Richard G. Scott, “Malosi Patino e ala i le Togiola a Iesu Keriso,” *Liahona*, Nov. 2013, 84.
3. Richard J. Maynes, “O Le Malosi e Tutumau Ai,” *Liahona*, Nov. 2013, 79.



Folafolaga Faaperofeta

“E le mafai ona tatou faamalosii fanau a le Atua e filifili le ala i le fiafia. E le mafai e le Atua ona fai lena mea ona o le faitalia ua la tuuina mai ia i tatou.

“E alolofa le Tama Faalelagi ma Lona Alo Pele i fanau uma a le Atua e tusa lava po o a mea latou te filifili

e fai po o a foi ituaiga tagata e avea ai i latou. Na totogi e le Faola le tau o agasala uma, e tusa lava pe o le a le inosia. E ui lava e ao ona i ai le faamasino tonu, ae ua faasafua mai le avanoa mo le alofa mutimutivale lea o le a le faoa ai le faamasino tonu. . . . E mafai ona tatou maua le lototetele mai le faamautinoaga e faapea, sa i



E ALA I FUAINUMERA *

50 tausaga talu ona avea Peresitene Thomas S. Monson ma se Aposetolo

15 miliona tagata o le Ekalesia

197 atunuu ua maua ai le konafesi

80,333 faifeautalaita faamisiona

* O le konafesi aoao ia Oketopa 2013



ai se taimi sa tatou lagonaina uma ai le olioli o le faatasia i le avea ai ma se tasi o le aiga pele a lo tatou Tama Faalelagi. Faatasi ma le fesoasoani a le Atua e mafai ai e i tatou uma ona toe lagona lena faamoemoe ma lena olioli.”

Peresitene Henry B. Eyring, Fesoasoani Muamua i le Au Peresitene Sili, “I Fanau a La’u Fanau,” *Liahona*, Nov. 2013, 71, 72.

NOA

“O [Noa] e sosoo mai ia Atamu lona tulai mai i le pule i le Perisitua; na valaauina o ia e le Atua i lenei tofi, ma o ia o le tama o tagata ola uma i ona aso.”¹—O Le Perofeta o Iosefa Samita

Sa tuuina mai e lo’u tama ia te au le igoa o Noa, o lona uiga “malologa,” ona sa ia talitonu o le a ou aumaia le toafilemu i lo’u aiga. Sa ou ola ae i se taimi pogisa e tumu i mala ma fetau-aiga, inoino, ma isi agasala.²

O le Atua, na lapatai mai ia te au o le a faaumatia e se lolo e amioleaga, na faatonuina au e fau se vaa ma aoina mai meaai ma manu. O le fesoa-soani mai a lau fanau tama e toatolu ma le uunaiga a le Atua, na ou galue ai e fau le vaa mo le 120 tausaga na sosoo ai. E le’i i ai lava se faamaoniga o le oo mai o le timu.³

Na ou talai atu foi le salamo, ma faamoemoe o le a i ai nisi o le a faalogo ma sosola ese mai le Lolo. Mai le faaliliuga o Enoka seia oo i le Lolo, sa aveina le toatele o tagata faamaoni i le lagi e aunoa ma le tofo i le oti, ae o isi sa mumusu e salamo.⁴

Ina ua oo i le taimi e malaga ai lou aiga i luga o le vaa, na matou faamauina le faitotoa ma e le’i toe tatalaina lava seia oo ina ua maea timuga ma ua matutu le lauele-ele, e latalata i se tausaga mulimuli ane.⁵ Ina ua matou tuua [le vaa], na osifeagaiga le Atua o le a le toe oo mai

lava se lolo i le lalolagi. O se nuanua na faaofuofu mai i le lagi o se faatusa lea o Lana folafolaga. Sa ia poloaiina i matou e faalatele o matou aiga ma ia faaaauu pea ona ola ai i le talalelei, ma sa avea a’u ma tama lona lua o tagata.⁶

I seneturi mulimuli ane, i le avea ai ma se agelu e igoa ia Kaperielu,⁷ na ou folafola atu ai i le ositaulaga o Sakaria o le a avea o ia ma tama o Ioane le Papatiso, ma sa ou faaali atu ia Maria ma fai atu i ai o ia o le a fanau mai ai le Faaola.⁸

E faaalua i lo’u olaga e faapea, e oo lava i taimi faigata, o le a e lē tu na o oe pe afai e te mulimuli i le Atua. O lologa o le olaga o le a iu lava ina faaitiitia, ma o le a e vaai i le matagofie o le talalelei i lou olaga, e pei lava o le nuanua lea o loo faalava ae i le lagi. ■

FAAMATALAGA

1. *Aoaoga a Peresitene o le Ekalesia: Iosefa Samita* (2007), 110.
2. Tagai Kenese 6:11; Mose 8:9; Lolomifefiloi a le Tusi Paia, “Noa.”
3. Tagai Kenese 6:14–22; Mose 8:17; *Aoaoga a Peresitene o le Ekalesia: Spencer W. Kimball* (2006), 159.
4. Tagai Mose 7:21, 27; 8:15–24.
5. Tagai Kenese 7:11; 8:13–14.
6. Tagai Kenese 9:1–17.
7. Tagai Taiala i Tususiga Paia, “Kaperielu,” scriptures.lds.org.
8. Tagai Luka 1:11–20, 26–33.
9. Tagai Kenese 5:3–28.
10. Tagai Kenese 9:29.
11. Tagai Tanielu 8:15–19; 9:21–23.

PUSA O FAAMATALAGA MONI: NOA

Igoa: Noa, Kaperielu

Aso fanau: pe tusa o le 1,056 tausaga ina ua mavae Atamu⁹

Tausaga i le taimi na malii ai: 950 tausaga¹⁰

Gafa: atalii o Lameko, atalii o le atalii o Metusela, augatupulaga lona iva ina ua mavae Atamu

Matafaioi o le olaga faitino: failauga o le amiotonu ao lumanai le Lolo; faaola o le aiga ma manu mai le Lolo; tama lona lua o tagata

Matafaioi pe a mavae le olaga faitino: ao avea ma Kaperielu, sa ia faaali atu ia Tanielu e aoo atu ia te ia e uiga i le Afio Mai Faalua;¹¹ ia Sakaria, le tama o Ioane le Papatiso; ma ia Maria, le tina o Iesu



AUAUNA ATU

O itulau 58–59 o le lomiga lenei na faamalamalama mai ai e Carol F. McConkie, fesoasoani muamua i le au peresitene aoao o Tamaitai Talavou, faapea o le auaunaga o le talalelei lea a Iesu Keriso i le faatinoga: “Pe a tatou auauna atu i isi, ua tatou auai i le galuega o le faaolataga. E pei ona aoao mai e le Tupu o Peniamina, ‘Pe a outou auauna atu i o outou uso-atagata, ua nao lo outou auauna atu lava lea i lo outou Atua’ (Mosaea 2:17)” O fautuaga o loo i lalo o le a fesoasoani ia te oe e aoao ai le autalavou ma tamaiti e uiga i le auuunaga ma lana matafaioi i le talalelei a Iesu Keriso.

Fautuaga mo le Aoaina o le Autalavou

- O Savali faaMamona mo vitio a le Autalavou “Meaalofa Ofoofogia” (i le initoneti i le lds.org/go/E24service) o loo faasoa maia le tala e uiga i se alii talavou tauaso o le e faaaogaina ana taleni e faamanuia ai isi. Atonu e te manao tou te matamata ma lou aiga i le vitio ma talanoa e uiga i meaalofa ofoofogia na tuuina atu i tagata taitoatasi o le aiga. E mafai faapefea ona faaoga nei meaalofa e auauna atu ai i isi?
- I le *Mo le Malosi o le Autalavou*, tatou te faitau ai, “O nisi auuunaga sili ona taua e mafai ona e tuuina atu o totonu lea o lou lava

aiga” (32). Talanoa faatasi ma la outou autalavou, i le taua o le auauna atu i le aiga. O a faamanuiaga e oo mai pe a auauna atu tagata o le aiga o le tasi i le isi? Fuafua se auala e mafai ai e la outou talavou ona tuuina atu se auaunaga sili ona anoa i le fale.

- “E masani lava o auaunaga anoa e faaalua i galuega agalelei faigofie o aso uma” (*Mo le Malosi o le Autalavou*, 32). Valaaulia lau autalavou e fatu se gaoioiga auauna atu e aofia ai ia “gaoioiga agalelei o aso uma.” Talanoa pe faapefea ona fesootai le auuunaga i feagaiga tatou te osia i le papatisoga (tagai i le Mosaea 18:8–10).
- Mafaufau e fai se suega o meaaoga o le konafesi aoao mo se afiafi faaleaiga lea e faaoga ai e tagata o le aiga ni faaataataga e vaavaai ai mo faamatataga i le auauna atu mai le konafesi aoao aupito lata mai. Faasoa atu mea ua e mauaina ma talanoaina pe faapefea ona e mulimuli i fautuaga ua tuuina mai e o tatou taitai.

Fautuaga mo le Aoaina o Tamaiti

- Fesoasoani i lau fanau ia malamalama o loo i ai ni avanoa e auauna atu ai i soo se mea. Fai atu i tagata o le aiga e vaavaai mo auala e mafai ona latou



MAU E UIGA I LENEI AUTU

Mataio 25:35–45

Luka 10:25–37

Iakopo 2:14–17

auauna atu ai i taimi o a latou gaoioiga i aso taitasi, ona potopoto faatasi lea ma talanoa e uiga i ou aafiaga.

- Faasoa atu tala e uiga i auaunaga mai le talafaasolopito o lou aiga, o se mekasini o le Ekalesia, po o se lauga o le konafesi aoao. Faitau le Mosaea 2:17 ma talanoa e uiga i le auala e mafai ona tatou auauna atu ai i le Tama Faalelagi e ala i le auauna atu i isi.
- Fai atu i lau fanau e tusi ni ata e faaali atu ai pe faapefea ona latou auauna atu i isi. Fai atu ia i latou po o a ni mea e mafai ona latou faia e auauna atu ai i o latou uso ma tuafafine, uo, faiaoga, po o matua. ■

SAUNIUNI E AVEA MA SE AIGA E FAAVAVAU

Saunia e Marco Castro Castro

E leai se fua faamaneta mo le manuia i le faaiipoipoga, peitai e tutusa lava ia mea e gaosia ai.

Sa ma matauina ma lo'u toalua ma le faanoanoa ma le ofo ao aafia ai nisi o a maua uo i le faagasologa o le tatalaina o faaiipoipoga. O le mea muamua sa ma lagonaina o le fefe nei tupu lenei mea ia i maua pe afai ma te feagai ma ni luitau faigata o le ma faaiipoipoga. Ina ua tulai mai se faafitauli ogaoga i le ma faaiipoipoga, sa ma filifili e toe tuuina ia i maua se avanoa mulimuli—ae ia faia i le ala sa'o. Ua leva ona ma taumafai mo sina taimi e foia a maua faafitauli e ala i le faaloalo i manatu ma lagona o le isi. O le a faaleleia ai la maua sootaga mo sina taimi le tumau, ae a mavae se taimi o le a toe foi mai lava a maua faafitauli.

Ana ma leiloaina lava o loo manao-mia le faia e le Alii o se matafaioi iloga i le ma faaiipoipoga semanu e le amata ona i ai ni suiga o le ma faaiipoipoga. Sa ma iloaina o le a le mafai lava ona ma galulue, pe itiiti foi se faamoemoe o le foiaina, e i maua lava o a maua feeseeseaiga. O le tuueseina o lo maua faamaualuga, sa ma faia ai se mea ma te lei faia muamua. Na ma faagaloina o maua manatu ma ole atu i le Alii po o le a Sona finagalo mo i maua. Pe ana ma lē faafofaina o Ia i

le ma faaiipoipoga semanu e le amata faaleleia—lemu ma i Lana ala ma i Lana lava taimi.

I le taimi nei ua tele ni nai tausaga talu ona ma tootutuli i le fata faitaulaga o le Malumalu o Santiago Chile, ma na ma feagai ma le tele o luitau ma faigata tetele. O le toe tepa i tua, e mafai ona ma faapea atu ai o mea uma na ma oo i ai na avea lea mo lo maua lelei. Na aoaoina i maua e luitau ma faigata ina ia lotomauualalo ma ua

faamalolosia atili ai i maua. O loo ma aoao pea i le ala e faatulaga lelei ai o maua olaga—o le ma aoaoina uma e galulue faatasi o ni paaga tutusa i le alofa ma le malamalama—ma sa matua aoga lava le taumafaiga.

E leai se fua faamaneta mo le manuia i le faaiipoipoga. E maua mea e fausia ai e maua, e pei lava ona i ai i taimi uma, i le talalelei a Iesu Keriso. O lea la, i le avea ai o se aiga, ua matou tusia se tautinoga matou te faaogaina faatasi ma le





folafolaga i le aiga ua tuuina mai e ala i le Au Peresitene Sili ma le Korama a Aposetolo e Toasefululua.¹ O la matou tautinoga, ua faaautuina “Sauniuni e Avea ma se Aiga e Faavavau,” e amata i upu nei: “O i matou, o le aiga o Castro Martínez, ua molimau atu o le faaipoipoga e faauuina e le Atua ma o sootaga faaleaiga e mafai ona faavavau e ala i le Togiola a Iesu Keriso pe afai tatou te usiusitai i tulafono ma sauniga o le talalelei.”

O mataupu faavae nei e 17 lea i la maua faamasinoga e aofia ai tulaga faatauaina autu o le talalelei lea o le a aumaia ia i maua le avanoa sili mo le manuia o la maua faaipoipoga, ma lo maua aiga. O le ma lisi e le o se tulaga o le tetee; e aofia ai mea

e pei o tatalo faaletagata lava ia ma faaleaiga, suesueina o tusitusiga paia, afiafi faaleaiga i vaiaso taitasi, auai i sauniga o le Aso Sa, auai e le aunoa i le malumalu, taulimaina o isi i le alofa ma le faaaloalo, ma le tuuina atu o se auaunaga. Ua ma iloa foi o mataupu faavae a ia e leai ai se aafiaga o soo se ituaiga—e tatau ona ma faataitaia i latou.

O le tuueseina o lo ma faamauululuga ma le faaaogaina o le Alii ma Lona finagalo i la maua faaipoipoga ua tuu ai i maua i le ala e avea ai ma se aiga e faavavau. ■

E alala le tusitala i Valparaíso, Chile.

FAAMATALAGA

1. Tagai i le “O Le Aiga: O Se Folafolaga i le Lalolagi,” *Liahona*, Nov. 2010, 129.



FAUSIA I LUGA O LE FAVAE O LE FAATUATUA

“O faaipoipoga faavavau faamanuiaina o


loo fausia i luga o le faavae o le faatuatua i le Alii o Iesu Keriso ma le usiusitai i Ana aoaoga [tagai i le “O Le Aiga: o Se Folafolaga i le Lalolagi,” *Liahona*, Nov. 2010, 129] Sa ou matauina ia ulugalii o e ua avea a latou faaipoipoga ma se mea taua latou te faataitaia mamamu o le faatuatua: latou te auai i sauniga faamanatuga ma isi sauniga i vaiaso uma, faia afiafi faaleaiga, tatalo ma suesue i tusitusiga paia faatasi ma taitoatasi, ma totogi se sefuluai faamaoni. O la latou lava naunautaiga masani o le usitai ma ia lelei.”

Elder L. Whitney Clayton o le Au Peresitene o Fitugafulu, “Faaipoipoga: Matau ma Aoa,” *Liahona*, Me 2013, 83.



Saunia e Elder
Richard G. Scott

O Le Korama
a Aposetolo e
Toasefululua



Ola

I SE OLAGA O LE FILEMU, OLIOLI, MA SE FAAMOEMOEGA

*Tau ina ia faamalosia e le Alii lou naunautai,
lou faaaogaina o le faatuatua, ma le tuputupu ae
o ou uiga faaletagata ina ia mafai ona avea oe ma se
meafaigaluega o le lelei e finagalo o Ia e avea ai oe.*

Ua i ai lenei lalolagi i se faafitauli ogaoga. O tulaga faatauaina autu a le Iunaitē Setete ma isi atunuu i Sisifo ua faavaivaia. O loo faaaauu pea le faataumaioia o mataupu faavae, amioga mama, amiosa'o, ma tulaga faatauaina faalelotu—o faavae autu o malo ma vaega atoatoa o le filemu ma le fiafia. O le a ou faasoa atu ia te outou i le faigofie ma le manino e mafai ona ou faia ai se mamanu mo le manuia ma le fiafia i le olaga e ui lava i nei tulaga.

Ua tuuina mai e le Atua ia te oe le malosi e faatino le faatuatua ina ia mafai ona e maua ai le filemu, olioli, ma le faamoemoe i le olaga. Ae peitai, ina ia faaaogaina lona mana, e tatau ona mauaa lena faatuatua i se mea mautu. E leai se isi faavae mautu nai lo le faatuatua i le alofa o le Tama Faalelagi mo oe, faatuatua i Lana fua-fuaga o le fiafia, ma le faatuatua i le naunautaiga ma le mana o Iesu Keriso e faatau-nuu ai Ana folafolaga uma.



O nisi o mataupu faavae ua faavae ai le faatuatua e aofia ai le:

- Faalagolago i le Atua ma Lona finagalo e tuuina mai le fesoasoani pe a manaomia, e tusa lava pe o le a le luitauina o le tulaga.
- Usiusitai i Ana poloaiga ma se olaga e faaalua ai e mafai ona Ia faatuatuaina oe.
- Ia mataala i uunaiga filemu a le Agaga ma le faatauunuina ma le lototele o musumusuga e oo mai ai.
- Onosai ma ia malamalama pe a tuu oe e le Atua e te tauivi ina ia tuputupua'e ma pe a oo mai tali i lea vaega ma lea vaega mo se taimi faaumiumi.

O le a aoga ia te oe le malamalama ma faaaoga le mana o le fesoataiga o le faatuatua ma uiga faaletagata. E faaaoga e le Atua lou faatuatua e mahanu ai ou uiga faaletagata. O uiga faaletagata e lalagaina ma le faapalepale mai filo o aoga faavae, mataupu faavae, ma le usiusitai. O uiga faaletagata o le faaalua lea o le ituaiga tagata ua avea ai oe. O ou uiga o le a avea ma fuafaatatau lea o le a faaaoga e le Atua e iloilo ai po o le a le lelei sa e faaaogaina ai lou olaga i la le tino. O uiga faaletagata lelei ma malolosi o le taunuuga lea e maua mai i le faia pea lava pea o filifiliga sao i le feagai ai ma faafitauli ma tofotofoga o le olaga. O filifiliga faapena e faia i le faatuatua i mea e talitonuina ma, pe a usiusitai i ai, o le a faamautuina e moni.

Uiga Agavaa Faaletagata

A o e savali i le tuaoi o lou malamalama-aga i le tauafiafi o le le mautonu a o faaaogaina le faatuatua, o le a taitaiina oe ia maua ni tali i luitau o le olaga lea semanu e te le maua. E tusa lava pe ia te oe se faatuatua aupito sili ona malosia, ae e le o taimi uma o le a vave tauia ai oe e le Atua e tusa ai ma ou mana. Nai lo lona, o le a Ia tali mai i se

vaega itiiti mai lea taimi i le mea o loo i ai i Lana fuafuaga e faavavau lea e sili ona lelei mo oe. O le faaaauu pea o le faaaogaina o lou faatuatua o le a fausia ai le malosia o uiga faaletagata lea e avanoa mo oe i taimi e sili ai ona manaomia. O uiga faapena e le atiina ae i taimi o luitau po o faaosoosoga tetele. O le taimi lona e faaaoga ai.

O le faavae o uiga faaletagata o le amiosao. O uiga agavaa faaletagata o le a faamallosia ai lou gafatia ia iloa le taitaiga a le Agaga ma ia usiusitai i ai. O uiga malosia o se tagata e sili atu lona taua nai lo mea ua e umia, i mea ua e aoga, po o a foi sini ua e ausia. O le faifai pea o lou faaaogaina o le faatuatua e fausia ai uiga malosia faaletagata. Ma le isi, o uiga faamallosia faaletagata e faalatele ai lou gafatia e faaaoga le faatuatua, e faapena ona faaleleia ai lou malosia ma le talitonuga i le faatoilaloina o tofotofoga o le olaga. E faaaauu pea lenei taamilosaga o le faamallosiaina, aua o le tele lava o le faamallosia o ou uiga faaletagata, o le tele foi lona o lou mafaia ona faaaoga le mana o le faatuatua.

Po o fea lava e te nofo ai, po o le a foi lau galuega po o le taulaiga o le olaga, o le a tosaina atu oe i se taua mo agaga o alii ma tamaitai. Ia lototoa i lona tauiviga. O loo tauina i le faavae o uiga faaletagata. Ua faamanino mai e Satani ma ana au o latou uiga e ala i le tetee malosia i le finagalo o lo tatou Tama ma le solia pea lava pea o Ana poloaiga. O ou uiga faaletagata e faamallosia i le tumau i filifiliga sa'o. I le olaga atoa o le a tauia oe mai taumafaiga e te faia e filifili ai ma le sa'o.

E le mafai e Satani po o se isi lava mana ona faavaivaia pe faaleagaina ou uiga tuputupu a'e faaletagata. E na o oe lava e mafai ona faia lona mea e ala i le le usiusitai. O le pogai lona ua matuai tulaia tonu atu ai Satani i le faaosoosoina o oe e fai filifiliga o le a faavaivaia ai ou uiga faaletagata.

*Ia faatumau le mumu o le malama-
lama o le talalelei i totonu o lou aiga
e ala i le suesueina o tusitusiga paia,
tatalo, ma isi mea e te iloa ona fai. Inu
mai le taele o le punavai o le afioga faa-
alia a le Atua. Pipii mau i Lana afioga.*



O Satani o se matai faamanuiaina i le faiga o filifiliga faatumau ia foliga tosina, ma lelei. O lea ia faaeteete ai. I lenei taimi taua o le olaga, o le a e feagai ai ma le tele o filifiliga. O faaiuga e te faia o le a aafia tele ai lou olaga i le taimi nei ma le faavavau. Ia faia ma le potu ma le agaga tatalo.

Faia o Faaiuga e Faavae i Upumoni e Faavavau

E lua mamano o loo i ai mo le faia o faaiuga i le olaga: (1) o faaiuga e faavae i tulaga ma le (2) o faaiuga e faavae i luga o upumoni e faavavau. O Satani e uunaia filifiliga ia faia e tusa ai ma tulaga: O le a le mea o loo fai e isi tagata? O le a le mea e foliga mai e sili atu ona taliaina lautele pe faapolokiki? O le a le mea o le a aumaia le tali sili ona vave, ma sili ona faamalieina? O lenei mamano e maua ai e Lusifelo le avanoa telē e faaosooso ai se tagata e fai faaiuga o le a tiga ma faatumau ai e tusa lava pe foliga mai e sili atu ona manaia pe a uma ona faia se faaiuga.

Faatasi ai ma lenei auala, e le o i ai ni tulaga faatauaina po o ni tulaga faatonuina autu ia laugatasia ai le taialaina o faaiuga. O faaiuga taitasi e faia mo le mea e foliga mai o le filifiliga e sili ona tosina i ai i le taimi lea. O le tagata e filifilia lenei auala e le mafai ona faamoemoe i le fesoasoani a le Alii, ae e tuua i lona lava malosi ma le malosi o isi e fia fesoasoani. O le mea e faanoanoa ai, o le toatele o fanau a le Atua e faia faaiuga i le ala lenei. O le mafuaaga lenei ua i ai le lalolagi i lenei tulaga pagatia.

O le mamano a le Alii e mo Lana fanau ia faia faaiuga e faavae i upumoni e faavavau. O lenei mea e manaomia ai le faaauau pea ona faatotonugalemu i lou olaga ia poloaiga a le Atua. O lea, o faaiuga e faia e tusa ai ma upumoni le masuia e lagolagoina e le tatalo ma le taitaiga a le Agaga Paia. E faaopoopo atu i lou oe lava malosi ma

le gafatia, o le a e olioli ai i musumusuga faalelagi ma le mana pe a manaomia. O au amioga o le a muai iloina ma faamanuiaina ai olaga o tagata uma o i le li'o o lau faatosinaga. O le a i ai sou olaga anoa o faamoemoega, filemu, ma le fiafia.

E leai se faamautinoaga o le a faigofie le olaga mo soo se tasi. Tatou te ola ae ma sili atu ona vave aoa e ala i le fetaii ma le faatoilaloina o luitau. Ua e iinei e faamaonia oe lava, e atiae, ma ia manumalo. O le a i ai pea luitau e mafua ai ona e mafaufau, e fai faaiuga talafeagai, ma ia faia ma le amiotonu. O le a e tuputupua'e mai ai. Peitai, e i ai nisi o luitau e le manaomia lava ona oulua fetaii. O luitau na e fesootai ma soligatulafono ogaoga. A o faaauau ona e aloese mai na ituaiga mala, o le a sili atu ona faigofie ma fiafia lou olaga. O le a e vaaia isi o siomia oe e le faia lenei filifiliga, o e faia mea sese ma faatiapolo ma aumai ai le faanoanoa. Faafetai i lou Tama o i le Lagi ona o le ese o le mamano o lou olaga ma sa e maua le fesoasoani e fai filifiliga na taialaina e le Agaga Paia. O lenei uunaiga o le a faatumauina ai oe i le ala sa'o.

Ua aoa mai i tatou e le talalelei e fai filifiliga e faavae i luga o upumoni e faavavau. Faamolemole aua ne'i faatagaina oe lava e fai se 'alofaga i lenei mamano o le olaga ina ia maua ai se tulaga lelei ae le tumau, pe ia auai i se aafiaga e te iloa ua le tataua lea. Ua matuai toatele ulugalii talavou ma tagata taitoatasi ua ou vaai i ai ua faia ni sese ogaoga o le olaga ona sa latou saili atu i punaoa sese mo auala e ola ai. Sa oo ina tosina ese i latou mai mataupu faavae moni e ala i le faaosoosoina e fetuunai sina vaega itiiti ia maua ai faatosinaga, tulaga, po o le taliaina. Ia latou tauamiotonuina lo latou o ese mai, ma manatu ai e faapea e mafai ona ausia ai i se taimi mulimuli mai se mea lelei sili atu. Mulimuli ane, o lenei mamano o le olaga o le a aveina atu ai oe i le mea e mautinoa lava e te le manao e te oo i ai.

Tatou te manaomia ni tina ma ni tama o e o le a faasaoina le paia ma le saogalemu o le aiga ma le amiosa'o o le au aiga, lea e aoaoina ai le faatuatua i le Atua ma le usiusitai i Ana poloaiga, e aveva o se faavae o se olaga faamanuiaina.



Tausisia o Lau Tautinoga

E faapefea ona e tausia lau tautinoga ia ola agavaa? E mafai faapefea ona e mautinoa o le naunautaiga o lou loto o le a le pala ona o faafitauli e siomia ai oe? Afai ua faamanuiaina oe e faaipoipo, ia olioli i lena mafutaga ma lou toalua ma lau fanau. Ia aua lava nei i ai ni mealilo e taofia mai le tasi i le isi. O lena mea o le a maua ai se faamautinoaga mamana mo le faaauauina pea o le amiotonu ma le fiafia. Fai faatasi faaiuga i faafitauli.

Ia faatumau le mumu o le malamalama o le talalelei i totonu o lou aiga e ala i le suesueina o tusitusiga paia, tatalo, ma isi mea e te iloa ona fai. Faamamalu ma ola i feagaiga o le malumalu pe a e mauaina. Inu mai le taele o le punavai o le afioga faaalua a le Atua. Pipii mau i Lana afioga. Tausi le aso Sapati ia paia. E faapuupuu atu, ia faaauau ona fai mea ua e iloa e tatau ona e faia. Po o fea lava e te alu i ai, ia tumau le fesootai vavalalata i le Ekalesia ma auauna ai e le aunoa. A o nofofua, ia tausia foi nei lava faamoemoega pe a faatatau i ai.

I le aveva ai ma se atalii po o se afafine maoae o le Atua, e matuai manaomia lava oe. O loo i ai se manaoga vave mo ni alii ma tamaitai ia toatele atu e pei o oe o e o le a tutū atu mo mataupu faavae e tetee atu ai i faatosinaga faatuputupulaia e fetuunai na lava mataupu faavae. E manaomia alii ma tamaitai o e o le a amio faamaoni ma le lototele mo le mea ua faamalamalamaina mai e le Alii e sa'o—ae le mo mea e sa'o i le faapolokiki pe taliaina e le lautele. Tatou te manaomia ni tagata taitoatasi o e o i ai le faatosinaga faaleagaga, ma amiotonu o le a latou faaosofiaina isi ia ola faamamaluina. Tatou te manaomia ni taitai faaupufai

e amiosa'o, tagata faipisinisi e faamaoni ma amio mama, loaia o e e puipuia le amiotonu ma le tulafono, ma taitai o malo o e faasaosoina mataupu faavae ona e sa'o. O le mea e sili ona taua, tatou te manaomia ni tina ma ni tama o e o le a faasaoina le paia ma le saogalemu o le aiga ma le amiosa'o o le au aiga, lea e aoaoina ai le faatuatua i le Atua ma le usiusitai i Ana poloaiga, e aveva o se faavae o se olaga faamanuiaina.

E mafai ona aveva oe ma se vaega taua o lena malamalama susulu, o lena faatosinaga amiotonu ina ia faateleina ai le malosiaga o le amio mama o lou atunuu ma ona aiga. O le toatele o au uo latou te ola i se olaga mo na o le taimi nei. Latou te le malamalama i le manaomia o mataupu faavae, tulafono e faavavau, ma le upumoni. Sa tausia i latou i se siosiomaga lea e fai ai faaiuga e faavae i tulaga o le asō po o avanoa o taeao mo le mauaina o ni mea. Faaali atu ia i latou se olaga e sili atu ona lelei—se auala e sili atu ona lelei. O loo i ai nisi o mea e sese ona ua poloai mai le Atua e sese na mea. E le fuafuaina le upumoni i mea e mafaufau i ai le tagata, e tusa lava pe o le a le malosi latou te oo i ai. O le upumoni sa fuafuaina e se Atua Silisili Ese a o le'i Foafoaina lenei lalolagi. O le a i ai pea le upumoni e le masuia e faavavau.

Oi, e mafai ona maua le fiafia lē tumau mai le malosi, aafiaga, po o oa faalelalolagi, ae o le fiafia moni ma tumau, o le ituaiga lea e lagonaina i itula o le taeao lea e te matuai faamaoni ai ia te oe lava, e na o le usiusitai i aoaoga a le Atua e manumalo ai. E tatau ona i ai le faamaoni, amiosa'o, legavia, mama, ma se naunautaiga e lafoai ese se mea faatosina—e oo lava i se mea e moomoo i ai mo se taimi—mo se lelei sili

atu i le lumanai. Ou te tautala atu i lo tatou naunautaiga pe a manaomia ai le tulaga o le tuu atu o mea uma i luga o le fata faitaulaga e mulimuli ai i mataupu faavae moni.

Manuia i le Mulimuli i le Fuafuaga

Ou te fia fautuaina atu ni mea patino se 10 e fesoasoani e te manuia ai i le fuafuaga ua finagalo le Alii e te mulimuli ai i lou olaga.

Muamua, faatulaga se seti o mataupu faavae lea o le a e taialaina ai vaega uma o lou olaga—i lou aiga, i lau auaunaga i le Ekalesia, i lau galuega, i lou nuu. E toatele tagata e taumafai e faavasega o latou olaga ma ua i ai se tulaga faatonuina mo le Ekalesia ma se isi tulaga faatonuina mo mea ua latou faia i le pisinisi ma i isi vaega o latou olaga. Ou te fautuaina malosi oe e aua le faia lena mea. E na o le tasi lava le faatulagaga o tulaga faatonuina e talafeagai. O aoaoga na a Iesu Keriso, lea e faailo mai ia i tatou le taua o le faatuatua, auaunaga, usiusitai, ma le amio sa'o.

Lona lua, aua e te faia ni tuusaunoaga i ou tulaga faatonuina. Aua ne'i fetuunaia i latou. O le tasi o auala e puipui ai i tatou e le Alii o le tuuina mai lea o le taitaiga i le olaga. O se tasi o auala ua taumafai Satani e faatamaia ai i tatou, o le taitai malie ese atu o i tatou mai le mea ua tatou iloa ua sili ona taua i lo tatou olaga. Sa ou nofo i Uosigitone, D.C., i le tele o lo'u olaga, ma ou te manatua mai lea taimi i lea taimi e o mai ai ni tamaloloa i lena aai, o e sa filifilia e fai ma sui o le malo ma o ni tagata o le Ekalesia. O isi i le talutalufou o a latou matata faalematata sa amata ona fai ni 'alofaga, «Ana o i tatou o ni uo lelei atu a isi ma malamalama lelei ia i tatou, o le a tatou maua ni tofiga o le a tuu ai i tatou i se tulaga e mafai ona tatou auauna lelei atu ai.» Sa amata ona latou faia ni tuusaunoaga laiti i tulaga faatonuina lea na latou iloa e tatau ona taiala ai o latou olaga. E toalafoi i latou na manatuaina. Sa latou maimaua a latou

galuega ma tofi ona sa latou faia ni tuusaunoaga i tulaga faatonuina. Aua ne'i outou faia lena measese.

Ia faamaoni i aoaoga ua outou maua mai i o outou matua ma taitai o le Ekalesia. O mea na ua silisili ona taua. Afai e te tuufaatasia au aoaoga aloaia ma mea ua e iloa e uiga i aoaoga a le Alii ma faataitaiga a na tagata agavaa o e ua avea ma faataitaiga lelei ia te oe, o le a e maua se faavae mausali. O le a faamanuiaina oe ma faia mea e tauaogaina mo isi.

Lona tolu, ia faamaoni. Ia faamaoni i ou matua ma e pele ia te oe. I mea uma lava, ia faamaoni ia Iesu Keriso, o le Faaola. E oo mai le faamanuiaina pe a ogatusa a outou faatinoga ma aoaoga a le Alii. Pe a e saili le galuega, sue se mea e luitauina ai oe, e siitia ai oe i tulaga maualuluga o le faatinoga. Atonu e faigata atu, ae o le a e tuputupu ae, atina ae sili atu, ma saofagā atu i nisi mea lelei. E te le o iloa moni lava po o ai oe ma mea e mafai ona e ausia i le olaga. E i ai sou tulaga gafatia maoae i tua atu o le mea e mafai ona e mafaufau i ai i le taimi nei.

Lona fa, ia ola ina ia mafai e le Alii ona taiala oe i le mea e finagalo o Ia ia avea ai oe ma auauna atu ai. E mafai ona Ia faia lena mea pe afai e te ola agavaa i Ana poloaiga ma taumafai i auala uma e usiusitai i Ana aoaoga.

Lona lima, auauna atu i isi. O le faasoatu o mea ua e iloa i isi o le a aumai ai ia te oe le fiafia ma faamanuiaina ai o latou olaga.

Lona ono, ataata. ou te le o faapea atu e tatau ona e faia ni tausua i aso uma, ae o se tala tausua lelei i lea taimi ma lea taimi o se faatonutonu faasopoloa. O le olaga e le matua leaga lava. O le a e aoaoina i se taimi vave e tofi tagata uma ma faafitauli ma e leai se isi e fia faalogo ia oe faafitauli. Faataatiaese na mea ae ataata. Ia i ai se uiga malie, e pei ona faia e perofeta. Maimau pe ana mafai ona ou tauina atu nisi o mea sa matou talanoa i





Faataatiaese ou faafitauli ae ataata. Ia i ai se aga malie lelei, e pei ona i ai i perofeta.

ai. O le o ni mea taufaalili, e le o ni mea e le talafeagai—na o se lagona lelei o le aga malie. O le a ou ta'u atu ia te oe se mealilo i le auala e ala mai ai i le taeao ma se ataata i ou foliga e tusa lava po o a ni ou lagona: alu e moe ma se tautauofu i lou gutu. Ia manatua, o se aga malie lelei o le a fesoasoani tele ia te oe.

Lona fitu, aua le faitio. O le olaga e le o taimi uma e talafeagai ai. O le mea moni lava lena. Ae e faatumulia i taimi uma i avanoa ofoofogia pe afai e te iloa le auala e maua ai. Ou te manatua se taimi sa ou galue malosi ai i le ala na ou iloa ai. Sa ou faigaluega mo se tamalii o lē sa avatua manatu ma fautuaga ma galuega uma sa ou faia ma pasi atu ia i latou e maualuluga atu ia te ia e pei o ni ana lava fautuaga. Mo se taimi sa matuai ou le fiafia lava e uiga i lena mea. A o ou mafaufau loloto i ai, na oo mai ia te a'u se manatu, ma sa ou filifili ai mai lena taimi o le a ou tusi atu ni lipoti ia te ia o mea uma sa ou faia pe taumafai foi e fai, ma auina atu se kopi i lona pule. Sa le fiafia o ia i lena mea, ae sa fetau lelei.

Lona valu, ia i ai i taimi uma sou tofiga i le Ekalesia. Ou te le o fai atu e tataua ona e talosaga mo se valaauga faapitoa, ae po o fea lava e te alu i ai i le lalolagi, po o fea lava e ave oe i ai e le Alii, ia ofo atu i taimi uma lau auaunaga i le taitai pulefaamalumalu. Tuu i lena taitai e filifili po o fea ma faapefea foi. Ia fesootai ma mea a le Atua ma auala e auauna atu ai ia te Ia.

O mea mulimuli e lua e aupito sili ona taua.

Lona iwa, alu i le malumalu. Tauave se pepa faataga aoga o le malumalu. Atonu e i ai ni nai talavou matutua o le a mananao e faatali e o i le malumalu mo o latou faaeega paia pe a latou o atu faatasi ma a latou soa ina ia faamauina. Ae toetoe lava o tagata uma e mafai ona ia maua ma tausia se pepa faataga o le malumalu. O le a taofia ai oe i le ogatasi faaleagaga, o le a mafai ai ona e manatua

ia mea aupito sili ona taua o le olaga, ma o le a uunaia oe e tuuina atu se auaunaga maoae i isi.

Lona sefulu, faaaoga le Faaola o Iesu Keriso e fai ma ou faataitaiga mo le olaga. Faaaoga Ana aoaoga e fai ma au tusitaulima mo le olaga. Aua lava ne'i e faia i ai ni tuusaunoaga.

Mata o le a e mafaufau ma le agaga tatalo i mea ua tatou talanoaina? E toatele ua loto ina ia taitaiina e au faataitaiga amiotonu. Talu ai ona ua faamalamalamaina outou, e te nofo aitalafu ia i latou o e mulimuli ia te oe ia le faataitaiga sili ona lelei e mafai ona e tuuina atu. E le gata o le a faamanuiaina i latou, ae o le a faatamaoagaina ai foi lou olaga. Ia iloa le uunaiga maoae mo le lelei o loo tafe mai amioga a tagata taitoatasi na soifua mai o le mafaufau ma le mataupu faavae ua maua i le upumoni. Filifili faapea o taimi uma o lou olaga o le a atagia ai lou naunautaiga ia lotomaulalao e avea ma se faataitaiga o le amiotonu, amiosa'o, ma le talitonuga maumaututu. Faatasi ai ma se olaga faapena o le a mautinoa lava ona faamanuiaina oe i le faamoemoega lea na e sau ai i le lalolagi.

Fai Le Mea Sa'o

Sa ou amataina lena savali i le faailoa atu ua ou faamaoniaina i lo'u lava olaga le moni o mataupu faavae ua faasoaina atu. Sa i ai taimi sa faaalai ai e la'u filifiliga ia tu atu mo mataupu faavae e tetee atu i faatosinaga malolosi e faapea o le a i ai se toilalo patino tele i le faia o lena faatinoga. Ae o lena mea sa ou le lotovaivai ai. Sa ou naunau e fai lea mea sa'o. Ae peitai, o le toilalo sa faamoemoeina, sa le'i oo mai lava. I se isi itu, o le faia o le mea sa'o i le taimi lea sa matala ai ni avanoa anoa sa sili atu ona maoae ma tele. Ou te molimau atu o le a le mafai lava ona e sese pe a e faalagolago i le Alii ma Ana folafolaga, e tusa lava pe o le a le ogaoga o luitau.

Pe mafai ona ou faasoa atu se aafiaga ia te outou? Sa ou tautua i le Neivi a le I. S faatasi ma le alii Ofisa Sinia o Hyman G. Rickover, o se tagata e ese le faigata. Ina ua valaauina au e avea ma se peresitene o le misiona, sa taumafai o ia e taunau au e aua ou te alu. Ina ua ou fai atu o se perofeta a le Atua sa valaauina a'u, sa fai mai o ia, "Afai o le faiga lena o Mamona, ou te le toe aumaia nisi o i latou e galulue i la'u polokalama." Sa ou iloa sa toatele ni aiga i Idaho, ISA, sa faalagolago i galuega i lena polokalama, ma sa ou popole i ai.

A o ou tatalo, sa oo mai se pese i lo'u mafaufau: "Fai mea tonu; ma ia le popole" ("Fai Mea Tonu," *Viiga*, nu. 148). O le mea lena sa ou faia. Sa ou le iloa pe o le a faapefea ona manuia nisi o luitau sa matou feagai i le ala sa ou faamoemoe e i ai i le tagata o le a sau e suitulaga ia te a'u, ae "fai mea tonu; ma ia le popole." Sa oo i se tulaga lelei tele lava.

Ina ua iloa e le Ofisa Sinia o Rickover o le a ou alu i se misiona, sa fai mai o ia e le manao e toe fia vaai ia te a'u ma e le manao foi e toe tautala mai ia te a'u. I le aso mulimuli sa ou faigaluega ai faatasi ma ia, sa ou talosagaina ai se avanoa [e feiloai ai ma ia]. Sa tau mole le failautusi, sa manatu o le a i ai se vevesiga.

Sa ou alu atu i totonu, ma sa ia fai mai, "Sikoti, nofo i lalo. O le a lau savali? Sa ou taumafai i auala uma ia sui ai lau faaiuga. O le a lena mea e te fia tau maia ia te au?"

Sa ou tuu atu ia te ia se kopi o le Tusi a Mamona ma fai atu, "Ofisa Sinia, ou te talitonu i le Atua. Ma ou te talitonu a tatou faia le mea sili tatou te mafaia, o le a Ia fesoasoani mai ia i tatou."

Ona fai mai lea e Ofisa Sinia Rickover se mea ou te le'i mafaufauina lava e faalogo i ai. Fai mai o ia, "A uma lau misiona, ou te manao e te toe foi mai ma ta galulue faatasi."

"Fai mea tonu; ma ia le popole."

Tau ina faamalositia e le Alii au faaiuga, le faaogaina o lou faatuatua, ma lou uiga tuputupua'e ina ia mafai ona aveia oe ma se meafaigaluega mo le lelei ua finagalo o Ia e aveia ai oe. Ou te molimau atu o loo soifua o Ia. A o e sailia ma le agavaa Lana fesoasoani, o le a Ia taiala oe i lou olaga. Ou te molimau atu i lena mea ma le malosi uma o ia te a'u. O loo soifua Iesu Keriso. O loo Ia taitaia Lana galuega i le lalolagi.

I le aveia ai ma Aposetolo o le Alii o Iesu Keriso, ua matou maua ni aafiaga e matua paia lava lea ua faatagaina ai i matou e tuuina atu a matou molimau i Lona suafa ma i Lona mana. Ou te faia lena mea ma se talitonuga loloto. E alofa Iesu Keriso ia te oe. O le a Ia taialaina oe i lou olaga. I taimi o luitau maoae, pe a e le mautonu po o le fea le itu e ui ai, tootuli ma ole atu i lou Tama o i le Lagi e faamanuia oe ma ia tuu atu lou faatuatua i le Faaola ma Lana Togiola e fai ma papa ma faavae o lou olaga faamanuiaina. ■

Mai se saunoaga o se faauuga na tuuina atu i le Iunivesite o Polika Iaga i le aso 21 Aperila, 2011. Mo le saunoaga atoa i le gagana Peretania, alu i le speeches.byu.edu.

INA IA FAAMANUIAINA I LE OLAGA

1. Faamautu mataupu faavae e taiala ai lou olaga.
2. Aua le faia ni tuusaunoaga i ou tulaga faatonuina.
3. Ia faamaoni.
4. Ia ola ina ia mafai e le Alii ona taiala oe.
5. Auauna atu i isi.
6. Ataata.
7. Aua le faitio.
8. Ia i ai i taimi uma se tofiga i le Ekalesia.
9. Tapuai i le malumalu.
10. Mulimuli i le faataitaiga a le Faaola.

O LE TEPA I LE TAIMI

Vaega 1 o le 2

Mai ia Aperaaamo seia oo mai ia Iesu Keriso (Lolomiina le vaega 2 i se taimi mulimuli ane i le 2014)

○ Aperaaamo—o le peteriaka maoae o le Feagaiga Tuai—[ua] matua fesootai lelei i tagata uma e auai i le Ekalesia a Iesu Keriso o le Au Paia o Aso e Gata Ai. O se malamalamaaga o lona soifuga ma le feagaiga na osia e le Atua ma ia ma ana fanau o le a fesoasoani ia te oe e iloa ai lou olaga ma feagaiga na e osia ma le Atua i le avea ai ma se soo o Iesu Keriso i se auala e sili atu ona atoa (tagai i le Taiala i Tusitusiga Paia, “Feagaiga faa-Aperaaamo,” scriptures.lds.org).

Pe tusa ma le 4,000 tausaga ua mavae, na folafola atu ai e leava, o le suafa lea o Iesu Keriso i le muai olaga, ia Aperaaamo o le a avea ana fanau ma se faamanuiaga i tagata uma ma talu ai o lenei feagaiga, o le a tutupu mai ai ni mea maoae i aso e gata ai (tagai i le Aperaaamo 2: 9–11). Na toe faamautu e Iesu Keriso lenei feagaiga ma le tele o isi i le aluga o seneturi. I ona po nei na la toe faafouina le feagaiga faa-Aperaaamo ma le Perofeta o Iosefa Samita (tagai i le MF&F 124:58; 132: 30–31). O le ulu atu i lenei feagaiga toefuataiina, ua faamanuiaina oe i le talalelei e faavavau ma mafai ai, e pei o i latou anamua, ina ia maua ai sauniga uma o le perisitua paia, e aofia ai le faaipoipoga mo le faavavau (tagai i le Taiala i Tusitusiga Paia, “Feagaiga,” scriptures.lds.org). O lou faamanuiaga faapeteriaka e aofia ai se tautinoga musuia o le gafa lea e mafai ona e maua ai nei faamanuiaga e ala i le faaagaina o le faatutua, salamo, mauaina o sauniga o le perisitua, ma tumau e oo i le iuga i le tausia o au feagaiga.

Ao e suesueina lenei siata, o le a sili atu le manino o lau vaai i lou tulaga i le fuafuga o le fiafia a le Atua.

FEAGAIGA FAA-APERAAMO

1 Na soifua mai Aperaaamo i Uro, i le lauelele o Kaletaiia. Na tapuai lona tama i atua ese.

Aperaaamo 1:1, 5–7, 27

2 Sa papatisaina Aperaaamo; na ia mauaina le perisitua mai ia Mekisateko.

Mataupu Faavae ma Feagaiga 84:14; Aperaaamo 1:2–4

3 O leava (Iesu Keriso) na faaali mai ia Aperaaamo, na laveaiina o ia mai le oli o se taulaga i atua pepelo.

Aperaaamo 1:8–16

4 Na poloaia e leava Aperaaamo e tuua Uro, ma folafola atu o le galuega a Aperaaamo o le a lauiloa ai lona suafa i le lalolagi e faavavau.

Aperaaamo 1:16–19

TISIPENISIONE

Itulagi i Sasae

Itulagi i Sisifo

*2025 T.L.M.

*2000 T.L.M.



1

2

3

4

5



Sara

APERAAMO

FAAPOTOPOTOINA

12 VALOAGA

O nisi o le fanau a Aperaaamo o le a avea ma se “tagata ese” i Aikupito.

Kenese 15:13–14

13 O le poloaiga a le Atua, na tuuina atu ai e Sara lana auuina tamaitai, o Akara, ia Aperaaamo i le faaipoipoga.

Kenese 16:1–4; Mataupu Faavae ma Feagaiga 132:28–35

14 Na faaali le agelu a le Atua ia Akara. O le a faamanuiaina tele foi ana fanau o e tupuga mai ia Aperaaamo. Ua fanau Isamaeli.

Kenese 16:7–16

15 Na faaali leava ia Aperaaamo, ma toe faamautuina ai Ana folafolaga. Sa peritomeina e Aperaaamo tama tane uma o lona aiga e avea ma se faailoga o le feagaiga.

Kenese 17:1–27

5 O Aperaaamo, Sarai (o lona toalua), ma isi tagata o le aiga na nofoia le laueleele o Arana.

Aperaaamo 2:1-5

6 Na faatuina e leova Lana feagaiga ma Aperaaamo; o fanau a Aperaaamo o le a avea ma se faamanuiaiga i aiga uma o le lalolagi.

Aperaaamo 2:6-11

7 O Aperaaamo ma lona aiga na nofoia le laueleele o Kanana. Na folafola e leova le laueleele i ana fanau pe a latou amiotonu. Ona latou malaga lea i Aikupito.

Aperaaamo 2:6, 12-25

8 E ala atu i le Urima ma le Tumema, na vaai ai Aperaaamo i le nofoalii o le Atua, o le muai olaga, ma le fofoaga o le lalolagi.

Aperaaamo 3-5

9 I Aikupito, na avea Aperaaamo ma se failauga maaee o le talalelei ma faamanuiaina.

O Se Kopi o Ata Faatusa mai le Tusi a Aperaaamo, Nu. 3

10 Ua toe foi atu Aperaaamo ma lona aiga i Kanana. Ua faamaonia e leova Lana feagaiga e faavavau ma Aperaaamo.

Kenese 13:1-4, 12-18

11 Na talanoa leova ma Aperaaamo i se faaliga, ma sa faailoa atu e Aperaaamo se naunautaiga ina ia maua se fanau. Sa toe faamautuina e le Alii Lana feagaiga.

Kenese 15:1-21

Aperaaamo

Uso o lareto (sa lareto)

*1950 T.L.M.

*1900 T.L.M.

*1825 T.L.M.

6 7 8 9



10 11 12 13 14 15 16 17 18



19 20 21 22



ISAAKO



Repeka (ava a Isaako)

Akara

ISAMAEĪ

SA ISAMAEĪ

Kitura

SA MITIANA

FAATAAPEAPEINA

FAAPOTOPOTOINA

16 VALOAGA
O le a fanauina e Sara se tama tama e igoa ia Isaako ma o ia o le a faatuina ai le feagaiga faa-Aperaaamo.

Kenese 17:15-21

17 Sa fanau ia Isaako. Sa ta'u atu e leova ia Aperaaamo o le a la faamanuiaina uma ia Isamaeli ma Isaako. (Tagai i le valoaga e 16.)

Kenese 21:1-5, 12-13

18 VALOAGA
O le a avea Isamaeli le tama a Akara ma tamā o "se malo tele". O ana fanau na avea ma malo e 12 po o ituiga.

Kenese 21:17-20; 25:12-16

19 Na faamaonia e leova Ana feagaiga ma Aperaaamo ina ua uma ona ia faaaliga lona naunautaiga e ofoina atu lona atalii o Isaako e fai ma taulaga.

Kenese 22:1-19; Iakopo 4:5

20 Na poloaia e le Atua, na faaipopo Aperaaamo ia Kitura. O le a faamanuiaina tele foi le fanau tama e toaono.

Kenese 25:1-4; Mataupu Faavae ma Feagaiga 132:28-35

21 Na faamanuia e Aperaaamo ma tuuina atu meaalofa i Ona atalii uma, ona malui lea o ia i le 175 o tausaga.

Kenese 25:5-10

22 Na faali atu leova ia Isaako, ma faamautuina le feagaiga faa-Aperaaamo faatasi ma ia, lana ava, o Repeka, ma le la fanau.

Kenese 26:2-5, 24-25; Mataupu Faavae ma Feagaiga 132:37

23 Na faali atu leova ia lakopo, ma faamautuina le feagaiga faa-Aperaamo ma ia ma ana fanau.
Kenese 28:10-22

24 O le poloaiga a le Atua, na faaiipo ai lakopo ia Lea, sosoo ai ma Rasela, sosoo ai ma Pila, ma sosoo ai ma Selepa. E toasefululu le fanau tama ma le teine e toatasi na fananau mai.
Kenese 29-30; Mataupu Faavae ma Feagaiga 132:37

25 Na poloaiina e leova lakopo e toe foi atu i le laueleele folafolaina o Kanana. Na suia le igoa o lakopo ia Isaraelu.
Kenese 31-32

26 Na faali leova ia lakopo (Isaraelu) i Peteli, faafouina le feagaiga faa-Aperaamo.
Kenese 35:1-13

27 Na faalia leova ia Isaraelu ma poloaiina o ia e ave lona aiga i Aikupito.
Kenese 46:1-7

28 Na faamanuaina e Isaraelu ona atalii ma fanau a fanau o Efaraima ma Manase ma o latou aiga. Sa ia folafola atu ia te i latou o le a fesoasoani le Atua ia i latou e toe foi atu i le laueleele o Kanana i se aso.
Kenese 48:21

29 VALOAGA
O se vaega o lona faamanuiga faape-teriaka, na folafola ia Iosefa o le a ia maua se fanau e faatoateleina.
Kenese 48:19; 49:22-26

TISIPENISONE

Itulagi i Sasae
Itulagi i Sisifo


Mose

Uso o lareto (sa lareto)

***1800 T.L.M.**

1600 T.L.M.

1300 T.L.M.



37 Na faali leova ia Iosua, faafouina lona feagaiga ma poloaiina le fanauga a Isaraelu e ulu atu i le laueleele o Kanana e ave ai ma se tofi.
Iosua 1:1-9

38 Ina ua mavae le tele o tausaga i Kanana, na le toe tausia e le fanauga a Isaraelu le feagaiga. Sa sauaina i lava e o latou fili.
Faamasino 2-3

39 E ala i le perofeta o Natano, na osia e leova se feagaiga e faavavau ma le Tupu o Tavita ma ana fanau.
2 Samueli 7:1-17; Mataupu Faavae ma Feagaiga 132:38

40 VALOAGA
O le a faataapepeina tagata o le Malo i Matu (ua ta'ua o Isaraelu) ma le Malo i Saute (Iuta) i atunuu uma.
Amosa 9:5-10; Mika 3:9-12

41 VALOAGA
O le a mafatia ma puapugatia le Mesia (Iesu Keriso) mo agasalala a le lalolagi.
Isaia 53

42 VALOAGA
O le a toe maua e le Alii se toe vaega o Lona nuu, ma faatuuina se tagavai mo atunuu uma.
Isaia 11:11-12; Amosa 9:9

43 VALOAGA
O le a faamafanafana e le Alii Lona nuu, tagioga Ierusalem, ma faali atu lona mana i atunuu uma.
Isaia 40:1-2, 11; 41:10; 52:9-10

30 I Aikupito sa faatoateleina tupuaga o Isaraelu ma ta'ua ai o le fanauga a Isaraelu (sa ta'ua foi o le aiga o Isaraelu). (Tagai i le valoaga e 12.)

Kenese 50

31 VALOAGA
O le a "faatuuina" e le Atua se perofeta (Mose) e laveai Isaraelu mai le nofo pologa i Aikupito.

Faailiuga a Iosefa Samita (FIS), Kenese 50:24, 34-36 (i le faaopoopoga o le Tusi Paia); 2 Nifae 3:10, 17

32 VALOAGA
O le a faataapepeina le aiga o Isaraelu, ma o le a ala se "lala" i le lauelele o Amerika.

FIS, Kenese 50:25 (i le faaopoopoga o le Tusi Paia); 2 Nifae 3:3-5, 16

33 VALOAGA
O le a toefuatai mai e se "tagatavaai filifilifa" (Iosefa Samita) le malamalama i le feagaiga a le Atua ma Aperaamo.

FIS, Kenese 50:25-33 (i le faaopoopoga o le Tusi Paia); 2 Nifae 3:6-15

34 Na faaali leova ia Mose, o le na mauaina le perisitua mai ia letero. Na tuua e le fanauga a Isaraelu ia Aikupito. (Tagai i le valoaga 31.)

Esoto 3:1-10; 13:17-22; Mataupu Faavae ma Feagaiga 84:6

35 Na folafola atu e le fanauga a Isaraelu i le Mauga o Sinai o le a latou tausia le feagaiga faa-Aperaamo.

Esoto 19:3-9; 24:3

36 Talu ai ona sa solia e le fanauga a Isaraelu le latou folafolaga, na latou maua se tulafono maualalo o poloaiga faaletino.

Esoto 32-34; Kalatia 3:19-24; Mataupu Faavae ma Feagaiga 84:19-26

1000 T.L.M.

700 T.L.M.

400 T.L.M.

100 T.L.M.

39



Tupu o Tavita

40 41 42
43 44

Isaia**

45



45

46 47 48



Neemia

49



49

VALOAGA: TALA FAFAAFAUTUSA A SENOSA (E UIGA I LE 1800-400 T.L.M.)
E faapei le aiga o Isaraelu o se laau olive fanua na amata ona pala, o lea na tausia ai e le matai o le togaolive seia oo ina amata ona totogo mai ni lala moni fou. Sa ia aveesea nei lala ma faapipii i luga o isi laau i lona tovine atoa. Na ia teuteuina lala autu ua faaleagaina mai le laau olive fanua ma susunuina i latou, ona faapipii lea o lala o olive vao i luga o le laau.

Iakopo 5:3-14 (ina ia faaaauu pea i le vaega 2)



Liae (sa Nifae ma sa Lamana)

50



50

O nisi tagata o Arapi

Malo i Matu (tagai i le 1 Tupu 12:2-20)

Malo i Matu FAATAAPEAPEINA (ituaga o Isaraelu na leiloloa)

Malo i Saute

Malo i Saute FAATAAPEAPEINA

44 VALOAGA
O le a faafouina le lalolagi i le vaitaimi maoae o le meleniuma, ma o le a faagata ai ma'i uma ma faanoanoaga.
Isaia 25:6-9; 33:20-24; 35; 61:2-5

45 Na faataapepeina e tagata Asuria le nuu o le Malo i Matu ona o le amioleaga. (Tagai i le valoaga 40.)
2 Tupu 17:5-18

46 VALOAGA
O le a toe faapotopotoina i Ierusalem nisi o tagata lutaia (se toe vaega) e auauina atu i le Alii.
Ieremia 24:4-7

47 Sa latou tuua Ierusalem ma avea ma se malo i Amerika. (Tagai i le valoaga 29, 32.)
1 Nifae 1-2; 18

48 Na teena e le nuu o le Malo i Saute le feagaiga faa-Aperaamo ma sa faataapepeina e Papeloniana. (Tagai i le valoaga 40.)
2 Tupu 25:1-10

49 O nisi o le fanauga a Isaraelu na valaauina o tagata "lutaia" na toe foi atu i Ierusalem, e toefausiaina le malumalu. Na apoapoi atu Esera i tagata e tausia la latou feagaiga ma le Atua. (Tagai i le valoaga 46.)
Neemia 8-10

50 Na faatuina e tagata Hasamoniana (Maccabees) se malo o lutaia, i le lauelele o Kanana.

** O le gafa e tusa ai ma le talitunuga faaleaganuu



“O Lena Malo Tele”

O LE TUPUTUPU AE O LE EKALLESIA I RUSIA

Ua fausiaina tagata Rusia o le Au Paia o Aso e Gata Ai i luga o se faavae o le valoaga, ina ia faatuina le Ekalesia i lo latou atunuu.

Saunia e James A. Miller

Matagaluega o Talafaasolopito a le Ekalesia

Na ausia e le Au Paia o Aso e Gata Ai i Rusia se pine faamau i le 2011 ina ua faatuina i lo latou atunuu le uluai siteki i Moscow. E silia ma le afe tagata o le Ekalesia, faifeautalai, ma uo na potopoto fialia faatasi e lagolagoina o latou taitai fou ma faaalua lo latou agaga faafetai o le a i ai se nofoaga o le laumua a lo latou malo i totonu o siteki a Siona o loo salalau atu i le kelope. Sa faatupulaia le naunautaga a o valaauina ma lagolagoina ia Yakov Boyko e avea ma peresitene o le siteki ma Vladimir Astashov ma Viktor Kremenchuk ma ona fesoasoani.

O se lagona o le fialia na faatumulia ai le faapotopotoga ao tuuina atu ia Vyacheslav Protopopov e avea ma peteriaka o le siteki, o le uluai tagata Rusia lea ua avea ma peteriaka i Rusia. Na lele i luga lima ao faitauina mai lona igoa mo se palota lagolago, ma na toetoe lava o nisi o le a amata ona patipati i le olioli. Mo le taimi muamua, ua maua ai e taitai perisitua Rusia ia ki ma le pule lea e olioli ai ia siteki o Au Paia o Aso e Gata Ai i isi nofoaga o le lalolagi. Na amataina se mataupu fou i le talafaasolopito o le Ekalesia i Rusia ina ua mausali nei i lima o tagata Rusia le taitaiga o le Ekalesia i Moscow.

Valoaga

O le ala i lenei aso taua i le talafaasolopito o le Ekalesia i Rusia e sailia mai i tua i le vaitaimi o le popofou o le Toefuataiga. I le 1843 na valaauina ai e le Perofeta o Iosefa Samita ia Elder Orson Hyde o le Korama a Aposetolo e

Toasefululua ma George J. Adams i se misiona i Rusia “e faailoa atu ai le atoaga o le Talalelei i tagata o lena malo tele, ma o loo faapipii atu [iinei] nisi o mea e sili ona taua e uiga i le alualu i luma ma le atiina ae o le malo o le Atua i aso e gata ai, lea e le mafai ona faamalamalamaina i le taimi nei”¹ Ae peitai, o le Maliu Faamaturu o le Perofeta i le 1844 na faasalavei ai ia fuafuaga o le faamaeaina o le misiona, ma o le fuafuaga a le Perofeta e faatatau i le taunuuga o le talalelei o “lena malo tele” na lei faataunuaina.²

Sauniuniga

Ae, i tausaga e 168 i le va o lena valaauaga faamisiona muamua ma le fatuina o le uluai siteki i Rusia, na fesoasoani ai ia tagata o le Au Paia o Aso e Gata Ai mai talaaga eseese e saunia le ala e faasoa atu ai le talalelei i tagata Rusia. I le 1895, na taunuu ai se faifeautalai Suetena o Aokuso Höglund i St. Petersburg e aoao atu Johan Lindlöf, o lē sa fetusia i le Misiona a Scandinavian ma talosagaina ni faifeautalai ina ua uma ona aoao e uiga i le Ekalesia i lana gagana Finelani. I le lua aso ina ua uma ona feiloai atu Elder Höglund ma talanoa atu ia te ia i le po atoa, na mananao loa Johan ma lona toalua, o Alema, ina ia papatisoina. I le aso 11 o Iuni, 1895, na faatasi ai Elder Höglund ma i latou i le auvai o le Vaitafe o Neva. I le le mafai ai ona maua se nofoaga filemu, ma le saogalemumu mo le papatisoga, na tootutuli le vaega i le tatalo e ole atu mo le fesoasoani a le Alii. O se vavega lava le amata ona tuua o le eria e vaa ma tagata. Ina ua mavae le papatisoga, na saunoa ai Sister Lindlöf, “ua ou matua fialia



Ata tusi na saunia e se tusiata Rusia o Elder Francis M. Lyman o le tatalo o le faapaiaiga i le 1903 i Summer Garden i St. Petersburg.

lava! Ou te iloa o le Alii ua faamagaloina au.”³ O Johan ma Alema sa faapea ona avea ma uluai tagata liliu mai na papatisoina i Rusia.

O ni nai tausaga mulimuli ane, na uunaia e ala i le liua o le au Lindlöf ma fesuaiga i le malo na fuafuaina e le malo o Rusia, na amataina ai e Elder Francis M. Lyman (1840–1916) o le Korama a Aposetolo e Toasefululua ni fuafuaga e auina atu faifeautalai i le malo o Rusia. I le 1903, a o avea ma peresitene o le Misiona i Europa, sa malaga atu ai Elder Lyman i le malo o Rusia ma faapaiaina le laueleele mo le talaiga o le talalelei. Sa ia ofoina atu tatalo i St. Petersburg ma Moscow i aso 6 ma le 9 o Aokuso, ma talosaga atu i le Alii e faamanuia taitai o le laueleele ma le tele o tagata o le malo, “o e o loo tafe ai ma le agalelei le toto o Isaraelu i o latou alatoto.”⁴ Sa ia tatalo foi ina “ia liliu atu loto o e mama ma faamaoni e saili mo le upumoni, ma augani atu i le Alii e auina atu ni auauna e tumu i le poto ma le faatuatua e talai atu le Talalelei i tagata o Rusia i la latou lava gagana.”⁵

Na auina atu e Elder Lyman le faifeautalai o Mikhail Markov i Riga, Latvia—na avea o se vaega o le malo o Rusia—ma na tusi atu i le laumua o le Ekalesia e tuuina atu lona faamoemoe e valaaulia vave faifeautalai i Rusia. O taitai o le Ekalesia i le Aai o Sate Leki, e ui i lea, na lagona le manaomia o le manatunatu ma le faaeteete ia sili atu a o lei auina atu faifeautalai i Rusia, lea e faasaina ona talai atu ai soo se mea e tetee i talitonuga faaRusia. E lei umi ae tuua Riga e uso Markov i le faatonuga a taitai i le

lotoifale.⁶ Mulimuli ane, o feeseeseaiga faaagafesootai ma faaupufai i Rusia, na faateleina i le ogaoga o le Taua 1 a le Lalolagi, na taitai atu i se faasologa o fetauaiga ma se taua faalemalo lea na ufitia ai Rusia i le vevesi. O le faatuina o le Soviet Union ma le Taua mulimuli ane i le va o le Iunaita Setete ma Rusia na le mafai ai e soo se taumafaiga lava ona auina atu faifeautalai i Rusia.

Ae peitai, e oo lava i le taimi o le vaitau o le Soviet, na faauau pea e le Au Paia O Aso E Gata Ai le sauniuniga e faailoa atu le talalelei toefuataiina i Rusia. O se tasi o na tagata o Andre Anastasion, se tagata malaga mai Odessa, Iukureini, na amata ona faaliliuina le Tusi a Mamona i totonu o Rusia ina ua maea lona papatisoga i le 1918. Ina ua mavae le asiasi atu i le 1970 i Moscow, na tusia e Andre, “E faalua i le po ona ou tu i le Red Square ma aioi atu i le Alii e tatala le ala mo le Talalelei e ave i tagata Rusia, sa ou vaai i soo se mea o feoai faatasi, ma lavalava masaesae, faanoanoa, faatasi ai ma ulu o punonou i lalo.”⁷ O le lomiga muamua o le Tusi a Mamona faaRusia, na tele lava ina faavae i le galuega a Andre, i le 1981. I se taimi, o le a taliaina e le tele o tagata Rusia le savali o le Tusi a Mamona, i le avea ma paionia i lo latou lava laueleele ina ia fesoasoani e faataunuu faamoemoega ma tatalo a isi mo i latou.

Paionia

I le 1989, sa asiasi ai Yuri ma Liudmila Terebenin o St. Petersburg (na taua i le taimi lea o Leningrad) ma le la tama teine, o Ana, i ni uo i Budapest, Hanikeri. Sa valaaulia i latou e se uo o le Au Paia O Aso E Gata Ai i le lotu, lea na latou lagonaina le Agaga ma filifili ai e feiloai i faifeautalai. Sa iu lava ina papatisoina i latou. E ui lava i le amataga pau ia o tagata o le Ekalesia i St. Petersburg, sa lei tuua na o le au Terebenin mo se taimi umi. O tagata o le Ekalesia mai Finelani ua uma ona faasoa atu le talalelei i tagata Rusia, e aofia ai Anton Skripko, lea na avea ma Rusia muamua na papatiso i Rusia.

I le taimi lea, o loo aafia Rusia i suiga faaupufai, ma sa amata e tagata Amerika o loo nonofo ma galulue i Moscow ona aapa atu i a latou uo Rusia ma e masani. Na feiloai Dohn Thornton ma Galina Goncharova i le 1989, ma o mea tau lotu na avea ma se autu o talanoaga i le va o i latou. Na manatua mulimuli ane e Uso Thornton, “A o ou tuuina atu ia [Galina] le Tusi a Mamona ma le tamaitusi o Iosefa Samita, o le mea e sili ona faigata ona talitonuina na tupu. Sa [foliga mai] o le malamalama uma i le potu i lena taimi

na taulai atu i le tusi. Na oo mai le Agaga i luga o i matou ma na [ia] amata ona tagi.”⁸ Na ta’u atu e Galina ia te ia sa ia lagonaina o le tusi e mai le Atua. Sa amata ona auai o ia i le lotu ma sa papatiso ia Iuni i le 1990, ma avea ai ma le tagata liliu mai muamua na papatisoina i Moscow.

A o liliu mai tagata Rusia mai St. Petersburg, Vyborg, Moscow, ma isi aai i le Ekalesia, sa tatalaina se mataupu fou i le talafaasolopito o le Ekalesia i Rusia. I le aso 26 o Aperila, 1990, sa faia ai e Elder Russell M. Nelson o le Korama a le Toasefululua se tatalo o le toe faapaiaina mo Rusia i St. Petersburg, i le toe faamautuina o le faapaiaiga na faia e Elder

atu ai Uso Efimov o se tagata nuu muamua lava o Rusia o se peresitene o le misiona.

Tuputupu ae

Na taitaia e taitai o le “poto ma le faatua-tua, i le faataunuaina o tatalo o le faapaiaiga a Elder Lyman i le 1903, na faatupulaia le Ekalesia ma le mausali ina ua ulufale atu faifeautalai i Rusia i le amataga o le 1990. Na taliaina e tagata faamaoni o Rusia le tiutetauave e auauna atu i a latou uo ma tuaoi. A o faatuina itu i le tele o aai, o taitai e pei o Fidrus Khasbiulin na faatonuina, musuia, ma lagolagoina le au Paia. O uso Khasbiulin, o le na auai i le Ekalesia i le 1994, na auauna

1843: Ua valaauina e Iosefa Samita faifeautalai e avatu le talalelei i Rusia. Ua faasalaveia nei fuafuaga i lona malii faamaturu i le 1844.



1903: Ua faapaiaina e Elder Francis M. Lyman o le Korama a Aposetolo e Toasefululua le Malo o Rusia mo le taliaina o le talalelei.

1917: Ua faatolaloaina e Bolsheviks le Malo Le Tumau na sosoo ai ma le faaleaogaina o le tsar, le mafuaaga o le Taua a Rusia mai le 1917–22.



1922: Ua faatulaaina aloaia le Soviet Union.

Lyman toetoe lava o se seneturi talu ai ma tatalo atu i le Alii e tuuina atu faamanuiaga o le talalelei i tagata.

I le tautotogo foi o le 1990, na aumaia ai e Tamara Efimova o St. Petersburg faifeautalai i lona fale ina ua uma ona feiloai atu ia te i laua i le fale o se uo. Sa matuai le talitonu lona tama, o Vyacheslav Efimov, i le taimi muamua e mafai e nei alii talavou ona aoao atu ia te ia se mea fou e uiga i le Atua. Ae ui i lea, na faagaetia o ia i le la savali o le talalelei. Sa ia tusia: “Ua [Ia] tuuina mai ia te au le avanoa e maua ai tali i au lava fesili ma, le mea e sili ona taua, o le malamalama e alofa le Atua ia i tatou taitoatasi—o i tatou o ana fanau ma ua ia tuuina mai ia i tatou se Faola, o lona Alo o Iesu Keriso, ma o le a toetutu mai i tatou taitoatasi.”⁹ Ia Iuni, na papatisoina, Vyacheslav, Galina (lona toalua), ma Tamara. Mai le 1995 i le 1998, na auauna

atu o se peresitene muamua o le paranesi i Rostov-na-Donu, mai le 1995 i le 1997, ina ua valaauina o ia o se peresitene o le Itu o Rostov Rusia. I le avea ai o se peresitene o le itu, sa ia faamamafaina le faamalolosia o aiga ma sa faapitoa le fiafia e auauna atu i le autalavou, e fesoasoani ia i latou e saunia e auauna atu faamisiona, ma faaipoipo i le malumalu mulimuli ane.¹⁰

Malumalu

O tagata o le Au Paia O Aso E Gata Ai i Rusia sa le avea le leai o se malumalu i lo latou lava atunuu e taofia ai i latou mai le auai i sauniga o le maota o le Alii. Mo le silia ma le 15 tausaga, o malumalu aupito lata mai o Malumalu o Stockholm Suetena ma Freiberg Siamani, e ui lava o tagata o le ekalesia i Rusia Sasae Mamao o loo faaauau pea ona auai atu i le Malumalu o Seoul Korea.

VALOAGA E FAATATAU I LE EKALLESIA I RUSIA



1930:
“Ou te moli-moli-mau atu loo i ai le faitau afe o le

toto o Isaraelu i lena lauleele [Rusia], ma ua saunia e le Atua le ala mo i latou.”—Elder Melvin J. Ballard (1873–1939) o le Korama a Aposetolo e Toasefululua¹⁵



1995:
“Tou te feiloai i le mea tou te mafaia i le taimi

nei, ae o le a outou ola e vaai i falesa ma siteki. O le a outou vaai se malumalu i le taimi a le Alii. —Peresitene Boyd K. Packer, Peresitene o le Korama a Aposetolo e Toasefululua¹⁶



O le faigata o visa, vava mamao, ma le tau o femalagaaiga na faigata ai ona avea le auai i le malumalu o se aafiaga fai soo.

Ia Tesema o le 1991, na avea ai le aiga o Andrei ma Marina Semionov o Vyborg ma le uluai aiga Rusia e faamauina i le malumalu. Na fai mai uso Semionov, “Na oo mai se olioli faapitoa i o tatou olaga ina ua uma ona faamauina i matou mo le faavavau i le Malumalu o Stockholm Suetena.”¹¹ Mo ni nai tausaga sa ia faatasi atu i vaega uma mai Rusia na auai i le malumalu i Suetena.

Mulimuli ane, na amata e taitai o le misiona ona faatulagaina ni vaega e faia le malaga. O se vaega muamua faapea mai

I le iuga, na oo ina latalata atili mai se malumalu i Rusia ina ua faapaiaina e Peresitene Gordon B. Hinckley (1910–2008) le Malumalu o Helsinki Finelani i le 2006 Ona oo lea i le 2010, na olioli le Au Paia O Aso E Gata Ai i Rusia a o faapaiaina e Peresitene Thomas S. Monson le Malumalu o Kyiv Iukureini, o le malumalu muamua i le Soviet Union muamua, ma na sili atu ona faigofie ona maua faamanuiaga o le malumalu e le Au Paia O Aso E Gata Ai faamaoni i Rusia.

Se Ekalesia a Rusia

O le faapaiaiga o le malumalu i Iukureini na faamalositia ai faamoemoega o tagata lotu



1981: *Ua lolomiina le Tusi a Mamona i le gagana Rusia.*



1991: *Ua asiasi atu le aufaipese a le Tapeneko i le Soviet Union. Ina ua uma le latou konaseti, na faasilasila atu e le au taitai Rusia na maua e le Ekalesia le faaaloaloga faale-atunuu i le aso 28 o Me.*

1991: *Na faaleaogaina aloaia le Soviet Union ia Tesema, ma avea ai le Ripapelika o Rusia ma le Malo o Rusia.*



Moscow na malaga i Stockholm ia Setema 1993. O nei asiasiga i le malumalu na avea ma faatumutumuga o le tuuto mo tagata Rusia i le atunuu ato.

Na faatoa asiasi atu le aiga o Vershinin mai Nizhniy Novgorod i le Malumalu o Stockholm Suetena i le 2000. Ina ua mavae le malaga i St. Petersburg, Sergey, Vera, ma le la tama teine, o Irina, na faatasi atu i se vaega o le Au Paia O Aso E Gata Ai o Rusia mai ni aai eseese ma malaga atu i le pasi ma le vaa ina ia taunuu atu i le malumalu. I le malumalu, sa auai i papatisoga mo e ua maliliu Irina ma sa faamauina i ona matua. “Na tuuina mai ia i matou e le malaga ni molimau ma le tele o faamanuiaga,” na ia toe tomanatu ai. “O ni molimau laiti ia na maua e le tagata lava ia. Ae o le atoaga e fesoasoani ia i tatou ma tuuina mai le malosiaga mo le tuputupu ae ai atili faaleagaga.”¹²



O Au Paia o Aso e Gata Ai i Rusia, sa faatulagaina o ni “Lima Fesoasoani Mamona”, o loo fesoasoani e faamama laufanua o se aoga ma le vaituloto e latalata ane i Moscow i le 2013.

O LE TUPUTUPU AE I PEPA FAAMAUMAU

1989: 20

1998: 9,179

2008: 19,946

2013: 21,888

O LE FAITAU
FAAFUAINU-
MERA A LE
EKALLESIA
MO RUSIA *

Siteki: 2

Itu: 3

Uarota ma

Paranesi: 98

Misiona: 7

O Malumalu

aupito lata mai:

Kyiv Iukureini,

Helsinki Finelani

ma Seoul Korea

*Ia Iuni o le 2013



o Rusia mo le lumanai o le Ekalesia i lo latou atunuu. Ina ua mae'a le faapaiaga, na faapea mai Vladimir Kabanovy mai Moscow “o le Ekalesia o le a faaaauu pea ona tuputupu ae—sa ou vaai faalemafaufau i siteki o Siona iinei [i Rusia].”¹³ Na itiiti ifo ma se tausaga mulimuli ane, o lena faaaliga na avea ma mea moni ina ua faatulagaina e Elder Russell M. Nelson o le Korama a Aposetolo e Toasefululua le siteki a Moscow Rusia. O le tausaga na sosoo ai, ia Setema 2012, na faatulagaina ai e Elder Nelson se siteki lona lua, i St. Petersburg.

A o avea nei taimi ma faatusa o le taunuuga o le 20 tausaga o le auunaga faapaionia ma le alualu i luma e ala i le Au Paia O Aso E Gata Ai o Rusia, ua na o se amataga o se mataupu fou i le talafaasolopito o le Ekalesia i lo latou atunuu. Ina ua mavae le asiasi atu ia Iuni 2012 i le au Paia



2002: Ia Setema, na avea ai e Peresitene Gordon B. Hinckley ma uluai Peresitene o le Ekalesia e asiasi i Rusia.



2008: Anatoly Reshetnikov ua valaaulia e avea ma uluai tagatamuu o Rusia e Fitugafulu Eria.

2011: Ua faatulagaina i le aso 5 o Iuni, le Siteki o Moscow Rusia, o le uluai siteki i Rusia.



2012: I le aso 9 o Setema, ua faatulagaina le Siteki o St. Petersburg Rusia.

i le Eria o Europa Sasae (lea e aofia ai Rusia), na tuuina atu le molimau a Elder D. Todd Christofferson o le Korama a Aposetolo e Toasefululua faapea o loo taitaia e le Alii Lana galuega i ina: “O Lona Agaga e faamalumalu i luga o le eria lenei. O le a tatou vaaia mea tatou te lei mafaufauina lava.”¹⁴ A o faaaauu e Paionia Rusia o le Au Paia O Aso E Gata Ai la latou auunaga, ola ma opogi le talalelei a Iesu Keriso, ma taulai atu i le malumalu, o le a fausia ni siteki faaopopo ma o le a faaaauu pea ona alualu i luma le Ekalesia i lo latou atunuu. Atonu o loo tatou vaaia le faatau-nuuna o se faaaliga na vaaia e le Perofeta o Iosefa Samita mo le malo o le Atua i Aso E Gata Ai i lenei malo tele. ■

FAAMATALAGA

1. Iosefa Samita, i le *History of the Church*, 6:41. E le o manino po o a “mea taua” na faatatau i ai le Perofeta i “lea e le mafai ona faamalalamaaina i le taimi nei”; atonu na ia faatatau ia Rusia lava ia, i le misiona, po o le savali a faifeautalai.
2. Na filifili George J. Adams e le taliaina le taitaiga a Polika Iaga i le avea ai ma Peresitene o le Korama a Aposetolo e Toasefululua ina ua mavae le maliu o Iosefa Samita ma tuua le Ekalesia.
3. Aokuso Höglund i le Peresitene o le Misiona Scandinavia, 9 Iulai, 1895, Misiona Scandinavian tusi talafaasolopito, Faletusi o le Talafaasolopito o le Ekalesia, Aai o Sate Leki, upusii i le Kahlile Mehr,


4. Johan and Alma Lindlöf: Early Saints in Russia,” *Ensign*, Iulai 1981, 23.
4. Joseph J. Cannon, “President Lyman’s Travels and Ministry: Praying in St. Petersburg for the Land of Russia,” *Millennial Star*, Aok. 20, 1903, 532.
5. Joseph J. Cannon, “President Lyman’s Travels and Ministry: The Visit to Moscow, the City of Churches,” *Millennial Star*, Aok. 27, 1903, 548.
6. Tagai William Hale Kehr, “Mischa Markow: Missionary to the Balkans,” *Ensign*, Iuni 1980, 29.
7. Andre Anastasion tusi i le Aufono a Aposetolo e Toasefululua, Nov. 8, 1970, Faletusi o le Talafaasolopito o le Ekalesia, Aai o Sate Leki.
8. Dohn Thornton, “The Beginnings of the Moscow Branch,” i *Pepa ma Ata e Faatatau i le Amataga o le Ekalesia i Moscow, Rusia* (1990–92), Faletusi o le Talafaasolopito o le Ekalesia, Aai o Sate Leki.
9. Vyacheslav Efimov, i Gary L. Browning, *Russia and the Restored Gospel* (1997), 73.
10. Tagai i le Allison Thorpe Pond, o le talafaasolopito tuataliga o Fidrus Khabrakhmanovich Khasbiulin, 18 Aok., 2010, Faletusi o le Talafaasolopito o le Ekalesia, Aai o Sate Leki.
11. O Andrei Semionov, i le Gary Browning, “Avea ma Paionia i Rusia, *Liahona*, Ape. 1998, 36.
12. Mai se faatalanoaga ma Irina Borodina, 6 Mati, 2013.
13. Vladimir Kabanovy, i Jason Swenson, “Russia’s first stake a powerful symbol of country’s growth,” *Church News*, 9 Iulai, 2011, ldschurchnews.com.
14. D. Todd Christofferson, i le vitio i “Spirit Attentive to Eastern European Pioneers,” Ua Saunua mai Perofeta ma Aposetolo, lds.org/prophets-and-apostles/unto-all-the-world/spirit-attentive-to-eastern-europe-pioneers.
15. Melvin J. Ballard, i Conference Report, Ape. 1930, 157.
16. Boyd K. Packer, e pei ona faamaumuina e Dennis B. Neuenschwander i se sauniga Lotu i St. Petersburg, Nov. 18, 1995.

Faafaileleina

O O TATOU OLAGA FOU

Saunia e Eve Hart

O Ryan Abraham sa papatisoina i le Ekalesia i le 14 o ona tausaga a o nofo ai i le aai maugā tu matafaga o Cape Town, Aferika i Saute. “O le auai i le Ekalesia o se faamanuiaga maoae—na fesoasoani ia te au a o talavou e sailiili ai i na tausaga,” sa ia faamatala mai. “Ae ina ua ou



O LE FATU O LE FAATUATUA

“O se tasi o faamoemoega o le Ekalesia o le faafailele lea ma atiae le fatu o le faatuatua—e oo lava i nisi o taimi i elele matutu o le masalosalo ma le le mautonu. O le faatuatua o le faamoemoe lea mo mea e le vaaia ae ua moni [tagai Alema 32:21].

“O le mea lea, ou uso e ma tuafafine pele—au uo pele—faamolemole, ia muamua e masalosalo i ou masalosaloga ae e te lei masalosalo i lou faatuatua.”

Peresitene Dieter F. Utchdorf, Fesoasoani Lua i le Au Peresitene Sili, “Sau, Auai Faatasi Ma i Matou,” *Liahona*, Nov. 2013, 21.

auai i le Ekalesia, sa ou iloa ai e le na o le suia o le mea e te lotu ai; e te suia lou olaga.”

Sa pei le malaga a Ryan o isi foi tagata liliu mai: sa ia talitonu i le moni o le talalelei, ae na feagai ma le galuega faigata o le faagasologa o le sui i se aganuu fou ma ni faamoemoega fou. “O nisi taimi sa ou fesili ai au lava ia, ‘E mafai moni lava ona ou faia lenei mea?’” Fai mai Ryan. “Ae pe a tatou ola i mea ua tatou iloa, o le a oo mai le malamalama ma le malosi sili atu. O le a faia e le Alii mo i tatou mea e le mafai ona tatou faia mo i tatou lava.”

O lenei tusiga o se tuufaatasiga lea o molimau ma aafiaga o tagata liliu mai. Matou te faamoemoe o le a e maua i totonu o nei autu e fitu le faama-losiauga e te manaomia ina ia aafia tumau ai i le Ekalesia ma faafailele lou faatuatua fou seia oo ina mafai “ona mauaa, ina ia mafai ona tupu ae, ma fua mai ni fua mo i tatou” (Alema 32:37).

Faatoilaloina o Tofotofoga

A tatou ola i le malamalama o le talalelei toefuataiina, e mafai ona tatou onosaia ia faaletonu o o tatou olaga faaletino ma toe nonofo faatasi ma le Atua. O loo faatali mai lo tatou Tama Faalelagi e fai mai ia i tatou, “Ua lelei ia, le auuuna lelei e, ma le faamaoni” (Mataio 25:21). O Lana folafolaga lena, ma e mautinoa lava Lona faatauunuina pe afai tatou te faia la tatou vaega.

O Elson Carlos Ferreira, na papatisoina i Pasila i le 1982

Soo se taimi lava e te lagona ai e peiseai ua na o oe o loo tauivi, e mafai ona e nofo ma mafaufau e uiga i mea na faia e Keriso mo oe ma pe na faapefea ona Ia puapua-gatia ai mo oe. E i ai pea o Ia iina i taimi uma e fesoasoani ia i tatou ia iloa po o ai i tatou ma le mea o le a avea ai i tatou. E sili lona silafiaina o i tatou nai lo lo tatou iloina o i tatou lava.

O Mikiko O'Bannon, na papatisoina i Iapani i le 1993

Galulue i Faavae Autu

Ou te lei faia lava se mea uiga ese ina ia tumau faamaoni ai i le Ekalesia. Ou te lei savali i le 50 maila (80 km) ina ia oo i le sauniga faamanatuga po o le togiina i totonu o se ogaumu aasa. Ae o le faia pea lava pea o mea faigofie—auai i sauniga Lotu, suesue i tusitusiga paia, tatalo, ma auuuna atu i valaauga—ua fesoasoani ia te au i le fafagaina o la'u molimau (tagai i le Alema 37:6–7).

O Alcenir de Souza, na papatisoina i Pasila i le 1991

Ina ua ou faatoa auai i le Ekalesia i le 19 o ou tausaga, sa ou fiafia lava e uiga i le talalelei, ma o le faitauina o a'u tusitusiga paia i aso taitasi sa avea o se malaga mataina.

Ae peitai, ina ua mavae ni nai tausaga o le auai i le Ekalesia, sa ou lagona le vaivai faaletino ma le faaleagaga. Sa ou tosoina au lava i le lotu i Aso Sa taitasi, na laiti ni mea sa ou aoaoina mai sauniga ma sa lagona le manao e toe foi i le fale mo lau malolaga o le Aso Sa.

O se talanoaga ma se uo na faaalua mai ai sina malamalama i lou tulaga. Sa ou faia se faamaumauga o au mausa faaleagaga, ma sa ou iloina ua le faamaoni a'u tatalo, ma o le faitauina o tusitusiga paia i taeao uma ua avea ma se galuega—ae le o se mea fiafia. Sa ou iloina e tatau ona ou faaopoopo i ai nisi meaai faaleagaga ma faamalositino i lo'u aso.

Na amata ona ou tatalo i taeao taitasi a o lei faitauina ia tusitusiga paia, ole atu patino ina ia taialaina ma faatonuina au i la'u suesuega. Sa ou faigaluega faavaitaimi ma sa i ai se malolaga e 15-minute i le taeao lea sa ou faaaogaina e faitau ai ni nai itulau o le *Ensign*—o lau meaai faaleagaga o le aoauli. I afiafi, sa ou faitau ai ni tusi faagaetia. I Aso Sa ou te faitauina le tusi lesona o *Aoaoga a Peresitene o le Ekalesia*.

I po taitasi a ou alu ou te moe, ou te lagona le toafilemu aua sa ou faamalieina lo'u matelaina faaleagaga i le aso atoa. Talu ai ua ou filifili e mulimuli i se faatulagaga faaleagaga i aso uma, ua avea au ma se tagata sili atu ona lelei ma ua faatupulaia la'u molimau.

O Tess Hocking, na papatisoina i Kalefonia, ISA, i le 1976

Alu i le Malumalu

Mai le taimi muamua sa ou aoao ai e uiga i le malumalu, sa ou matuai fia alu lava iina. Sa ou aoaoina o le malumalu o se nofoaga e mafai ona tatou faia ai papatisoga mo e ua maliliu, faamauina o ni aiga, ma osia ni feagaiga maualuluga atu ma le Tama Faalelagi. Ua ou saunia ma tausia au lava ia agavaa ina ia mafai ona ou alu i le malumalu.

O Yashinta Wulandari, na papatisoina i Initonesia i le 2012

Ina ua uma ona ou papatiso, na ma fuafua ma la'u uo tama, o JP (o le ua leva ona avea ma se tagata o le Ekalesia) ma te faaipoipo, peitai na ma faatuaiina le aso o le ma faaipoipoga ona sa ou manao e faatele le aiga.

I le Aso Lua, 12 o Ianuari, 2010, na ma o ai ma la'u manamea po o lou toalua faaolioli i le aoga e auai i a maua vasega. Ao ou saofai i lau komepiuta e faatalitali mo le polo-fesa e amata le vasega, na amata ona lulu le fale. Ou te lei mafaufau e tamoe i fafo ona sa matuai matautia lava le lulu.


Sa ou tu i se tulimanu ma moeiini ou mata, ma tatalo i le Tama Faalelagi i lo'u loto: "Faamolemole ia tuu mai ia te au se avanoa e faaipoipo ai ia JP i le malumalu."

I nai minute mulimuli ane, na uma le lulu ma sa ou tilotilo solo. Sa le mafai ona ou iloa atu se mea ona sa to faatimu i lalo le pefu. Ou te le manatua pe na faapefea ona ou aluese mai le potu, ae sa iu lava ina ou oo i fafo. Faatasi ai ma loimata i o'u mata, sa amata ona ou ee i le igoa o JP.

E lei umi ae ou mauaina le tuafafine o JP. "O loo manuia o ia!" sa ia tauvalaau mai ai. "O loo taumafai o ia e fesoasoani i nisi tamaiti aoga o e ua mau i lalo o mea ua faaleagaina."

E le sili atu lou taua nai lo isi o e sa le mafai ona sosola ese, ae ou te iloa na tali mai e le Tama Faalelagi la'u tatalo. Sa ma faaipoipo ma JP i le malumalu i le aso 6 o Aperila, 2010, e sili laititi atu lava ma le tausaga talu ona ou papatiso ma e toetiiti atoa le tolu masina talu ona mavae le mafuie. O se aso o le filemu ma le olioli lea o le a le galo lava ia te au. E lei i ai se ma pati tele, ae sa avea ma se mea e sili ona matagofie ia te au.

O Marie Marjorie Labbe, na papatisoina i Haiti i le 2009





Faasoaina atu o le Talalelei

I le avea ma se tagata fou o le Ekalesia, ou te fiafia i le galuega faafaifeautalai. E mafai ona avea tagata uma ma se faifeautalai. O taimi uma lava e te faasoa atu ai le talalelei i se tasi, e suia ai lona olaga, ae e fesoasoani foi ia te oe e faamalosia ai lau molimau. E mafai ona iloa e tagata le malamalama i ou mata, ma o le a latou fia iloa pe aisea ua e maua ai se agaga ofoofogia. O le faia o le galuega faafaifeautalai e le gata ina tuuina atu i tagata se avanoa e aoao ai e uiga i le Ekalesia ae e fesoasoani foi ia te i latou ia lagona le Agaga ma maua ni aafiaga faaleagaga faaletagata lava ia.

O Elena Hunt, na papatisoina i Arisona, ISA, i le 2008

Ou te fiafia i le galuega faafaifeautalai! E tolu masina talu ona uma lo'u papatisoga, sa ou malaga i Martinique e faaalu se taimi faatasi ma lo'u aiga mo malologa o le taumafanafana. Sa ou talanoa i lo'u uso i aso uma e uiga i le Tusi a Mamona ma le talalelei.

Sa ou valaauliaina o ia i le lotu i le Aso Sa muamua, ae sa ia teena. O le Aso Sa lona lua, sa ia mulimuli ia te au i le lotu. I le faaiuga o fonotaga, sa matuai leai ma sona popole, na pei na te lei lagonaina se mea faapitoa i na itula e tolu.

E ui lava ina sa faaaauu pea ona ou talanoa atu ia te ia e uiga i le talalelei i le vaiaso

na sosoo ai, ou te lei valaauliaina o ia e sau i le lotu i le taimi lenei. Sa tupu se vavega i le afiafi o le Aso Toonai: a o auli o'u lavalava o le Aso Sa mo le aso na sosoo ai, sa ou matauina sa ia faia lea lava mea e tasi.

“O le a lau mea lena e fai?” o lau fesili lea.

Sa ia tali mai, “Ta te o faatasi i le lotu taeao.”

“Ou te le faamalosia oe e sau,” sa ou fai atu ai.

Ae sa ia tali mai, “Ou te fia alu.”

Sa faaaauu pea ona sau o ia i le lotu i Aso Sa taitasi ina ua mavae lena taimi.

Ina ua ou toe foi atu i Farani i saute, lea sa ou aoga ai, sa tau mai e lo'u uso i luga o le telefoni o le a ia papatiso. Sa ou fai atu ia te ia ou te fia auai i lona papatisoga, ae o le mea e sili ona taua o lona i ai pea lea i le Ekalesia pe a ou toe foi atu i Martinique.

E tasi le tausaga mulimuli ane, sa ou toe asiati atu. I le taimi o le sauniga faamanatuga, na molimau lo'u uso ma le malosi maoae e uiga i le moni o le talalelei. Sa maligi o'u loimata ina ua ou mafaufau i lou uso, o le sa ou faasoaina atu i ai ni taimi sili ona matagofie o lo'u olaga, ae ua mafai foi ona faasoa mai ia te au le talalelei a latou Alii (tagai i le Alema 26:11–16).

O Ludovic Christophe Occolier, sa papatisoina i Farani i le 2004

I na ia aoao atili e uiga i le auala e mafai ona e faasoa atu ai le talalelei i au uo ma aiga, mafaufau e faitau tusiga nei: Elder M. Russell Ballard, “Ia Outou Faalagolago i le Alii,” *Liahona*, Nov. 2013, 43; Elder Neil L. Andersen, “O Se Vavega Lava,” *Liahona*, Me 2013, 77; Elder Dallin H. Oaks, “Fetufaai Atu le Talalelei,” *Liahona*, Ian. 2002, 7. Tagai foi www.lds.org/training/wwlt/2013/hastening.

TAGATA TUSI TALAFASOLOPITO O AIGA MO LE TAIMI MUAMUA?

E mafai ona e faalatelele atu le olioli na e lagonaina i lou papatisoga i isi e ala i le galue i le talafaasolopito o lou aiga ma fesoasoani i ou tuua e o mai ia Keriso. FamilySearch.org o se nofoaga sili e amata ai. E mafai ona e fausia lou faasologa o lou gafa e ala i le faaopoopoina o tagata o le aiga ma o latou aso fanau ma aso na maliliu ai. O faufautua o talafaasolopito o aiga i lau uarota po o le paranesi e mafai ona fesoasoani ia te oe i le sailia o ou tuua ma a latou faamatalaga, e aofia ai faamatalaga na ao mai ma tusi faamaonia o faaiipoipoga. A o e aoina mai faamatalaga, e mafai e oe ma isi ona faatinoina sauniga o le malumalu mo tagata o lou aiga ua maliliu.

Faia o Galuega o Talafaasolopito o Aiga

Ina ua uma ona ou maua ia lesona a faifeautalai, sa ou tatalo ina ia iloa pe moni le talalelei. Na oo mai ia te au i se miti lo'u tamamatua pele ma molimau mai e uiga i lona moni. I le taimi lea, ua amata ona ou malamalama i la'u matafaioi paia i o'u tuua. Na saunoa Peresitene Henry B. Eyring, le Fesoasoani Muamua i le Au Peresitene Sili, e faapea: "Ina ua papatisoina oe, sa vaavaai ifo ou augatama ia te oe ma lo latou faamoemoe. Atonu a mavae ni seneturi, ona latou olioli ai lea i le vaai atu ua osia e se tasi na tupuga mai ia te i latou se feagaiga, e saili i latou ma ofoina atu ia te i latou le saolotoga. . . . Ua fusua o latou loto ia te oe. Ua i ou lima lo latou faamoemoe."¹

O Steven E. Nabor, sa papatisoina i luta, ISA, i le 1979

Na nutimomoia o maua loto ma lou toalua, o Laura, ina ua oti le ma tama muamua, le ma afafine e fa-masina le matua, o Cynthia Marie, ona o ni faafitauli o le maeafao. O lenei faalavelave na tupu ai le faatigā ia i maua, ni matua talavou se toalua, e saili mo se auala e mafai ai ona matou toe faatasi ma

le ma afafine i se aso. E lei avea i matou ma ni tagata o le Ekalesia i lona taimi.


I se tasi taeao na sasaa atu e Laura lona loto i le Tama Faalelagi, ma aoi atu, "Tama Pele e, ou te toe fia faatasi ma lau tama teine i se aso, ae ou te le iloa pe faapefea. Faa-molemole ia faaali mai ia te au pe faapefea."

O le taimi lona sa tuitui mai ai lo matou faitotoa. Na alu atu Laura e tatala le faitotoa ao tafe ifo pea ona loimata i ona mata. Sa tutu ai iina ni faifeautalai se toalua. O le mea na oo i ai, na maua uma lava ma Laura se molimau i le moni o le Tusi a Mamona ma na papatisoina ai.

Na mana'o Laura ina ia mautinoa ua maua e tagata uma o lo matou aiga le avanoa e talia ai le talalelei. Mo le 15 tausaga talu ona ma papatiso, na saunia e Laura igoa mo le malumalu, ona ma aveina lea faatasi i le malumalu. Ina ua mavae se taimi na matua le lelei le gugu o Laura ma sa ou aveina igoa i le malumalu na o au.

Na maliu Laura i le tolu tausaga talu ai ina ua mavae le feagai ai ma se taimi umi o lona mai gugu. O le sailia o se auala e faatasi ai ma le ma tama teine laitiiti ua aumaia ai le galuega o le malumalu i le faitau afe o o matou tuua pele. Ua ma lagonaina le tele o ni vavega a o faia galuega sailiili o talafaasolopito o aiga ma galuega o le malumalu (tagai i le MF&F 128:18, 22).

O Norman Pierce, na papatisoina faatasi ma Laura Pierce i Louisiana, ISA, i le 1965



Auai i le taimi o Sauniga a le Ekalesia

O le tatalo i le lotu, tuuina atu o ni faamatalaga i le taimi o lesonea, ma lauga i sauniga faamanatuga e faamanuiaina ai oe ma i latou o e faalogologo. Pe a e tautala i le suafa o Iesu Keriso, e galue le Agaga Paia e ala mai ia te oe. E le gata i le talanoa mai o le Tama Faalelagi e ala mai i tusitusiga paia ma perofeta ma aposetolo ae e talanoa foi e ala atu ia te oe ina ia mafai ai ona tali i fesili a nisi, faamalosi ni vaivai o se tasi, po o le faamama o ni masalosologa a se tasi.

Ina ua talosagaina au e le epikopo e faasoa atu la'u molimau i le sauniga faamanatuga ina ua uma lo'u papatisoga, sa ou lagonaina le fefe ma le le atoatoa. Ou te lei tautala atu lava i luma o se faapotopotoga muamua.

“Mata e tatau moni lava leni mea?” Sa ou fesili atu ai i le epikopo.

“Ioe!” o lana tala lea.

I le sauniga faamanatuga, sa ou molimau ai e uiga i le alofa o le Tama Faalelagi ia te au ma le auala na Ia tali mai ai au tatalo i le fesoasoani mai ina ia ou maua le talalelei toefuataiina. Ina ua ou tu i le pulelaa, sa ou

lagonaina le matua malosi o le Agaga Paia. Sa ou lagonaina le faamanuiaina e avea o se tagata o le Ekalesia moni a Keriso. Sa tumu lou loto i le fiafia ma le filemu. Sa liliu ese e le Tama Faalelagi lou fefe e talanoa atu i se aafiaga matagofie.

O le masina na sosoo ai sa ou maua ai le avanoa e tuuina atu se lauga i le sauniga faamanatuga. Sa ou toe lagonaina lo'u fefe—o ai au ou te aoao atu ai i latou o e sili atu le malamalama e uiga i le talalelei? Ae sa ou tatalo mo le Agaga Paia e fesoasoani ia te au e tautala atu. Sa ou toe lagonaina le Agaga o pa'i mai ia te au, ma sa ou mauaina le uunaiga ua fiafia le Tama Faalelagi i lo'u papatisoga ma ua faamagaloina au agasala.

Ou te iloa mai o'u aafiaga o au o se afafine faapelepele o le Atua ma e alofa o Ia ia te au. O le lauga i le sauniga faamanatuga o se avanoa taua mo au e auauna atu i le Atua i le molimau atu ua toefuatai mai e Iesu Keriso Lana Ekalesia i luga o le fogaeleele.

O Pamella Sari, na papatisoina i Initonesia i le 2012

Auaunaga i le Ekalesia

O se valaauga i le Ekalesia e fesoasoani ia te oe e aoao ai i le talalelei ma tuu atu ia te oe se tiutetauave o le a aveina oe i le lotu ma fesoasoani ia te oe e auauna atu i isi, e tusa lava pe o e tauivi.

O Su'e Tervola, na papatisoina i Hawaii, ISA, i le 2008

O faiaoga asiasi ma faiaoga o aiga e maua ai avanoa ina ia lagona ma vaai i le alofa moni faa-Keriso. Latou te tuuina atu ni aafiaga i le lotomauualalo ma le alofa lea e mafai ona suia oe e faavavau. I le avea ma fanau a le Tama Faalelagi, e manaomia a tatou auaunaga e fesoasoani i le faasalalauina atu o faatinoga o le agalelei i Lona tovine atoa.²

O Cheryl Allen, na papatisoina i Michigan, ISA, i le 1980

E lei umi ona uma ona ou papatiso, ae valaauina au e le peresitene o le paranesi e avea ma peresitene o Alii Talavou. O se tulaga sili le faatasi ai ma le autalavou ma fesoasoani ia

i latou e aoao e uiga i le talalelei. I le taimi lava e tasi sa ou aoao atu ai, na ou aoaoina ai. O le valaauga muamua lea i se faasologa o valaauga lea sa ou mauaina. Sa ou lagonaina i ou tiutetauave taitasi, le olioli ma le fiafia mo luitau fou. Na aoao mai Peresitene Thomas S. Monson: “Ia manatua, o e ua valaauina e le Alii, e faaagavaaina e le Alii.”³ Sa ou faatua-tua ma talitonu ma le lotomauualalo o le a ou gafatia. Ma i le itiiti ifo ma le ono masina talu ona avea au ma se tagata o le ekalesia, sa ou mauaina le avanoa sili e faamasani ai i polokalama a le Ekalesia.

O Germano Lopes, na papatisoina i Pasila i le 2004 ■

FAAMATALAGA

1. Henry B. Eyring, “O Loto Ua Fusia Faatasi,” *Liahona*, Me 2005, 80.
2. Tagai i le *O Afafine i Lo'u Malo: O Le Talafaasolopito ma le Galuega a le Aualofa* (2011), 111–132; Thomas S. Monson, “Home Teaching—a Divine Service,” *Ensign*, Nov. 1997, 46.
3. Thomas S. Monson, “Tiute o Valaauga” *Liahona*, Iulai 1996, 51.



Saunia e Elder
Ronald A. Rasband
Peresitene Sinia
o Fitugafulu



Lotogatasi i le Korama

o Fitugafulu o se Faataitaiga
e Mulimuli i Ai

Ua faamanuiaina i tatou e le Alii i korama a le perisitua e fesoasoani i le aoaoina ma taitaiina o i tatou i le “fili faatasi o [tatou] loto i le lotogatasi ma le alofa o le tasi i le isi.”

Osina taimi ua mavae atu, sa galue ai Elder Paul V. Johnson o le Fitugafulu, ma lona faletua, i le Au Peresitene o le Eria i Chile. I se tasi Aso Faraile sa manaomia ai lona malaga i le 900 maila (1,450 km) mai lo la aiga i Santiago e toefaatulaga le au peresitene o se siteki.

Ina ua ia taunuu atu i le nofoaga sa ia malaga i ai i le po o le Aso Faraile, na ia maua se valaau e ta'u atu ia te ia o lona toalua o loo i le falemai. Ina ua ia talanoa ma Sister Johnson, sa ia faamatalaina lona pau i lalo o ni nai faasitepu ma ua nuti le ponaivi o lona tuli. O le faamautinoa atu ia te ia o loo lelei le tausiga o ia ma e le faia lona taotoga seia oo i le Aso Gafua po o le Aso Lua, sa ia faamalosia iu ia te ia e faamaea lona tofiga i le toefaatulagaina o le siteki ma pulefaamalumu i le konafesi a le siteki.

O le lagona o le toafilemu i ana upu, na vave ona auina atu ai e Elder Johnson se imeli i lona taitai korama i le Aai o Sate Leki e lipoti i ai lea tulaga. Ona ia faia lea o ni fuafuaga e faaauau ai lona tofiga. O loo i ai se lesonea e aoaoina ma lana tali atu: muamua, sa ia lipotia le mea na tupu i lona taitai korama, *ona* faaauau lea o lona tofiga.

Ua faatulagaina le Korama a Fitugafulu i se auala e tofiga tagata taitoatasi ma tiute o le tausimea patino i isi, e aofia ai le vaavaaiga alofa mo tagata ua faamalolo faamamaluina o le korama. Ona o tofiga i le lalolagi atoa, e masani lava e le mafai ona asiasi mai tagata o le korama; ae peitai, latou te fesootei e ala i valaau i le telefoni, imeli, tesi, ma isi auala faaeletonika. Ua talosagaina tagata taitoatasi e fautuaina lona taitai korama i se taimi vave e i ai ni suiga taua i tulaga o le tagata lava ia po o le aiga, lea na faia tonu lava e Elder Johnson.

I le tulaga o Elder Johnson, o lona taitai perisitua o Elder Claudio R. M. Costa, o le sa galue i le taimi lea o se tasi o le au Peresitene o Fitugafulu. Na valaau atu Elder Costa ia Elder Johnson i le taeao na sosoo ai a o i ai Elder Johnson i le ogatotonu



Pe a aofia ai tagata uma o le korama a le Au Perisitua Arona po o le Au Perisitua Mekisateko, o le a tuputupu ae se malosiaga ma le agaga o le usoga.

o le faatalanoaga o taitai i le lotoifale. Sa lagona e Elder Costa e tatau ona toe foi Elder Johnson i le fale ae sa faalogo ma le totoā ao faamatala atu e Elder Johnson le mafuaaga na ia lagonaina ai o loo manuia lona toalua ma e mafai ona ia faaumaina le toe faatulagaga o le siteki. Na ta'u atu e Elder Costa ia Elder Johnson e faaaauu pea ao ia faia nisi suesuega.

Pe a ma le lua itula mulimuli ane na valaau atu ai Elder Costa ia Elder Johnson ma tau ia te ia sa ia talanoa ma taitai korama e uiga i le tulaga ma o o latou lagona e tatau ona ia faatasi ma Sister Johnson. Sa tau atu ia Elder Johnson o lana pepa o le pasese i le vaalele lea o loo i le malae vaalele ma o Elder Carlos H. Amado lea ua agai atu e faamaea le toe faatulagaga o le au peresitene o le siteki.

Ina ua taunuu atu Elder Johnson i le falemai, sa ia iloa ai le tigaina tele o lona toalua. E faaopoopo atu i lona mafatia

o le tulaga lea o lona le tautala i le gagana o le aufaigaluga a le falemai lea o loo siomia ai o ia. Sa ia manaomia lona toalua. O le popole musuia, faaleuso a ona taitai korama na ave atu ai Elder Johnson i ona autafa.

“Ou te lagona le tausia lelei i lenei korama,” o le tala lea a Elder Johnson, “ma o loo i ai le tele o le faatuatua ma le malosi i tua atu o lona tausiga. Ou te lagona moni lava le avea ma se vaega o le korama. Ou te manatu afai e valaauina au po o le a lava se taimi i le au peresitene o se korama a toeaina, o le a avea au ma se peresitene e sili atu ona lelei ona o lo'u aafiaga i lenei korama.”

Ou te ioe i ai. O le lotogatasi ma le alofa ua ou vaaia i totonu o o'u uso e mafai ona avea ma se faatusa mo korama uma o le perisitua. Afai e faaitaia lona faatusa, o le a matua faamanuiaina ia korama ma tagata o le ekalesia i le Ekalesia atoa.

O Le Puna o le Malosi o se Korama

E i ai le mana tele i korama a le Perisitua Arona ma le Mekisateko—po o le mafai ona i ai! O lenei mana e aumai i luga o le pule na tuuina mai e le Atua e galue ai i Lona suafa ma fai ma sui o le molimau, malosi, ma le tuuto o le agaga atoa o tagata taitoatasi.

E matagofie le taunuuga: o le a faamalolosia atili faaleagaga tagata o le korama ma o latou aiga, sili atu ona malupuipua patino, ma avea o ni soo sili ona lelei a Iesu Keriso. Ua ou vaaia i lenei fegalegaleaiga ua galue i le mamanuina o se usoga matagofie e le pei o soo se mea o loo i ai i fafo atu o le Ekalesia a le Alii.

Ua faamanatu mai ia te au se tala na faasoaina e Peresitene Henry B. Eyring, Fesoasoani Muamua i le Au Peresitene Sili, i se tasi taimi. Na fai mai o ia: “Na ou iloa i tausaga ua mavae e faapea, o le malosi o se korama e le maua mai i le fuainumera o i latou o loo i ai e umia le perisitua. Pe otometi foi ona oo mai ona o le matutua ma le faatagata matutua o tagata. Ae o le malosi o se korama e tele ina oo mai i le auala o loo faatasia ai ona sui i le amiotonu.”¹

A tuufaatasia tagata o le korama i le amiotonu, o le a tafe mai mana o le lagi e aunoa ma le taofiofia i o latou olaga ma o le a faalateleina i le auunaga o latou tuuina atu i le tasi ma le isi, i o latou aiga, i le Ekalesia, ma i alalafaga o loo latou alala ai.

O Stephen L Richards, i le fitusefuluono tausaga talu ai, o le sa avea i lena taimi ma se tasi o le Korama a Aposetolo e Toasefulu-lua, na faauigaina le korama o se “muamua, o se vasega; lona lua, o se faalapotopotoga; ma lona tolu, o se iunite o le auaunaga.”² O lena faauigaga maoae o loo faailoa mai ma le mamana e Korama a Fitugafulu.

O Le Korama o se Vasega

I vaiaso taitasi e feiloai ai sui o Fitugafulu o e o alala i le eria o le Aai o Sate Leki i se fonotaga a korama i le laumua o le Ekalesia. O iina latou te auauai ai i aoaoina o le tasi ma le isi i mataupu faavae o le Ekalesia, faiga, ma aiaiga faavae e tusa ai ma le vaega e 88 o le Mataupu Faavae ma Feagaiga: “Tofi se faiaoga i totonu o outou lava, ma ia le tuu atu i tagata uma e tautala i le taimi e tasi; ae tuu atu i tagata e tautala taitoatasi mai ae tuu i isi tagata uma e faalogologo i ana upu, ina a uma ai ona tautala mai o tagata uma, o le a faapea ona mafai ona faagaetia ai o tagata uma” (MF&F 88:122).

O nei fonotaga o ni aafiaga taua lea e oo mai ai musumusuga ma faamalositia ai le usoga. O se agaga o le faaumea ma se lagona o le felagolagomai ma le alofa na faatumulia ai nei fonotaga. Talu ai e le mafai e sui uma o Fitugafulu ona auai, o lea e faamaumau ai fonotaga ma tuuina atu i le Initoneti mo sui uma o loo galulue ese mai le laumua o le Ekalesia.

Na faamatalaina e lo’u uso faalekorama o Elder Don R. Clarke o nei sauniga o ni “taumafataga faaleagaga o mataupu faavae ma le faaaogaina.” A o ia galue i le Au Peresitene o le Eria faavaomalo, sa ia fai mai, “Matou te tulimatai atu i le iloiloaina [o vitio] faalevaiaso i la matou fonotaga o le Au Peresitene o le Eria. Sa i ai taimi na fetau tonu ai lava mataupu ma mea sa matou manaomia e talanoaina.”

Faafetai i nei fonotaga a korama ua faamaumauina ma le vaavaaiga alofa ua lagoina e Fitugafulu ma o latou aiga mai taitai o le

Ekalesia ma o latou uso o le korama, “matou te lagonaina lava le tuulafoaiina,” o le tala lea a Elder Kevin R. Duncan. “Po o fea lava matou te auauna atu ai i le lalolagi, matou te lagonaina lava le tuuatoatasi.”

Afai e aofia uma sui o le korama a le Au Perisitua Arona po o le Mekisateko, o le a atiina ae se malosiaga ma se agaga o le faale-usoga ao aoao atu e sui o le korama le tasi ma le isi ma faasoa atu ni tala po o ni manatu ese-ese. O le tele o korama e tele ni faiaoga, ma o se faiga lelei.

E mafai e taitai o korama i le Ekalesia atoa ona mulimuli i faaitaiga a Fitugafulu. Mo i latou o e e le mafai ona auai i fonotaga a korama, ia saili ni auala e faaofia ai i latou. Mafaufau po o le a se aafiaga o se valaau atu i le telefoni o le i ai i se faitaulaga sili o se atonu ua nofofale po o ua noatia foi i se nofoaga e tausi ai. Faamata o le a ia le talisapaia se valaau mai lona uso korama e faasoa atu se mea na talanoaina ia latou fonotaga faakorama? O tekinolosi e mafai ona faafaigofie ai lena faasoa atu.


O Le Korama o se Faalapotopotoga

E mafai foi ona faaleleia ia fonotaga a korama e ala i lisi o mea e talanoaina lea o le a taulai atu i mataupu e matua taua moni lava. Ua tele taimi e faaalu atoa ai le taimi i pisinisi ma faasilasilaga a le korama lea e mafai ona sili atu le faaaluina i le tuuina atu ai o le vaavaaiga alofa ma le fausiaina o le usoga. O se lisi o mataupu e talanoaina e le korama e ono taulai lelei atu i vaega e tolu ia na ta’ua e Elder Richards i lana faauigaga—aoaoga o le vasega, usoga, ma le auauna atu.

O le matou korama matou te faasoa ina faamaumau ma faasilasilaga e ala i imeli. I la matou fonotaga a le au peresitene, o le mea muamua lava sa i ai i la matou lisi



Mo i latou o e e le mafai ona auai i fonotaga a korama, ia saili ni auala e faaofia ai i latou.





O taitai o korama atamamai o le a faaluina le tele o le taimi i aooga faavae, i le fausiaina o le usoga, ma i le auala e mafai ona aapa atu ai le korama i isi.



o mataupu talanoaina o le tulaga manuia lea o o matou tagata o le korama. Matou te fesili atu po o ai o i ai ni mea e manaomia. Matou te tatalo i o latou igoa mo tagata o le korama—o i ai nei ma ua faamalolo—a latou fanau, ma fanau a a latou fanau. E masani ona fetuunai la matou lisi o mataupu talanoaina ina ia talanoaina ni mea e mafai ona matou fesoasoani atu ai.

O pisinisi faalekorama ma tofiga o le auunaga e manaomia ai se gauai atu, ae o taitai korama atamamai latou te faaititia le taimi e faaluina i aso ma faaliga (auina atu na mea i se imeli, pe lisi i lalo o se pepa e tufa atu) ae o le a

sili le faaluina o le taimi i aooga faavae, fausiaina o le usoga, ma le auala e mafai ai e le korama ona aapa atu i isi.

I le ave ai ma faalapotopotoga, e leai se paga o korama a perisitua i le lalolagi. I tausaga ua mavae na faamalalalama mai ai e Peresitene Boyd K. Packer, Peresitene o le Korama a Aposetolo e Toasefululua e faapea “i aso anamua a tofia se tagata i se itutino ua filifilia, o lona tofiga, e tusia lava i le faa-Latina, e ootoo ai le tiutetauave o le faalapotopotoga, faailoa mai po o ai e tatau ona ave ma sui, ona i ai lea o upu nei i taimi uma: *korama vos unum*, o lona uiga ‘o ai o le a ave ai i tatou ina ia tasi outou.’”³

E leai se mea e sili ona tuufaatasiaina ia loto o tagata ola nai lo le Agaga o le Atua. I lalo o le uunaiga a le Agaga, faamalosiaina e ala i le amiotonu o sui o le korama ma le agaga o le popolega tuufaatasia, e mafai e korama ona ave ma punavai o le mana sili faaleagaga mo sui o le korama ma o latou aiga, faapea foi ma isi o latou auauna i ai.

E le gata i lea, e taua fegalegaleaiga faagafesootai. O se korama malosi o le a fono soo faatasi i gaoioiga faamasani e tuuina atu

ni avanoa mo tagata o le korama ma o latou aiga e fegalegaleai ai i se auala lagolelei ma le fiafia. O le faamasani o se vaega taua lea o le fausiaina ma le faatumaaina o le usoga.

O Le Korama o se lunita o Auaunaga

I le tele o auala o le usoga i korama a le perisitua e faamalosi le auaunaga lea e tuuina atu e korama. O korama a le perisitua, o loo galulue faatasi ina ia tasi i le agaga o le usoga ma le alofa, e mafai ona faia vavega.

Ou te toe mafaufau ia Elder Paul ma Sister Jill Johnson. Ua la oo i le tele o luitau faigata o le aiga. E i ai se la tama teine ma se tama tama a le la tama teine o e na tauivi ma le kanesa. I tulaga uma e lua na ave ia tatalo ma anapogi a tagata o le korama a Elder Johnson na faia ai se eseese ofoofogia.

Ua faamanuiaina i le tele o taimi le Ekalesia ma alalafaga o loo i ai iunite o le Ekalesia e ala i auaunaga faamaoni a korama a le perisitua. O le a mamana lena auaunaga pe a tuufaatasia e tagata o le korama lo latou malosi i le amiotonu, ma le alofa faaKeriso.

E masani ona ou matauina o le malosi ma le alofa e oo mai i le tau o le osigataulaga, lea e faasoaina i ni vaega tetele e ava o Fitugafulu. O le tele o tausaga ua mavae, sa ou asiasi ai ia Elder Claudio ma Sister Margareth Costa a o la auauna atu i Bogotá, Kolomupia. Ina ua uma le taumafataga i se tasi afiafi sa faia se talanoga faavitio a le au Costa i luga o le initoneti ma nisi o fanau a la fanau. A o faaliliu Elder Costa mo au, sa ou iloina ai o loo faasino fanau a le la fanau ia Sister Costa o “Tinamata Komepiuta.” I le faaiuga o le talanoga, e toalua le fanau a le la fanau e lua tausaga ma le fa tausaga na la fusiina le lau o le komepiuta, e tuuina mai ai ia Sister Costa se opo. Sa faailoa mai e Sister Costa mulimuli ane faapea e manatu le la fanau lena o i laua ma Elder Costa o loo nonofo i totonu o le komepiuta.

O le le latalata atu i le fanau ma fanau a fanau i mea taua o loo tutupu e matua faigata lava i tina ma tina matutua. Ae peitai, latou te

auauna atu aua la te alolofa i le Alii ma lagona le faaafolia ai i valaauga a a latou tane.

“E maoae auala o loo saofaga ai o matou taitoalua,” o le matau mai lea a Elder Duncan. “E le gata i lo latou lagolagoina o a latou tane ma avega mamafa o latou tauaveina, ae o loo latou fegalegaleai ai foi ma tagata ma taitai o le ekalesia i le lalolagi atoa i ni auala musuia. O a matou ava o ni faaitaiga moni o le faapaiaga o le fiafia.”

O lena ituaiga o lotogatasi i totonu o Fitugafulu ma o latou faletua e i ai se mana tele. Ou te manatua le i ai i se tofiga i Iapani ma malaga atu ai i le va o ni aai faatasi ai ma Elder Yoon Hwan ma Sister Bon Choi, na auauna atu i lena taimi i le Au Peresitene o le Eria i Matu Asia. Sa ou iloaina se faafitauli i lo latou atunuu o Korea, ma o lea na ou talanoa i ai. Ina ua uma ona ou uunaia sina mea itiiti mai ia te ia, sa ta'u mai e Sister Choi ia te au le tulaga tuga o le faafitauli. Ona ia tuuina mai lea o ni fautuaga na faamaonia le fesoasoani tele i le sailia o se vaifofo.

Ua faamanatu mai e Peresitene Thomas S. Monson ia i tatou, “Uso e, o loo manaomia e le lalolagi lau fesoasoani. O loo i ai vae e faatutumu, o lima e uumau, o mafaufau ia faamalosiaina, o loto ia musuiaina, ma agaga ia laveai. O loo faatalitali mai ia te oe ia faamanuiga o le faavavau. Ua ia te oe le avanoa e le ia matamata ai ae ia auai ai i le faatinoga o le auaunaga faaleperisitua.”⁴

Ioe, o le usoga moni o se fuataga lea o le faaleatua.

O le latalata atili atu i lena manatu, o le latalata atili atu lea i le agai atu i mea paia. O lea ua tuufaatasia ai le Tama, le Alo, ma le Agaga Paia i le alofa, mana faaleagaga, ma le malamalama o loo faatatau ia tusitusiga paia ia i Latou i le avea ma e e tasi (tagai Ioane 17:21–23; 2 Nifae 31:21; 3 Nifae 11:27, 36). Ua faamanuaina i tatou e le Alii i korama a le perisitua e fesoasoani i le aoaoina o i tatou i le ituaiga o lotogatasi alofa o loo faamatalaina i le tusi a Mosaea: “ua fili faatasi o latou loto i le lotogatasi ma le alofa o le tasi i le isi” (Mosaea 18:21).

O la'u tatalo ina ia aapa atu ia taitai uma o korama ma tagata o korama i uso taitasi ma iloa ona manaoga ma manaoga o lona aiga. O le atofaina o se Aso Sa patino o masina taitasi e umia ai ma le agaga tatalo ni talanoaga i fonotaga a korama, o le a fesoasoani lea i le faaunuuina o lenei galuega taua. O le malamalama i mea e moomia, o le a mafai ai e tagata o le korama ona saili ni auala e faamanuaina ai olaga ma tofo i mana o le lagi ia sili atu ona tele, ma faateleina ai ia le mana faaleagaga o korama o le perisitua. ■

Mo nisi manatu i le faamalosiaina o lau korama, tagai Henry B. Eyring, “Fusi i o Latou Manua,” Liahona, Nov. 2013, 58.

FAAMATALAGA

1. Henry B. Eyring, “O Se Korama a le Au Perisitua,” *Liahona*, Nov. 2006, 43.
2. Stephen L Richards, i le Conference Report, Oke. 1938, 118.
3. Boyd K. Packer, “The Quorum,” i le *A Royal Priesthood* (Melchizedek Priesthood personal study guide, 1975–76), 131.
4. Thomas S. Monson, “Ia Laveaiina,” *Liahona*, Iulai 2001, 57.

O LE FITUGAFULU: O SE TALATUU O AUAUNAGA

O le Fitugafulu o se valaauga faaleperisitua e avea ma se molimau o Iesu Keriso ma fesoasoani i perofeta a le Alii. Ina ua lofituina Mose i le avega o le taitaiga, na fetalai atu le Alii ia te ia e faapotopoto mai “o tagata e toafitugafulu o toeaia o Isaraelu, . . . ou te avea foi nisi o le agaga o loo ia te oe, ma ou tuuina atu ia te i latou; ona latou tauave ai lea faatasi ma oe le avega o le nuu” (Numeru 11:16–17).

Mulimuli ane, i le faagasologa o Lana galuega faaletino,



na “tofia e le [Faaola] nisi e toafitugafulu, ua aauina atu o i latou e taitoalua ua muamua atu ia te ia” (Luka 10:1).

I le taimi nei, ua toe valaauina e le Alii ia Fitugafulu “e galulue i le suafa

o le Alii, i lalo o le taitaiga a le Toasefululua. . . i le atiina ae o le ekalesia ma le pulea o mataupu uma . . . i atunuu uma” (MF&F 107:34). Ua pulefaamalumu ai ia i latou ia peresitene e toafitu. E faailoa e le Alii o le a valaauina ia le tele o Fitugafulu e pei ona manaomia ai e le Ekalesia. (Tagai MF&F 107:93–96.)

O SE MINUTE MA LE AFA I LE TIMU

I le tuputupu ae, o au le tamaitiiti e te le tau popole i ai. Sa ou toaga i le Ekalesia i lo'u olaga atoa. Sa avea au ma le peresitene o la'u korama o le perisitua ma vasega o le seminare. Sa ou alu i konafesi uma a le autalavou, malaga i le malumalu, gaoioiga a le Sikauti, ma po o le Mutuale. Sa ou maua foi se molimau e uiga i le tala-lelei. Ae ina ua avea au ma se tasi o la'u korama a ositaulaga, sa ou tauivi, e ui ina sa leai se tasi na iloina. Aua e moni lava, o au o le tamaitiiti e te le tau popole i ai.

O na nai vaiaso ma masina muamua i le korama sa ou faia le mea e masani lava ona ou faia: sa ou alu i le

lotu, Mutuale, ma gaoioiga faaSikauti. Ae peitai, i totonu, sa ou tauivi. Ou te lei lagonaina o a'u o se vaega o le faapotopotoga po o mananao isi alii talavou ia ou i ai iina. Sa ou matua naunau lava ina ia auai.

A o faagasolo pea le taimi, sa i ai au fesili ma masalosologa e uiga i le pe ou te fia avea ma se vaega o le korama. Ae na ou tumau malosi, mafatia filemu ma faamoemoe o le a i ai se mea po o se tasi o le a fesoa-soani mai ia te au ia lagona le taliaina.

Faatoa uma lava ona ma faia ma lou tama lau taavale muamua, o se Ford Mustang 1967 matagofie. E fesili soo mai ai lava ia Brother Stay, o

lau peresitene o Alii Talavou. Sa ou mafaufau o ana fesili na faaalua ai lona fiafia i se taavale maoae—ae le o se alii talavou.

Na suia uma nei mea i se tasi afaifi timuga ina ua uma le Mutuale. Ona o le maligi o timuga, na momoli uma ai i matou i le fale mai le falelotu e Brother Stay, na mulimuli lava momoli au. Ina ua ia vaai i la'u Mustang lanumoana i le auala taavale, sa ia toe fesili mai e uiga i ai. Sa ou ofoina atu na te matamata i le afa lea sa ou faa-aluina ai le tele o itula e toe faaleleia.

E le tele se silafia a Brother Stay e uiga i taavale, ma sa faatali mai lona toalua ma lona atalii laitiiti i le fale mo ia. Ae sa ia tu ai iina i le pogisa, i le timu, ma tilotilo atu i se afa taavale e tau le iloa. I lona taimi sa ou iloa ai na te le o faia le mea sa ia faia e vaai ai i se taavale maoae—sa ia faia ona o lona alofa ia te au.


Ona o lona minute ma le afa o tu ai i le timu, sa ou maua le mea sa ou manaomiaina. Ua iu lava ina ou lagona le taliaina. Ua tali mai au talosaga le magagana.

Talu mai lona taimi ua ou alu i le malumalu, auauna atu i se misiona, faauu mai le kolisi, ma taumafai e tausua au feagaiga. Atonu e le o manatua e Brother Stay lona taimi, ae o le a le galo lava ia te au.

Ua tofua uma lava i tatou ma tau-iviga, ae e mafai lava ona tatou sailia se minute ma le afa faaopoopo i aso taitasi e faaali atu ai le alofa i se tasi o fanau a le Atua. Atonu o le a faia ai se eseese tele—e oo lava i se tasi tatou te manatu e le tataua ona tatou popole e uiga i ai. ■

Jason Bosen, luta, ISA

E le tele se silafia a Brother Stay e uiga i taavale, ae sa ia tu ai iina i le pogisa, i le timu, ma tilotilo atu i se afa taavale e tau le iloa.



O LA TATOU MALAMALAMA I LE POGISA

Na faatoa uma lava ona aafia lo matou aiga i se afi na faatau-maoi ai le fale, ma sa nonofo uma lo matou aiga e toavalu i se fale feaveai le mautu e tolu potumoe i luma o lo matou fanua. Na feagai lo matou aiga ma luitau ma feeseeseaiga.

E lei malosi lou toalua i le Lotu i lena taimi. Na faia e le ma fanau tama talavou e toalua ni filifiliga e ono taitaiina atu ai i le faanoanoa. I lena lava taimi, sa ou auuana atu o se perezitene o Tamaitai Talavou i la matou uarota, ma o le tele o tamaitai talavou sa tauivi ma ni faaososoga matuia. O nisi o lo latou matua na feagai foi ma tauiviga ma na le fesoasoani ia latou fanau teine i lenei taimi faigata.

Sa ou iloina na manaomia e nei tamaitai talavou lau fesoasoani ia latou maina faaleagaga. Sa ou iloa le manaomia o au e au fanau tama e toaono. Sa ou iloa na faalagolago lou toalua lelei i lou malosiaga. Ae peitai,

na foliga mai ua leai se isi mea ae ua na o le pogisa o loo siomia ai au, ma sa ou lagona le gaogao, vaivai, ma le le mafai ona taitai atu ai nei fanau pele i le saogalemu.


I le tuneva o se tasi po ao ou luelueina le ma tama pepe i le filemu o lo matou fale le tumau, na liliu atu ou mafaufauga ia i latou o e manaomia au ina ia malolosi. Sa ou lagonaina le pouliuli maoae o siomiaina i latou. I lo'u mafatia sa ou tatalo ai ma lo'u loto atoa i le Tama Faalelagi e faaali mai ia te au le auala e fesoasoani ai ia i latou e ui lava i ou faaftauli. Sa Ia tali vave mai ma faaali mai ia te au le auala.

Sa foliga mai sa ou vaai ia te au lava i totonu o la matou fale faafiafia tele i la matou uarota, lea e leai ni faamalalama. Na tuneva le po, ma sa leai lava se emoemo mai o se moli po o se malamalama. Ona ou tutuina lea o se tamai moligao o le aso fanau. Sa foliga mai e matua lē taua, ae o le malosi o

lena tamai malamalama na lava lea e suitulaga i le pouliuli.

O la'u tali lena! O le *tele* o le pogisa o loo siomia ai i tatou i le lalolagi e le afaina lea. O le malamalama e faava-vau ma e matuai sili atu ona mamana nai lo le pogisa (tagai i le 2 Korinito 4:6; Mosaea 16:9; MF&F 14:9). Afai tatou te tumau i le agavaa mo le mafutaga faifai pea a le Agaga Paia, o le a atagia mai i o tatou agaga le lava o le malamalama e suitulaga ai i soo se aofaiga o le pogisa, ma ta'ina atu isi i lena malamalama i totonu o i tatou.

Na pau lenei o le mea na manaomia ia ou iloa. O lenei malamalamaaga faigofie na tauaveina ai au i le aluga o le 25 tausaga ua mavae faatasi ai ma le malamalama o le i ai o le fesoasoaniga ma le taitaiga a le Alii, e mafai ona tatou faia— ma aveai ai— ma mea uma ua Ia manaomia i tatou e fai ma ia i ai i lenei lalolagi o le pogisa. ■
Susan Wyman, Georgia, ISA



I le tuneva o se tasi po ao ou luelueina le ma tama pepe i le filemu o lo matou fale le tumau, na liliu atu ou mafaufauga ia i latou o e manaomia au ina ia malolosi.

O LA'U SAVALI MAI LE TAMA FAALELAGI

I le avea ai ma se tasi faatoa faaipoipo ma se tagata fou o le Ekalesia, sa ma siitia atu i Egelani ma lou toalua. E ui lava sa ou aoaoina sina vaega o le gagana Peretania i le aoga, o le mamafa o lau tautala faaIapani na faigata ai ona malamalama i la'u faaPeretania, ma o le faaleoina faaPeretania na faigata mo au ona iloina.

Sa avea i maua ma lou toalua o ni tagata o le Ekalesia, peitai ma te lei liua atoatoa ina ua ma faaipoipo. O taimi uma lava ma te o ai i le fale pe a uma le sauniga faamanatuga nai lo nonofo ai i le lotu mo isi sauniga. Ma te lei mananao e maua ni valaauga o le Ekalesia.

I se tasi aso, ina ia fesoasoani ia te au ia auai atili i gaoioiga o le Ekalesia, sa valaau mai le taitai o le Aualofa ma fesili mai pe ou te fia manao e faasoa atu nisi o mea e uiga ia te au i leisi fonotaga faaopoopo o le Aualofa e

sosoo ai. Sa ou ioe e auai, ae ona o le le lava o lau gagana Peretania, ou te lei malamalama ai e tatau ona ou aumaia ni mea e faaali ai.

Ina ua ou taunuu atu i le fonotaga, sa vave ona ou iloina mea ia sa faamoemoe ia te au e fai. E tolu laulau sa setiina i ie ufilaulau ma fugalaa i luga. Sa i ai se faailoga na faitauina, "Faamasani i Uso." O se tasi o laulau na faailogaina "Sister Tuckett." Ae sa leai se mea na ou aumaia e tuu i luga o la'u laulau. Sa ou taumafai e nana o'u loimata na amata ona i ai i o'u mata.

Ua leva lava ona ou faanoanoa i soo se taimi lava ou te auai atu ai i le sauniga faamanatuga aua ou te le'i malamalama atoatoa i se mea na fofogaina. Sa masani ona ou faapea, "Aisea ua ou i ai iinei?" O lea ina ua ou taunuu atu i lona fonotaga a le Aualofa ma iloa la'u mea sese, sa ou lagona faapea e le tatau ona ou toe

lotu. Sa ou moomoo maimau pe ana mafai ona ou mou ese atu, ae e tatau ona ou ta'u atu i le taitai o le Aualofa ou te le o saunia.

"Ou te faatoese atu," sa ou fai atu ai. "Ou te lei malamalama, ma ou te le o maua se mea e tuu i luga o la'u laulau."

Sa ia tilotilo mai ia te au ma foliga agalelei ma fai mai, "E le afaina—ou te fiafia lava ua e i ai iinei." Ona ia opo mai lea ia te au.

Sa ou lagonaina le mafanafana, ma ua tau mai e le Agaga ia te au o le mea sa ia fai mai ai o se savali mai le Tama Faalelagi—na Ia alofa ia te au, ma sa fiafia sa ou i ai iina. Ou te lei malamalama lelei i le faaPeretania, ae o le Agaga na mafai ai ona ou malamalama i lana savali.

Ona o lenei lagona, na vave ona suia lau faaiuga. Sa ou tauina ia te au lava, "Afai e matuai alofa lava le Tama Faalelagi ia te au ma e finagalo ou te sau i le lotu, ou le a ou faia, e tusa lava po o le a le faigata."

Talu mai lona lava taimi, ma te auai ma lo'u toalua i sauniga uma a le Ekalesia. Na ou naunau foi e aoao le gagana Peretania. Sa oo ina ou malamalama atili i le gagana Peretania ma aoao e tautala ai.

Ou te faafetai mo le uso lea na tuuina mai le savali mai le Tama Faalelagi i lona taimi taua i lo'u olaga. I le taimi nei, 15 tausaga mulimuli ane, o loo ou galue i le au peresitene o le Aualofa a le itu i se itu e tautatala Faaperetania i Iapani ma ua maua ai aoaoga mai le Ekalesia ina ia avea ma se tagata faamatalaupu. ■

Terumi Tuckett (faatasi ai ma Jill Campbell), Iapani

I na ua opoina a'u e le taitai o le Aualofa, sa ou lagonaina le mafanafana.



SA OU PUIPUIA LO’U FAATUATUAGA

I le taimi o lo’u tausaga muamua i le kolisi, sa tatalaina o’u mata i le mea moni faapea o le a le toe puipuia lou olaga o se tagata aoga e pei ona sa i ai muamua. O le a le taliaina foi mea e pele ia te au.

Sa ou iloa le pei o se lima matua tiga ina ua ou musu e auai i gaoioga ia na ou iloa o le a faatamaia ai au faaletino pe faatamaia ai le ma mafutaga ma le Tama Faalelagi. Ae peitai, sa ou fefe i faitioga i le ave ma se tagata o le Ekalesia ma o le mea lea na aloalose ai mai le autu.

I se tasi aso i se vasega o le aoauli, sa taitaia e le polofesa se talanoaga i le auala e atiina ae ai le autalavou i le lotolotoi o le faailogalanu faifai pea. Sa tali mai se teineitiiti i o’u tua o le talanoaga o loo faia na ia manatu ai i tagata Mamona. Sa ou lagona le le maotonu ina ua tauina mai le Ekalesia i se vasega, o faamatalaga le talafeagai e masani lava ona sosoo ai.

A o ou sauniuni mo ni faamatalaga faatiga, sa fesili mai le faiaoga pe sa i ai nisi tagata o le Au Paia o Aso e Gata Ai i le vasega. I le tei ai i le fesili, sa ou vaiiilia totonu o le potu ma iloa ai o loo faia foi e isi tagata lea lava mea e tasi. A o lei mafai ona ou mafaufau faalua, sa sii i luga lo’u lima mai lona tulaga mafana lea sa i ai i luga o le kesi. Sa ou faalogoina se solo musumusu mai le isi pito o le potu.

“Tasi,” o le tala lea a le faiaoga. Na tatagi le upu i ou taliga. Ina ua mavae se saō umi lava, sa talosagaina au e tali i le finauga e faatatau, pe mata o tagata o le Au Paia o Aso e Gata Ai o ni Kerisiano. Sa lei fou ia te au le fesili ma sa ou sauni e tali.

“Ma ua matou tautalatala e uiga ia Keriso, ua matou olioli ia Keriso, [ma] ua matou talai atu Keriso” (2 Nifae 25:26), sa ou tali atu ma le maotino. “O matou moni lava o ni Kerisiano.”

Na le toe i ai se musumusu, ae sa ou lagona le sioa mai o tagata uma ia te au. Sa ou manatu o le a ou lagona le tuua toatasi. Nai lo lena, sa ou lagonaina le pei na saofai i ou talaane le Faaola ma tuu Lona lima i lou lima. Na leai se isi mea sa taua, aua sa faatumulia a’u i le olioli lea na faamalosia ai la’u molimau ia te Ia. Sa ou puipuia lo’u faatuatuga.

Sa tele mea na ou faasoa atua i le vasega e uiga i le mafuaaga e avea ai tagata o le Au Paia o Aso e Gata Ai ma ni Kerisiano. Ona ou mafaufau lea i le taimi na faasoa mai ai e Peresitene


Thomas S. Monson le talalelei i se tietiega pasi. Mai lenei aafiaga, sa ia uunaia ai tagata ina ia “lototetele pea ma saunia e tutu mo mea ua tatou talitonu i ai.”¹ A o ou mafaufau i ana upu, sa ou iloina sa ou faia le mea na sili ona ou fefe e fai.

Ou te le iloa pe na suia ai ni manatu o nisi e uiga i le Ekalesia i mea sa ou tauina atu, ae e le tataua ona tatou fefefe e tutu atu ma faasoa atu le talalelei—po o fea lava tatou te i ai. E tusa lava pe tatou te le faamanuaina se isi tagata, o le a tatou faamalosia lava a tatou molimau ma lo tatou sootaga ma le Tama Faalelagi. ■
Karlina Peterson, Idaho, ISA

FAAMATALAGA

1. Thomas S. Monson, “Ia Lototele e Tu Na o Oe,” *Liahona*, Nov. 2011, 67.

A o lei mafai ona ou mafaufau faalua, sa sii i luga lo’u lima mai lona tulaga mafana lea sa i ai i luga o le kesi. Sa ou faalogoina se solo musumusu mai le isi pito o le potu.



TAUTALA, FAALOGO, & **ALOFA**

Pe o lelei lau fesootaiga ma lou toalua?
O le malamalama i nei ituaiga o talanoaga e tolu e mafai ona fesoa-soani e faamalosia ai la oulua mafutaga.



Saunia e Mark Ogletree

I le avea ai ma se faufautua mo faaipoipoga ma aiga, e masani ona ou asiasi i ulugalii e fesoasoani ia i latou e toe faaleleia pe faamalolosia a latou mafutaga. I se tasi taimi, sa ou feiloai ai i se tamaitai o le sa na o ni nai masina talu ona la faaiipoipo ma lana tane, ma sa ia fai mai ua i ai ni la faafitauli ogaoga tau fesootaiga. Ina ua uma ona talanoa atu i lana tane, sa ou matauina ai o ia o se tagata e i ai le tomai i mea tau fesootaiga—ae le faapena i lona faletua.

Sa ou aoaoina i le tele o tausaga o fesootaiga lelei e aafia uma ai le lotoma le mafaufau. Afai e mafai ona sili atu a tatou fesootaiga—o lona uiga o le sili atu ona ma’oti ma manino—ona mafai lea ona tatou fausia ni sootaga loloto atu o le faalelagona, foiaina o feeseeseaiga, ma faamalolosia ia noataga i o tatou sootaga faale-faaipoipoga. O nisi nei o auala e mafai ai e i tatou taitoatasi ona faaleleia atili le tulaga lelei o fesootaiga i a tatou mafutaga.

Auai i ni Talanoaga Anoa

Na tusia e Dr. Douglas E. Brinley, o se tagata o le Ekalesia ua i ai se tomai faapitoa i mea tau faaiipoipoga ma le tulaga faamatua, e tusa e tolu ni tulaga o fesootaiga i mafutaga: papa’u, faaletagata lava ia, ma le faamaoniaina. Ina ia mafai ona mamauina se sootaga loloto i le va o le tane ma le ava, e tatau ona i ai le paleni i le va o mea uma e tolu.¹

Papa’u

O ni fesootaiga o loo pau i le tulaga papa’u e aoga ma e le tauaimisa,

ma e aofia ai le tulagamauualalo o le tulaga lamatia. O ulugalii uma e faaalu sina taimi i lenei tulaga ao latou faamaopoopoina le faasologa o taimi, talanoaina o le tau, po o le faaalua o se manatu i le tau o le penisini. E ui lava e manaomia lenei ituaiga o fesootaiga, e le mafai e tagata taitoatasi ona matua fesootai ma fusia faatasi pe afai o le tele o fesootaiga o loo tumau pea iinei.

E mafai e fesootaiga papa’u ona suitulaga i ni talanoaga loloto ma anoa. Afai e savalivali lemu ia ulugalii faataamilo i mataupu sili ona loloto lea e tatau ona talanoaina, o le a latou le iloaina lava ona foia o feeseeseaiga pe fesootai le tasi i le isi. E fusia faatasi ulugalii a o la talanoaina mea e taua—e le o mea e le taua. Ua ou vaaia le tele o ulugalii i lau galuega o se taumafai e faasoina a latou mafutaga e ala i le tausua o a latou fesootaiga i le tulaga e papa’u. E ala i le aloese mai “mea silisili” (Mataio 23:23), ua la faumatia moni lava la laua faaiipoipoga.

Faaletagata lava ia

I le taimi o le fesootaiga faaletagata lava ia, e te faasoa atu ai mea e te fiafia i ai, miti, tuinanau, talitonuga, ma sini. Ua mafai foi ona faigofie ona e faasoina atu lou fefe ma lē atoatoa. O le fesootaiina atu o nei faafitauli i se auala faaKeriso o se tasi lea o auala e fesootai ai ma faamalosa ai e ulugalii le mafutaga. O Elder Marvin J. Ashton (1915–1994) o le Korama a Aposetolo e Toasefululua, na aoao mai, “O fesootaiga ua sili atu nai lo le faasoina atu o upu. O le faasoina atu ma le *atamai* o uiga, lagona, ma popolega. O le faasoina atu atoa o le tagata lava ia.”²

Atonu sa e auai i lenei tulaga o fesootaiga a o e tafao faamasani. O le tulaga lea e faamemelo ai ma alofa le alii ma le tamaitai i le tasi ma le isi. A o faaauau ona e faasoa mai mea e taua, o le a lua lagona ma lou toalua le talisapaia laugatasia, manaomia, faatauaina, ma le moomia. A o e aoao e faamaonia mea na faasoa mai e lou toalua—o le faaalua faapea o mea sa ia fai mai ai e taua ia te oe—o le a e alu-alu ai i luma i le isi vaega o fesootaiga.


Faamaoniaina

O le tane ma le ava ua i ai se tiute-tauave paia e faafaiilele ma tuuina atu le faamafanafana i le tasi ma le isi.³ Na tusia e ni tagata tomai faapitoa i faaiipoipoga o Sandra Blakeslee ma Judith S. Wallerstein faapea: “O se faaiipoipoga e le o maua ai le lagolagosua ma le faamafanafana faamalolo o le a mate i le galala faalelagona.”⁴ O fesootaiga e faamaonia e faagaetia, faamalolo, faafaiilele, ma faamalo. I lenei tulaga o fesootaiga, tatou te faaalua ai le viiga ma upu faamalo ia i latou tatou te alolofa i ai. E toetiiti lava o mafutaga uma o le a tupuolaola pe afai e i ai se inumaga maloloina o le faamaoniga.


O le faamaoniga e amata i le taulai atu i mea o loo fai mai ai lou toalua ma aofia ai le faaalua o manatu ma mafaufauga e faagaetia ai ma faamaloloina ai. Vaavaai mo le lelei i lou toalua ma tau atu ia te ia. Afai sa faigata le aso o lou toalua, e mafai ona faamaonia ia te ia e ala i le faalogo ma le ofoina atu o le faamafanafanaga. E mafai ona e faapea atu, “Ou te faamalie atu ona o le faigata o lou aso; faamatala maia nisi mea e uiga

A ou fautuaina ulugalii, ou te tusi-ina se lio i luga o le laupapa paepae ma fesili atu ia i laua e fai se siata lapotopoto e fuafua i le tele o le taimi na la faaaluina i fesootaiga papa’u, faaletagata lava ia, ma le faamaoniga. O le tele o ulugalii o faaipoipoga o loo feagai ma faafitauli ua faaaluina le latalata i le 50 pasene o o latou taimi i fesootaiga papa’u ma le itiiti ifo ma le 5 pasene o o latou taimi i le faamaoniga. O se paleni lelei o le i ai lea o fesootaiga i le 25 pasene i le tulaga papa’u, 50 pasene i le tulaga o le tagata lava ia, ma le 25 pasene i le tulaga o le faamaoniga.

Fesootaiga lē Lelei



Fesootaiga Lelei



i le mea na tupu” po o le “O le a se mea e mafai ona ou faia e faaleleia ai le vaega o totoe o lou aso?” Atonu e mafai ona e faapea atu, “Ua mafai ona ou iloa le mafuaaga na matuai faigata ai lou aso, ae ou te talitonu tele i lou malamalama ma talitonuga tau galuega. Ou te iloa o le a mafai ona e foia lena faafitauli.” O faamatalaga e pei o nei faamatalaga e faaalua ai o loo e malamalama i le tulaga popole o lou toalua ma alofa ia te ia. O le faaaloaina o lagona, popolega, manatu, po o ni atugaluga a lou toalua, o loo e fesootai ai le faamaoniga ma faaali atu le talisapaia, alofa, ma le faaaloalo.⁵

Faataitai le Tomai o le Faalogo

O le tomai aupito sili o le fesootaiga o le avealea ma se tagata e faalogologo lelei. O se tasi o faatinoga aupito sili ona agaalofa i le faaipoipoga, o le taulai atu moni lea i lou toalua ma faalogo atu ia te ia—matuai faalogo atu—e tusa lava po o le a se mea tatou te mananao e tau atu. O le faalogo e pei lava o le alofagia; o le mea moni, o le faalogo atu o se tasi o ituaiga tulaga aupito maualuga o le faaaloalo ma le faamaoniga. O le faalogo, tatou te fai atu ai i o tatou taitoalua, “E taua oe ia te au, ou te alofa ia te oe, ma o mea ua e tau mai e taua.”

I le faaipoipoga o le sini o le faalogo e le o le mauaina o le faamatalaga, ae ia maua le malamalama. O le malamalama moni i lou toalua o le vaai lea i se faafitauli i le ala o vaai i ai lou toalua. Na aoao mai e Elder Russell M. Nelson o le Korama a Apisetolo e Toasefululua o tane ma ava e tatau ona “aoao e faalogo, ma faalogo ina ia aoao mai le tasi ma le isi.”⁶ O le faalogo lelei e fesoasoani ia i tatou e tuuese lo tatou lava loto ma le faamaualuga ma fesootai atu le agaga i le agaga ma o tatou taitoalua.

O Elder Joe J. Christensen, na avea muamua ma Fitugafulu, na fautua mai: “Fai se taimi e faalogo ai i lou toalua; e tusa lava pe faatulaga soo. Asiasi i le tasi ma le isi ma iloilo pe o faapefea lou tulaga o se soa faaipoipo.”⁷ O le faataatia ese o se taimi e talanoa ai i se nofoaga e leai se mea faalavefau o le a fesoasoani e foia ai faafitauli. Ia mautinoa e talanoa i itu lelei, ia tausisia se uiga faa-Keriso, ma aloese mai le faalavelave i lou toalua pe a ia talanoa mai ia te oe.

Faailoilo e le Faaupua

O le isi itu o fesootaiga e le amanaiaina i nisi taimi o le fesootaiga le

magagana. O mea e te tau atua ma le auala e tauina atu ai e taua, ae e faapena lau gagana faaletino. E te tagai sao atu i mata o lou toalua pe a talanoa mai ia te oe? Pe faasesepa ou mata pe a tau atu e ia ia te oe sa faigata lona taimi i le galuega? Pe o faaalii i ou mata le fiafia ma le faamaoni, pe o faaalii ai le le fiafia ma le atuatuvaletino? Pe o e faaleo atu lou alofa ma le agaalofo faaletino? O nisi taimi o se opo po o se ataata e mafai ona sili atu ona faailoa atu ai lou alofa nai lo upu. E tusa lava po o le a le ituaiga o talanoaga—pe faatatau i talafou aupito lata mai po o faanaunauga o lou olaga—o gagana lelei o le tino e mafai ona faamallosia ai le faamaoniga ma faamallosia ai le lua mafutaga.

Mulimuli i le Fesootaiga a le Faola

A o e auai faatasi ma lou toalua i ni talanoaga anoa, taialaina au amioga ma upu e ala i le mulimuli i le faataitaiga a Iesu Keriso. O Lana fesootaiga ma isi e faasusuina atu ai le alofa, agalelei, ma le popole. Na Ia saunoa lemu ma na alofa mama. Sa Ia faaalii le agaalofo ma tuuina mai le faamagaloga. Sa Ia faalogologo ma le totoa ma faaalii le alofa mama. E faapena foi, afai tatou

te mananao i a tatou sootaga e faaleleia atili, e tatau ona tatou aoao e tautala atu i se auala lelei e faamalalamalama ai ma fausia ai i latou o siomia i tatou.

A ou feiloai atu i ulugalii, e masani ona ou fai i ai e iloilo a latou mamanu o fesootaiga ma ia faaleleia atili. A o latou faaaogaina ia mataupu faavae o talanoaga anoa i a latou mafutaga, ua ou vaaia suiga agai atu i se faaipoipoga e sili atu le maloloina lelei. O le malamalama i lou toalua, fatuina o se siosiomaga lea e faafailele ai fesootaiga ma uiga faaalii mama, ma o le faaalii o le alofa ma le faamemelo o ki ia i se mafutaga malosi atu ma se faaipoipoga fiafia. ■

E alala le tustitala i Iuta, ISA.

FAAMATALAGA

1. Tagai Douglas E. Brinley ma Mark D. Ogletree, *First Comes Love* (2002), 123–26.
2. Marvin J. Ashton, “Fesootaiga Faaleaiga,” *Ensign*, Me 1976, 52.
3. Tagai i le “O Le Aiga: O Se Fofalofaga i le Lalolagi,” *Liahona*, Oke. 2004, 49.
4. Sandra Blakeslee ma Judith S. Wallerstein, *The Good Marriage: How and Why Love Lasts* (1995), 240.
5. Douglas E. Brinley, *Faamallosia Lau Faaipoipoga ma le Aiga* (1994), 153–54.
6. Russell M. Nelson, “Faalogo e Aoao,” *Liahona*, Me 1991, 25.
7. Joe J. Christensen, “Faaipoipoga ma Fuafuaga Sili o le Fiafia,” *Liahona*, Iulai 1995, 70.
8. *Aooga a Peresitene o le Ekalesia: Iosefa F. Samita* (1998), 247.

FAALELEIA O LA OULUA MAFUTAGA MA LE TAMA FAALELAGI

Ao e faaaogaina nei mataupu faavae o le fesootaiga i la oulua faaipoipoga, e mafai foi ona e faaaogaina i la oulua mafutaga ma le Tama Faalelagi. E toatele tagata e fesootai ma le Atua i se tulaga e papa’u. Afai e te tatalo ona o se tiute pe faaaogaina fuaitau masani, atonu o le a faigata lou fesootai ma le Tama Faalelagi ma o le a la lagonaina le mamao ese. O le fesootai atu i le Atua e ese mai le na o le talanoa atu ia te ia. Na aoao mai Peresitene Iosefa F. Samita (1838–1918) “Tatou te le tau tagi atu ia te ia i ni upu se tele. Tatou te le faavaivaia o la ia tatou tatalo uumi. . . ma ia sau le tatalo mai le loto, ia le na o upu ua faaaoga soo ma ua fai ma masani, e aunoa ma se manatu ma lagona i le faaaogaina

o nei upu.”⁸ Pe e te faasoa atu i lou Tama Faalelagi ou talitonuga, lagona, ma manaoga loloto? Na e faasoa atu ia te ia le moomooga faalilolilo o loo i lou loto? E mafai ona e liligi atu lou loto ia te ia? Ma po o e faataitai ona faalogo atu mo Ana tali?

O upu faamaoni e tautala atu ai i le tatalo faamaualalo o le a mafai ai ona e atiina ae se sootaga loloto ma le Tama Faalelagi. O le faalogo atu ma le faatinoina o Lana fautuaga o le a faatamaoigaina ma faamallosia ai le mafutaga. A o e faaleo atu le agaga faafetai mo faamanuiaga faapitoa, ola ai i le talalelei, ma avea atili e faapei o Iesu Keriso, o le a e faaalii lou alofa mo le Tama Faalelagi.



Saunia e Elder
Robert D. Hales

O Le Korama
a Aposetolo e
Toasefululua

O FAAMANUIAGA O LE MALUMALU

*O sauniga faaola o le malumalu e
alagatau i le—ma o le taulaiga tupito foi
lea—o le fuafuaga e faavavau o le fiafia.*

O faamanuiaga o faaeega paia o le malumalu e alagatau mo i tatou taitoatasi e pei lava ona i ai o tatou papatisoga O le mafuaaga lea e tatau ai ona saunia i tatou lava ina ia tatou mama e ulu atu i le malumalu o le Atua. O le galuega faalemalumalu o se avanoa lea e faataunuu ai faaeega paia o le tagata lava ia ma feagaiga mo i latou o loo soifua ma faapea foi ona faataunuu ai nei lava sauniga mo le faaolaina o e ua maliliu. O le mafuaaga lena ua aoaoina ai i tatou i tusitusiga paia e fausia malumalu ma saunia o tatou olaga ina ia agavaa e auai i sauniga ma feagaiga paia o le malumalu.

Ua aoaoina i tatou i tusitusiga paia o le agavaa patino e manaomia mai ia i tatou e le Alii e ulu atu i le malumalu ma tauave i o tatou luga feagaiga paia e osia ai i totonu o se tasi o faamanuiaga silisili e mafai ona tatou maua i le olaga nei. Ona sosoo lea, ina ua uma ona tauaveina i o tatou luga feagaiga i le malumalu, lo tatou usiusitai i le ola

i aso taitasi i feagaiga o se faaaliga o lo tatou faatuatua, alofa, tuuto, ma le tautinoga faaleagaga e ava i lo tatou Tama Faalelagi ma Lona Alo o Iesu Keriso, ma saunia ai i tatou e nonofo faatasi ma i Laua i le faavavau. O sauniga faaola o le malumalu e alagatatau i le—ma o le taulaiga tupito foi lea—o le fuafuaga e faavavau o le fiafia.

O Le Malumalu Paia

E tatau ona tatou maua se molimau ma se lagona o le migao mo le malumalu o le maota o le Alii. O le malumalu o se nofoaga moni lea e te “i ai i le lalolagi ae le o ni o le lalolagi.” Pe a e mafatia ma i ai ni filifiliga taua e faapea ona mamafa tu i lou mafaufau ma lou loto, e mafai ona e aveina atu ou atugaluga i le malumalu ma maua mai ai se taitaiga faaleagaga.

Ina ia puipuia le paia o le malumalu ma ia faatumauiina le mama ma valaaulia ai le Agaga e faamanuia i latou o e ulu atu i le malumalu paia mo o latou sauniga ma feagaiga, ua aoaoina

ai i tatou e leai se mea eleelea e tatau ona ulu atu i le malumalu. O le migao i totonu o le malumalu o se itu taua lea o le valaauliaina o le Agaga e nofo ai i totonu i taimi uma o aso uma.

A o ou laititi, sa aumai au e lo’u tama mai Long Island, Niu Ioka, ISA, ina ia ou savalivali i lotoa o le Malumalu o Sate Leki i le Aai o Sate Leki, ia ou pai atu i le malumalu, ma ia talanoaina le taua o le malumalu i lo’u olaga. Ona o lena mea sa tonu ai i lo’u mafaufau o le a i ai se aso o le a ou toe foi e ulu atu i le malumalu ma maua ia sauniga.

O le malumalu o se maota paia, o se nofoaga paia lea e faataunuuiina ai sauniga faaola talafeagai e saunia ai i tatou mo le faaeaga. E taua lo tatou mauaina o se malamalamaaga mautinoaga e faapea, o a tatou sauniuniga e ulu atu i le maota paia ma o lo tatou auai i nei sauniga ma feagaiga o nisi ia o mea e tutupu e sili ona taua o le a tatou oo i ai i o tatou olaga i le tino.

Faamanuiaga o le Malumalu i le Talafaasolopito atoa

I le talafaasolopito atoa, i tisipenisione uma lava, ua poloaiina ai e le Alii ia perofeta e tatau ona fausia malumalu ina ia mafai e Lona nuu ona maua sauniga o le malumalu.

O le Malumalu o Katelani o le malumalu muamua lea i nei aso e gata ai, ma na i ai sona sao taua i le toefuataiina mai o ki o le perisitua. Na faaali mai le Faaola i le mamalu ma taliaina le Malumalu o Katelani e fai ma Ona maota. I lena taimi, na faaali mai Mose, Elaia, ma Elia e tuuina atu ia Iosefa Samita ki na umia mai a latou tisipenisione. Na toefuatai

mai e Elia ki o lona tisipenisione e pei ona folafola mai e Malaki, ina ia mafai ona tatou olioli i faamanuiaga o le malumalu i o tatou olaga. (Tagai MF&F 110.)

O le Malumalu o Navu o le malumalu muamua lea o aso e gata ai na faatinoina ai sauniga o faaeega ma faamauga, lea na faamaonia ai le malolosi tele o paionia a o latou onosaia faigata o le sopoiaina o laufanua valevalenoa e agai atu i Siona i le Vanu o Sate Leki.

Ina ua aveesea Iosefa Samita i Karafasi, sa manino lava le mafuaaga na taua tele ai ia te ia le faamaeaina o le malumalu. Sa ia silafia le mea o le a manaomia e le Au Paia ma o le i ai o le malosi e onosaia ai mea sa i luma atu o i latou e tatau



O la tatou sauniuniga e ulu atu i le maota paia ma lo tatou auai i nei sauniga ma feagaiga o nisi o mea sili ona taua o le a tatou oo i ai i o tatou olaga faaletino.

ona faaeina atu ia i latou le mana— le mana o le perisitua.

Na faamauina faatasi o ni aiga o tatou tuua paonia i Navu. O a latou feagaiga na osia ma le Alii i le Malumalu o Navu o se puipuiga mo i latou i le taimi o la latou malaga i sisifo, e pei ona i ai mo i tatou taitoatasi i le taimi nei ma i o tatou olaga atoa. O sauniga ma feagaiga o le malumalu o ni puipuiga mo i tatou i o tatou tofotofoga ma faigata i o tatou aso ma mea o le a fetai ai ma i tatou i le lumanai. O lo tatou tupuaga. O le tagata lea e i ai i tatou.

Mo nei Au Paia anamua, o lo latou auai i sauniga o le malumalu e taua tele i a latou molimau a o latou feagai ma faigata, o tagata faatupu faalavelave feita, o le tutuli ese mai fale mafanafana i Navu, ma le malaga umi ma faigata i luma atu. Sa faaeina i latou i le mana i totonu o le malumalu

paia. Sa faamauina le tane ma le ava o le tasi i le isi. Sa faamauina fanau i o latou matua. O le toatele o i latou na toesea tagata o o latou aiga i le ala ona o le oti, ae na latou iloaina e le o le iuga lea mo i latou. Sa faamauina i latou i totonu o le malumalu mo le faavavau atoa.

O sauniga o le malumalu e taitaiina atu ai i tatou i lo tatou Faola ma tatou maua ai faamanuiaga lea e oo mai ia i tatou e ala i le Togiola a Iesu Keriso.

O Sauniga o le Malumalu— Faaeega Paia ma Faamauga

O malumalu o iunivesite aupito sili ia o le aoaoga ua iloa e tagata, ua tuuina mai ai ia i tatou le malamalama ma le potu e uiga i le Fofoaga o le lalolagi. O mulumuluga ma faauuga e tauina mai ia i tatou po o ai i tatou. O aoaoga o faaeega paia e tuuina mai le taitaiga e faatatau i le auala e tatau ona tatou faatautaia ai o tatou olaga iinei i le olaga nei (tagai i le MF&F 97:13–14).

O le faamoemoega autu o le malumalu o le tuuina mai lea o sauniga e manaomia mo lo tatou faaeega i le malo selesitila. O sauniga o le malumalu e taitaiina atu ai i tatou i lo tatou Faaola ma tatou maua ai faamanuiaga lea e oo mai ia i tatou e ala i le Togiola a Iesu Keriso. O le uiga o le upu *faaeega paia* o le “meaalofa.” O le sauniga e i ai se faagasologa o aoaoga i le ala e tatau ona tatou ola ai ma feagaiga tatou te osia ina ia ola amiotonu ai e ala i le mulimuli i lo tatou Faaola.

O le isi sauniga taua o le faamauina lea mo le faavavau i le faaiipoipoga faaselesitila. O lenei feagaiga e mafai ai e tamaiti ona faamauina i o latou matua ma o tamaiti e fananau i totonu o le feagaiga e avea ma se vaega o se aiga e faavavau.

Ua aoaoina i tatou e le Mataupu Faavae ma Feagaiga: “O soo se mea e te faamaufaaailogaina i le lalolagi o le a faamaufaaailogaina i le lagi; ma o soo se mea e te faamauina i le lalolagi, i lo’u igoa ma i la’u upu, ua fetalai mai ai le Alii, o le a faamauina e faavavau i le lagi; ma o soo se agasala a soo se tasi e te faamagaloina i le lalolagi o le a faamagaloina foi e faavavau i le lagi;




ma o soo se agasala a soo se tasi e te taofia pea i le lalolagi o le a taofia pea foi i le lagi” (MF&F 132:46).

A tootutuli se ulugalii i le fata faitaulaga, ma i le avea ai ma sē e faia faamauga, ua ou nofouta i lo’u tiute o se sui o le Alii. Ua ou iloa o le mea e faamaufaailogaina i le lalolagi e faamaufaailogaina moni i le lagi—e le matatalaina pe afai e tumau faamaoni i latou na faamauina ma tumau e oo i le iuga.

O faaata i luga o puipei faafesagai i le potu mo faamauga o le malumalu ua faatulagaina e fatu ai ni lagona o ni vaaiga o ni ata e leai ni mutaaga. O le vaavaai i totonu o nei faaata i le tasi itu o le potu ua faatusa i le faavavau o taimi lea sa tatou malaga ai e o mai i le lalolagi. A o tatou liliu atu i le isi itu o le potu, o le a tatou vaai i ata e foliga mai e le muta o loo faatusa i le faavavau ina ua uma ona tatou tuua lenei olaga maaleale i le lalolagi. Ua suitulaga le potu o faamauga i lo tatou olaga faataitai iinei i le lalolagi. O le lesona e aoaoina mai lenei aafiaga o le malumalu e faapea ua tatou faia ni filifiliga sao e o mai i le lalolagi, ma tofo i le olaga nei ma iloa ai o le ala o tatou ola ai i lenei vaitau puupuu o le a fuafua ai le ala o le a tatou ola ai i le faavavau atoa o le a oo mai.

Ua e saunia e fetaiai ma tofotofoga o le olaga faaletino. Sa tatou o mai ma le lotomalie mai le afioaga o le Atua le Tama i lenei olaga faataitai ma le saolotoga, ma le iloa o le a tatou maua “le faafeagai o mea uma” (2 Nifae 2:11). O lo tatou faamoemoeaga (tagai i le 1 Nifae 15:14) o le ave i o tatou luga le ofutau atoatoa o le Atua ma tetee atu ai “i ufanafana mu



a le fili” (MF&F 3:8) ma a tatou pelu o le Agaga ma le talita o le faatuatua (tagai i le MF&F 27:15–18), e tumau seia oo i le iuga, ma ia agavaa e tutu ma ola i le afioaga o le Atua le Tama ma Lona Alo, o Iesu Keriso, mo le faavavau atoa—ina ia ausia mea e ta’ua o le ola e faavavau.

Ou te tuu atu ia te outou la’u moli-mau o loo soifua le Atua; o Iesu o le Keriso; ma na toefuatai mai e Iosefa Samita, le Perofeta o lo tatou tisipenisione, ia faamanuiaga o le perisitua e mafai ai ona tatou tofo i faamanuiaga o le malumalu. ■

Mai se lauga o se faigalotu, “Faamanuiaga o le Malumalu,” lea na tuuina atu i le Iunivesite o Polika Iaga i le aso 15 o Novema, 2005. Mo le tusiga atoa i le gagana Peretania, asiiasi i le speeches.byu.edu.

O sauniga ma feagaiga o le malumalu e i ai le puipeiga mo i tatou i o tatou tofotofoga ma faigata i o tatou aso ma mea o le a feagai ma i tatou i le lumanai.

“E matuai mamao lava le malumalu ma e seasea ou alu i ai. E mafai faapefea ona avea le malumalu ma se vaega tele o lo’u olaga i le taimi nei?”

Afai e te faia le mea sili e auai i le tele o taimi e te mafaia, o le a fiafia le Alii i au taumafaiga. Afai e le mafai ona e auai i le malumalu, e tele mea e mafai ona e faia e avea ai le malumalu o se vaega tele o lou olaga:

- **Ola agavaa e ulu atu i le malumalu.** O le ola ai i tulaga faatonuina o loo manaomia e ulu atu ai i le maota o le Alii o lona uiga ua tatou saunia i taimi uma ina ia i ai i Lona afioaga.
- **Fuafua e maua ou lava faaeega paia ma faaipoipo i le malumalu.** O le faatuina o se sini ina ia maua nei sauniga taua o le a faatumauina ai lou tulaui atu i le malumalu.
- **Laei tauagafau.** O le a fesoasoani leni mea e saunia ai oe ina ia maua ou lava faaeega paia.
- **Suesue tusitusiga paia e faatatau i le malumalu** (mo se faataitaiga, Esoto 26–29; Levitiko 8; MF&F 97; 109; 110; 124:25–42; Mose 2–5). O le *Liahona* o Oketopa 2010 na faatatau uma foi i le malumalu.
- **Aoao e uiga i ou tuua** (asiasi FamilySearch.org) ma vaai ia faataunuuna ia sauniga o le malumalu mo i latou.
- **Fesili atu i isi po o le a le uiga o le malumalu ia i latou** ma faasoa atu lau molimau o le malumalu o le maota moni lava o le Alii.
- **Fesoasoani e fausia lou aiga e faapei o le malumalu:** “Faatu se fale, o se fale lava o le tatalo, o se fale o le anapogi, o se fale o le faatuatua, o se fale o le aoaoga, o se fale o le mamalu, o se fale o le faatulagaga taua, o se maota o le Atua” (MF&F 109:8).

E mafai ona e filifili ma le agaga tatalo se tasi pe lua o nei manatu e faataitai i le masina leni. O le a latou fesoasoani ia te oe ia lagona le Agaga ma aoao atili e uiga i le malumalu.

Mafaufau i le Ala o Faamanuia ai e Malumalu Lou Olaga



Afai tatou te le amanaiaina ia malumalu, ua latou mamao mai o tatou loto. E tatau ona tatou mafaufau i faamanuiaga e aumai e le malumalu ia

i tatou ma o pe a tatou mafaia. E tusa lava pe afai e na o ni nai asiasiga i le tausaga e mafai ona fai, e mafai ona e faia ia anoa atili e ala i le aumaia o igoa o aiga po o le anapogi. E faapitoa le Agaga i le maota o le Alii—e te manao e faia ia taulia lau asiasiga.

Benjamin S., 18 tausaga, Iuta, ISA

Tumau i le Mama ma le Agavaa



E aumaia e le malumalu le fiafia i lo’u olaga i aso nei. A o ou alu i le malumalu, ou te aoao atili e uiga i lo tatou Tama Faalelagi ma Iesu Keriso.

O a’u galuega i le malumalu e faamalosia ma faaleleia ai lo’u ola faaleagaga. Ou te maua ai se malamalama sili atu e uiga i lo tatou faamoemoega i le olaga. O le malumalu e aumaia ai ia te au le lototele i le taulimaina o tofotofoga ma faaososoga, ma tuuina mai ia te au le malosi e manumalo ai i ou vaivaiga. O le malumalu ua na o le pau lea o le nofoaga e mafai ona faamauina ai faatasi i tatou o ni aiga e faavavau, o lea o le a ou saunia ai e ulu atu i le malumalu, ma tumau i le mama ma le agavaa.

Mickaella B., 16 tausaga, Filipaina

Tausia le Agaga o le Malumalu

E fitu itula ou te alu ai i le Malumalu o Frankfurt Siamani, ma o lea e na o le faalua i le tausaga e mafai ai ona matou o ma lou aiga mo le tasi le vaiaso i le taimi. Ae a ou maua se avanoa faaopopo e alu ai, ou te faaogaina aua ou te iloa o le a avea ma se faamanuiaga

maoae. Ou te faatumauina le agaga o le malumalu e ala i le faitauina o au tusi-tusiga paia i aso uma. Ou te faaogaina la'u pepa faataga o le malumalu e avea ma se faailoga tusi. O taimi uma lava ou te vaai ai i la'u pepa faataga, ou te fesili ia te au lava ina ia mauiina ou te agavaa e auai i le malumalu. O lenei mea e faamalosi ai ma fesoasoani ia te au ia lagonaina le Agaga. E ui lava e mamao ese le malumalu mai le aiga, e mafai lava ona ou taumafai e ola e pei o loo mafai ona ou ulu atu i ai i aso uma.

Lise G., 17 tausaga, Farani

Saunia Oe Lava



O le auai atu i le malumalu e faalua pe faatolu i le tausaga e lelei, pe afai lena o loo faia ma le loto faamaoni ma le mama. E mafai ona tatou fautuaina taitai o le Ekalesia e faatulaga ni malaga i le malumalu. Afai e le mafai ona tatou auai atu, sei o tatou taumafai e saunia i tatou lava aua pe a oo mai le taimi, e mafai ona tatou o atu ma le olioli tele. E pisi o tatou olaga, ae ua folafola mai e perofeta e faapea, afai tatou te o i le maota o le Alii, o le a faamanuiaina i tatou.

Krista L., 16 tausaga, Parakuei

Faitau i Lau Api o Talaaga e uiga i Asiasiga i le taimi ua Tuanai i le Malumalu

Tusi i lau api o talaaga e uiga i lou taimi i le malumalu ona faitau lea o nei itulau pe a e i le fale. O le a fesoasoani lenei mea e te manatua ai lagona na e oo i ai. E matua taua lava le tusiina o faaliga faaletagata lava ia. Ao ou auai i le malumalu, sa ou taumafai e faalogo ma le totoa i le Agaga aua o loo Ia saunia e le aunoa e fesoasoani mai ia i tatou e aoao. O taimi uma lava ou te faalogo ai, ou te iloa ai upumoni fou e uiga ia Iesu

Keriso ma le Tama Faalelagi faapea foi ma le galuega o le malumalu. Pe a ou taulai atu i mea faaleagaga ao i ai i le malumalu, ou te faatauaina atili ai ma e avea le malumalu ma se mea e matua taua i lo'u olaga.

Ol'ga Z., 18 tausaga, Belarus

Faapipii i luga se Ata o le Malumalu

Taumafai e faavaa se ata o le malumalu e sili ona e fiafia i ai ma ni upu "O le a ou alu i ai i totonu i se aso!" Tuu i totonu o lou potu ina ia mafai ona e vaai i ai i aso uma. Fai se lisi o mea o le a e faia ma mea e te lē faia ina ia mafai ai ona e agavaa e ulu atu i le malumalu. Tuu le lisi i autafa o le ata.

Christian J., 13 tausaga, Idaho, ISA

Faia o Talafaasolopito o Aiga



Ou te manatu o le faia o galuega o talafaasolopito o aiga atonu e sili atu ai ona mafai ona e i ai i le malumalu e aunoa ma le i ai i le malumalu. E mafai

ona e tuuina atu igoa na e mauaina i tagata o lou aiga po o le uarota e ave i le malumalu. Afai e te faia talafaasolopito o aiga ma faatumauina lou fale o se nofoaga paia, o le a e latalata i le malumalu e ui e faitau maila le mamao o e i ai.

Katelyn B., 13 tausaga, Iuta, ISA



IA AGAVAA MO LE MALUMALU

"Ia tatou agavaa e le aunoa e umiaina se pepa faataga o le malumalu. Ia avea

lena mea ma se tasi o o tatou faamoe-moega i le olaga, ina ia faifai pea ma le aunoa ona nonofo i luma o lo tatou taitai perisitua ma tautino atu lo tatou agavaa ina ia maua lenei faamaoniga mautu ua faamaonia e le Alii le ituaiga o olaga o tatou soifua ai ma ua iloa ai tatou te agavaa e ulu atu i Lona maota paia.

". . . Afai tatou te agavaa i taimi uma mo lena pepa faataga ma e mafai ona tali mo'i mai i fesili e agavaa ai, ua tatou agai atu i le ala o le meaalofo silisili ua tuuina mai e le Alii ia i tatou. Ia faamanuiaina i tatou e le Alii ina ia tatou foia ma le mausali ia agavaa i taimi uma mo le malumalu."

Elder L. Tom Perry o le Korama a Apotetolo e Toasefululua, "My First Temple Recommend", New Era, Ape. 2013, 4.

Mo nisi faamatalaga e uiga i lenei autu, tagai "Faamanuiaga o le Malumalu" saunia e Elder Robert D. Hales i le lomiga lenei i le itulau e 52.

FESILI O LE A SOSOO MAI

"Sa maliu se uo pele talu ai nei. E faapefea ona ou taulimaina le faanoanoa?"

Auina mai lau tali ma se atapue sili ona manino, pe a manaomia, a o lei oo i le aso 15 Mati, 2014, i le liahona.lds.org, e ala i le imeli i le liahona@ldschurch.org, po o le meli (tagai i le tuatusi i le itulau e 3).

E ono faapupuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.

AUAUNAGA FAAMAONI MA LE ALOFA



O le auaunaga faa-Keriso e valaaulia ai le Agaga Paia ma aumaia ai le folafolaga o le filemu.

Sa ou molimaaina le olioli o le auaunaga mama lē manatu faapito o loo faaalai i ata nei o se tamaitiiti e igoa ia Elia o tuuina atu lona ofutino i se uo fou na ia feiloai i ai i se nuu maotua o Aferika. Na iloa e Elia se manaoga faafuasei, ma sa ia tali atu i ai. E pei o Elia talavou, ua tatou maua le avanoa e tuuina atu auau-naga i isi i le tele o auala. Atonu e le manaomia le tatou tuuina atu i isi o ofutino o tatou oofu ai, ae afai o tatou faalogo i uunaiga a le Agaga Paia, o le a tatou iloa po o ai e auauna atu i ai ma le auala e fesoasoani ai ia i latou o e manaomia le fesoasoani.

“O le auauna atu e uiga tutusa ma le tausia o poloaiga a le Atua,” ma e suitulaga mo lo tatou alofa mo le Alii.¹ Na aoao mai le Faaola, “Afai e te alofa mai ia te au, e te auauna mai

ia te au ma tausii i a’u poloaiga uma” (MF&F 42:29); “ia e alofa atu i le Alii lou Atua ma lou loto atoa, ma lou manatu atoa, mafafau, ma le malosii; ma ia e auauna atu ia te ia i le suafa o Iesu Keriso” (MF&F 59:5). I le papatisoga tatou te osi feagaiga o le a tatou auauna atu i le Atua ma tausii Ana poloaiga (tagai i le Mosaea 18:10). I le aveai ai ma soo o Keriso, tatou te taumafai lava i taimi uma e auai i Lana galuega, ma e aofia ai le auauna atu.

Auauna Atu: O Le Talalelei i Lona Faatinoga

O le auauna atu o le talalelei lea a Iesu Keriso i lona faatinoga, ma ua faamaonia i se tala ou te fiafia i ai e uiga ia Polika Iaga. I le iloa ai e faitau selau paionia o taavaletosolima sa pa’ulia i laufanua valevalenoa i

tulaga ua le mafai ona tatalia, sa ia aoao atu i le mana i lenei lauga fai-gofie i le konafesi aoao ia Oketopa 1856: “O le a ou tuu atu i lenei nuu le mataupu autu ma le anotusi mo Toeaina o e e mafai ona fetalai mai, . . . o le mea lenei, . . . o le toatele o tatou uso ma tuafafine o loo i luga o laufanua valevalenoa ma taavaletosolima, ma atonu e toatele ua 700 maila le mamao mai lenei nofoaga, ma e tatau ona aumaia i latou iinei, e tatau ona tatou auina atu se fesoasoani ia i latou. O le anotusi e faapea, ‘ia aumai i latou iinei.’ . . .

“O la’u mataupu faalelotu lena; o le faatonuga lena a le Agaga Paia ua ou maua, o le laveaiina o tagata. . . .

“Ou te valaau atu i Epikopo i le aso nei, o le a ou le faatali seia aulia taeao, pe seia aulia le isi aso, mo vaega e



**Saunia e
Carol F. McConkie**

Fesoasoani Muamua
i le Au Peresitene o
Tamaitai Talavou

60 o manu malolosi ma le 12 po o le 15 o taavale toso. . . . Ou te le manao e auina atu ni povi, ou te manao i ni solofanua lelei ma ni miula. Ua latou i ai i lenei Teritori, ma e tatau ona tatou mauaina i latou; faapea foi ma le 12 tone o falaoamata ma le 40 o tagata avetaavale tosolima lelei, e ese mai ia i latou e aveina na solofanua. . . .

“Ou te ta’u atu ia te outou uma o o outou faatuatua, talitonuga faalelotu, ma galuega faalelotu, e le faaolaina ai se tagata e toatasi o outou i le Malo Selesitila o lo tatou Atua, sei vagana ua tatou faataunuaina na mataupu faavae e pei ona ou aoao atu nei ia te outou. O atu ma aumai na tagata o i ai nei i luga o fanua valevalenoa.”²

“*Laveai le nuu*”—o le poloaiga lena. Pe a tatou auauna atu i isi, ua tatou auai i le galuega o le faaolagaga. Faapei ona aoao mai le Tupu o Peniamina, “Pe a outou auauna atu i o outou uso-a-tagata, ua nao lo outou auauna atu lava lea i lo outou Atua” (Mosaea 2:17).

Avanoa i Mea Uma

E le tau manaomia ona tatou vaaivaa mamao tele ina ia maua ai ni avanoa e auauna atu ai. Na aoao mai lo tatou perofeta soifua, o Peresitene Thomas S. Monson, “Ua siomia i tatou e i latou e manaomia lo tatou gauai atu, la tatou faamalosi atu, o la tatou lagolago, la tatou faamafanafana, ma lo tatou agalelei—pe o nisi o le aiga, uo, paaga, po o ni tagata ese. O i tatou o lima o le Alii i luga o le fogaelele,

faatasi ma le poloaiga e auauna atu ma sii ae Ana fanau. O loo faalagolago mai o Ia ia i tatou taitoatasi.”³

E manaomia e lo Tatou Tama Faalelagi i tatou e auauna atu mo le toomaga o isi faaleagaga ma faaletino (tagai i le Mosaea 4:26). “O le auau-naga aupito sili e mafai ona tatou tuuina atu i isi i lenei olaga. . . o le aumaia lea o i latou ia Keriso e ala i le faatuatua ma le salamo.”⁴ Tatou te faia se faataitaiga o le ola ai i tulaga faatonuina o le talalelei. Tatou te faasoa atu le savali o le talalelei a Iesu Keriso. Tatou te faia talafaasolopito o aiga ma ave igoa o aiga i le malumalu mo o tatou tuua. O le tele o taimi, o ni faatinoga iti ma le agaalofa o auau-naga e pei o se ataata faigofie, o se faatalofa agalelei, se opo mafanafana, po o se tusi o le loto faafetai ua na o le pau ia o mea o loo manaomia e siitia ai le loto ma faafiafia le agaga. I ni isi tulaga, o se osigataulaga tele o le taimi ma le malosi e ono manaomia ai.

Ae i soo se tulaga lava, o le auau-naga faamaoni, alofa, ma faaKeriso e valaaulia ai le mafutaga a le Agaga Paia ma aumaia ia i tatou taitoatasi le folafolaga o le “filemu lea i le lalolagi lenei ma le ola e faavavau i le lalolagi a sau” (MF&F 59:23). ■

FAAMATALAGA

1. Bruce R. McConkie, *Mormon Doctrine* lomi. lona 2 (1966), 706.
2. Polika Iaga, “Remarks,” *Deseret News*, Oke. 15, 1856, 252.
3. Thomas S. Monson, “O Le A Se Mea Ua Ou Faia mo Se Tasi i le Aso?” *Liahona*, Nov. 2009, 86.
4. D. Todd Christofferson, “Togiola,” *Liahona*, Me 2013, 110.



FAASOA ATU O Pusa o le Toe Foi i le Aiga

Saunia e Olivet Gasang

Na maligi timuga ao agi mai le savili malulu. Sa ou vaai i laau ia sa mafuli ma toulu uma lau. Sa pe le eletise i nisi o eria ona o le faaleagaina o laina eletise. O le vaiga sa i ou luma atu ua pei o se nofoaga faafefe tagata. Na lelea ese uma mea uma. Na pagatia tagata i le fiaai ma faanaunau atu mo se malutaga.

Sa faatumulia lo'u loto faatasi ai ma le naunautai e auauna atu. Na malaga atu lo'u aiga ma isi tagata o le Ekalesia i se nuu matitiva lea sa faataumaioia ai e se afa fulifao le faitau afe o fale ma aveesea ai le faitau afe o soifua.

Sa matou i ai iina e tuuina atu ni oloa laveai i tagata na aafia.

Ina ua matou faatoa taunuu atu, sa ou vaaia le faavavau i foliga o tagata. Sa ou iloaina i le taimi lena le faamanuiaina o o matou fale i le faaumatiaina.

Sa timuga lava le taimi ao amata ona matou tufaina atu ia pusa laveai i le faletaalo palapala, leai se taualuga, ae e lei afaina lena mea ia i matou. O pusa laveai—o seti fata palasitika, tipoti, ipuai, sipuni, tui, ipuina, ma sioti—sa matou faaigoa puupuu i “pusa o le toe foi i le aiga.” A o matou tufaina atu ma lo'u aiga ia pusa laveai i tagata, na latou aumaia ia i matou ni ataata mafanafana ma ni faafetai.

Na siitia au e le agaga faafetai le mafaatauina o tagata, ma sa ou lagonaina le uunaiga a le Agaga. Na faaali mai ia latou ataata, o loo i ai le faamoemoe ma o le a le tuua lava i tatou e le Tama Faalelagi ma Iesu Keriso

ma o le a aumaia lava le malamalama i o tatou aso pogisa.

Ou te iloa afai tatou te auauna atu ma alofa le tasi le isi, o le a tatou maua faamanuiaga e faavavau ma maua ai uiga faa-Keriso. O faamanuiaga o le auauna atu e le oo mai i le taimi lava lena, ae o le a oo mai pe afai e faaauau pea ona tatou auauna atu i isi ma le loto faamaoni. Ou te iloa “pe a outou auauna atu i o outou uso-a-tagata, ua nao lo outou auauna atu lava lea i lo outou Atua” (Mosaea 2:17). ■

E alala le tustitala i Mindanao, Filipaina.

O SE MEAFAIGALUEGA IAAO O LE ATUA

“E tele taimi o le a faafetauia ai e le Tama Faalelagi manaoga o isi e ala atu ia te oe. . . . A o e tuuto atu oe lava ia e auauna atu i isi, . . . o le a e olioli i le fiafia lea e oo mai i le na o le tuuina atu o le auaunaga. . . . O le a faateleina ou gafatia, ma o le a e ave ma se meafaigaluega i aao o le Atua e faamanuia ai olaga o Lana fanau.”

Mo Le Malosi o le Autalavou
(tamaitusi, 2011), 32, 33.



**Saunia e
Elder L. Tom Perry**
O Le Korama a Apo-
setolo e Toasefululua

AUALA E FAATUMU AI LAU TUSI O LE OLA

Ou te sau ia te outou ma se fesili e uiga i manatuaga e faavavau o loo outou fausiaina i o outou olaga. Pe o mulimuli mai ai le faamatalaga “Maumau pe ana sa ou faia,” pe e mafai ona e fai atu, “Ou te fiafia sa ou faia?”

O le tepa tua i le talafaasolopito, pe afai e mafai ona tatou filifili na o le tasi se mataupu faavae o le a faapitoa ona saofaga atu i le manatua o le “Ou te fiafia sa ou faia”, o le a lena mataupu faavae? O le mataupu faavae o le usiusitai.¹

Tatou te tusia uma mea i aso taitasi i a tatou tusi o le ola. E i ai taimi tatou te suesue ai faamatalaga tusia o loo tatou faia. O a ituaiga o mea e manatua o le a lolovaia ai lou mafaufau a o e suesueina ia itulau o au faamatalaga tusia faaletagata lava ia? Mata e fia ni itulau o le a aofia ai ni faamatalaga tusia “Maumau pe ana sa ou faia”? Mata o le a i ai ni faamatalaga tusia o le faatuai ma le toilalo e faaoga ai avanoa faapitoa? Mata o le a e maua ai

ni faamatalaga tusia o le le mafaufau i le va ma le aiga, uo, po o tagata ese foi? Mata o le a i ai ni faamatalaga tusia o le salamo e mafua mai i faatinoga o le amioletonu ma le le usiusitai?

O le mea e lelei ai, o aso taitasi e aumai ai se itulau mama, ma lanu paepae lea e suia ai faamatalaga tusia mai le “Maumau pe ana sa ou faia” i le “Ou te fiafia sa ou faia” e ala i le faagasologa o le aloaiaina, faanoanoa, salamo, ma le faaleleiga. O lagona o le atuativale mo galuega ua tuanai po o avanoa ua misia o le a tanumia e faamaumauga o manatuaga ua faatumulia i le fiafia, naunautai, ma le olioli i le ola.

A o e suesueina ai ia manatuaga na e tuuina i lau tusi o le ola, mata o le a e mauaina ai ia mea ia sa muai fuafuaina e le Alii i le usiusitai i Ana tulafono? Mata o le a i ai ni pepa faamaonia o papatisoga, faauuga i perisitua mo le Perisitua Arona ma le Mekisateko mo alii talavou ma tusi faamaonia Aloaia a Tamaitai Talavou mo tamaitai talavou, ma, ioe, o se tusi o le faamalologa aloaia mai se misiona talai? Pe o le a i ai ni pepa faataga o le malumalu o faaogaina, lisiti o sefuluai, se faaipopoga e faatinoina i totonu o le malumu paia, ma le taliaina o ni valaauga o le perisitua ma ausilali?


O la’u fautuaga ia te oe o le faatumu o au faamaumauga o manatuaga ma lau tusi o le ola i le tele o gaoioiga “Ou te fiafia sa ou faia” e mafai ona e faia (tagai i le Mosaea 2:41).


Saili le tautinoga ma le amio pulea e sailia ai na aafiaga lelei o le a taitai atu ai i le saolotoga ma le ola e faavavau. O la’u molimau ia te outou o loo soifua le Atua. O le faaogatusa o tatou olaga ma Lana tulafono o le a tatou maua ai iinei le fiafia moni ma avanoa e faavavau i le olaga a sau. ■

Mai se faeasaita a le Ofisa o Aoga a le Ekalesia na tuuina atu i le aso 1 o Novema, 1992.

FAAMATALAGA

1. Tagai i tala ia Alema le Itiiti (Mosaea 27; Alema 29, 36), Atamu ma Eva (Mose 5:4–11), Samuelu ma Saulo (1 Samuelu 15:9–11, 13–14, 20–24), ma Nifae (1 Nifae 3–5). Tagai foi i le MF&F 130:20–21.





Maufau i mea e te
manao i ai mai le olaga...

Aisea e TAUA ai Au Filifiliga?

Saunia e Mindy Raye Friedman

Mekasini a le Ekalesia

O aso uma lava e i ai au filifiliga e fai. O nisi o na filifiliga e le tele ni mea e faatatau ai i la outou olataga e faavavau (“O le a le lanu o le ofutino e tatau ona ou ofuina?”), ma o nisi o na mea e faatatau uma lava i ai (“E tatau ona ou solia lenei poloaiga?”). Atonu o nisi taimi e te mafau ai, “Mata e taua tele au filifiliga?” Pe e mafai foi ona e mafau, “Afai e leai se tasi e iloa mea o loo ou faia, mata e aafia tele se tasi i a’u faaiuga? O le tali o le ioe! O faaiuga e taua.

Aisea e Tauga Ai

Ina ia malamalama pe aisea e taua ai au filifiliga, tatou toe foi i tua i le muai olaga. Ina ua tuuina mai e le Tama Faalelagi Lana fuafuaga o le faaolataga, e lei malilie i ai tagata uma. Na tetee Lusifelo i le fuafuaga ma “saili e faaumatia le faitalia a le tagata” (Mose 4:3). Ona o lenei mea, na avea ai o ia ma Satani ma na tutulieseina o ia ma i latou na mulimuli ia te ia mai le lagi ma taofia ai le avanoa e alualu i luma e ala i le tofo i le olaga faaletino.

Sa matua taua lava le faitalia i le fuafuaga a le Atua ma o i latou o e na manao e faaumatiaina na tutulieseina mai le lagi!

O le fuafuaga a le Tama faalelagi tatou te mau ai le avanoa e filifili mo i tatou lava aua ua na o le pau lena o le ala e mafai ai ona tatou aoao, tupu-tupu ae, ma ia avea atili e faapei o Ia. O se tasi o faamoemoega o le olaga o le aoao e faaoga ma le atamai lo tatou faitalia. Peitai e lei tuuina mai ia i tatou le faitalia e mo na o le faamoemoega

e fai ai soo se mea tatou te mananao e fai. Ua aoao mai le *Mo le Malosi o le Autalavou*, “A o e i ai i lenei lalolagi, o le a tofotofoina oe ina ia iloa ai pe o le a e faaogaina lou faitalia e faaali atu ai lou alofa i le Atua e ala i le tausia o Ana poloaiga.”¹ O le filifili e tausii poloaiga o le a faaali atu ai i le Atua tatou te alolofa ia te Ia ma naunau e mulimuli ia te Ia. O filifiliga tatou te faia—e aofia ai o tatou uiga faaalua i le faia o na filifiliga—o se vaega tele o le suega o le olaga faaletino.

Filifilia o le Lelei

Na aoaoina pea lava pea outou o le filifili e le usiusitai i poloaiga a le Atua e aumaia ai taunuuga. Ae pe na outou mafau e faapea foi le moni mo filifiliga lelei? Ua aoao mai le *Mo le Malosi o le Autalavou*: “E ui ina e



O FAAIUGA E ILOA AI LE TAUNUUGA

“E tofi i tatou ma le tiutetauave e filifili ai. Atonu o le a e fesili, ‘Pe taua moni ea ia faaiuga?’ Ou te fai atu ia te outou, o faaiuga e fuafua ai le taunuuga. E le mafai ona e faia ni faaiuga faavavau e aunoa ma taunuuga e faavavau.”

Peresitene Thomas S. Monson, “O Le Auala i le Faaatoatoaina,” *Liahona*, Iulai 2002, 112.

saoloto e filifili lau lava ala o taga e fai, e te le saoloto e filifili taunuuga. Pe *lelei* pe leaga, o le a mulimuli mai taunuuga o se iuga masani lava o filifiliga e te faia.”²

O a la taunuuga o filifiliga lelei? Atonu e mafai ona e aumaia se lisi tele o faamanuiaga lea e oo mai i le faia o filifiliga amiotonu. O se nofoaga lelei e vaavaai ai mo nei faamanuiaga o totonu lea o tusitusiga paia ma lau tamaitusi o le *Mo le Malosi o le Autalavou*. Mo se faataitaiga: “Afa e te tausia a’u poloaiga ma tumau e oo i le iuga, o le a e maua le ola e faavavau” (MF&F 14:7); “O le tausia o le Sapati o le a e latalata atili ai i le Alii ma lou aiga”³; po o le “A e usitai i [le Upu o le Poto], o le a tumau pea lou saoloto mai vaisu faataumaai, ma e pulea ai lou olaga.”⁴ E foliga mai o ni faamanuiaga maoae na mea, ma e tele atu isi e mafai ona e maua.

Na fetalai mai le Alii e “tatau ona [tatou] auai ma le naunautai i se faamoemoega lelei, ma fai mea e tele i lo [tatou] lava lotu malie,” ma sa Ia folafola mai e mafai ona tatou “au-mai le amiotonu tele” pe a tatou faia (MF&F 58:27). O le mea lea e le na o mea leaga e tatau ona tatou aloese mai ai ae ia saili ma le naunautai e fai mea lelei.

O nisi taimi tatou te matua popole ai e uiga i mea uma e *le* tatau ona tatou faia ma galo ai ia i tatou o le usiusitai e aofia ai foi le faia o mea e tatau ona tatou faia. Atonu e mafai ona e malamalama i le auala o aafia ai lou olaga i se tulaga le lelei ona o le filifili e solia ia poloaiga, ae o e malamalama i le ala o aafia ai lou olaga ma olaga o isi ona o le filifili e fai ni mea lelei?



AUAI I LE TALANOAGA

O Mea e Mafau Lau Loloto i ai mo le Aso Sa

- O le a le matafaioi o le faitalia i le ata o le faaolataga?
- E faapefea ona aafia lou olaga ma olaga o isi i au filifiliga lelei?
- E mafai faapefea e faaiuga laiti ona fesoasoani ia te oe ia ausia au sini lapopoa atu?

O Mea E Te Ono Faia

- Tusi se lisi o sini e te mana'o e ausia i le taimi nei ma i le lumanai.
- Vaai i lau lisi o sini pe a i ai sau filifiliga e fai.
- Faasoa atu ou aafia i le lotu, i le fale, po o le initoneti i le youth.lds.org.

Ola ma se Faamoemoega

E faapefea la ona e mautinoa o loo e faia ni filifiliga lelei? Muamua, mafau-fau i mea e te manao mai lou olaga. Pe e te manao i se olaga e faavavau? Pe e te manao ina ia faamauina i le malumu? Pe e te manao e auauna atu i se misiona talai? Pe e te manao ia faauu



IA VAVE FAIA FAAIUGA

“Ao avea au ma se tamaitai talavou, sa ou aoaoina e i ai ni faaiuga e na o le taitasi lava ona fai. Sa ou tusia i se tamai api la’u lisi o mea o le a ou faia *pea lava* ma mea o le a ou *le* faia lava. Sa aofia ai mea e pei o le usitai i le Upu o le Poto, tatalo i aso taitasi, totogi o la’u sefuluai, ma se tautinoga ia aua lava nei misi sa’u lotu. Sa tasi lava ona ou faia na faaiuga ma ina ua oo mai le taimi o se faaiuga, sa ou iloa lelei lava le mea e fai aua ua uma ona ou faia muamua le faaiuga. Ina ua fai mai a’u uo i le aoga maualuga, ‘O le a le afaina lava se mea inu e tasi,’ sa ou ata ma fai atu, ‘Na fai la’u faaiuga a o 12 ou tausaga ou te le faia lenei mea.’ O le vave faia o faaiuga, o le a fesoasoani ai ia te outou e avea ma leoleo o le mama. Ou te faamoemoe o le a taitasi outou ma tusia se lisi o mea o le a outou faia *pea lava* ma mea o le a outou *le* faia lava. Ona e ola ai lea i lau lisi.”

Elaine S. Dalton, sa avea muamua ma peresitene aoao o Tamaitai Talavou, “Leoleo o le Mama,” *Liahona*, Me 2011, 123.

mai le kolisi ma maua ai se galuega lelei? Afai o lea, e faapefea ona e oo iina? E pei lava ona manaomia e tagata faufale se mamanu e fausia ai se fale tele, e te manaomia foi se fuafuaga e fausia ai se olaga amiotonu.

Tusi i lalo nisi o au sini, ma pe faapefea ona e fuafuaina e ausiaina. Tuu lena lisi i se mea e mafai ona e vaai i ai i le tele o taimi. Afai la e tatau ona e faia se filifiliga, e mafai ona e mafau-fau i lau lisi ina ia mautinoa e aua le tuulafoaia se mea e *sili* ona e manao i ai mo se mea e te manao i ai i le taimi *lenei*. O le faatutuina o ni sini e fuafuaina ai ma faamoemoeina ai au filifiliga nai lo le gaogaosa, le fuafuaina, po o le faavae i luga o tulaga e oo mai.

E faapefea ona galue moni lenei mea? Sei o tatou ta’ua o se tasi o au sini o le auauna atu faamisiona. Ma o taeao uma lava ua ia te oe le filifiliga

e ala i luga mo le seminare i le taeapo o le moe i se isi itula faaopoopo. O fea o na filifiliga o le a fesoasoani ia te oe ina ia ausia lau sini? Pe atonu foi e i ai sau sini e faitau faauma le Tusi a Mamona ao lei oo atu i le faaiuga o le tausaga aoga. Ae, a e taunuu mai la i le fale mai le aoga pe, ae e te lei moe, ua i ai sau filifiliga e faitau au tusitusiga paia po o le faia o se isi gaoioiga, e pei o le matamata o se ata e sili ona e fiafia i ai i le TV. O fea e te filifiliga? O filifiliga faapenei ua i ai i o outou luma i aso uma. O le teuina o au sini i le mafau-fau, o le a fesoasoani e te faia ai ni faaiuga o le a taitai atu oe i mea e te manao moni lava i ai. ■

FAAMATALAGA

1. *Mo Le Malosi o le Autalavou* (tamaitusi, 2011), 2.
2. *Mo le Malosi o le Autalavou*, 2; faaopoopo le faamamafa.
3. *Mo Le Malosi o le Autalavou* 31.
4. *Mo Le Malosi o le Autalavou* 25.





IA TAFAO FAAMASANI *po o le* LE TAFAO FAAMASANI

Saunia e Savannah M. Smithson

I la'u aoga o le tele o tagata e i ai a latou uo tama ma uo teine. I lo'u aso muamua o le aoga i le avea ai ma se tagata i le vasega valu, sa ou feiloai ai i se tagata e igoa ia Paulo. Sa lelei le ma va. Sa avea Paulo ma se uo lelei tele.

O le aso na sosoo ai ina ua maea le aoga sa fesili mai ia te au atu i se tafaoga faamasani. Sa ou fai atu ia te ia e le mafai, ma sa ia fesili mai pe aisea. Sa ou fai atu ia te ia o au o se tagata o Le Ekalesia a Iesu Keriso o le Au Paia o Aso e Gata Ai ma e le mafai ona matou tafafao faamasani seiloga

ua 16 tausaga. Na fesili mai Paulo pe aisea, ma sa ou iloina ai ou te leiloaina moni le mafuaaga.

O le po lena sa ou alu i le fale ma mafaufau loloto i le fesili a Paulo. Sa ou sailiili i le LDS.org ma faitau a'u tusitusiga paia. Sa ou maua se upusii a Peresitene Gordon B. Hinckley (1910–2008): “Ua faia i tatou e le Alii ia felaleleiai mo se faamoemoga maoae. Ae o lenei felaleleiai tele o le a avea ma alu o se pauta sei vagana e pulea lelei. . . . O le pogai lea ua fautuaina ai e le Ekalesia e

le tatau ona eva faamasani ao laiti.”¹

Sa ou tilotilo foi i le *Mo le Malosi o le Autalavou*. O loo ta'u mai ai o tafaoga faamasani “e mafai ona fesoasoani ia te oe e aoao ma faataitai ni tomai faaagafesootai, atiae ai faigauo, maua ai le fiafia tele ma mama, ma iu ai ina maua se soa e faavavau.”²

O le aso na sosoo ai sa ou faaali ai ia Paulo le tamaitusi o le *Mo le Malosi o le Autalavou*. Na vaai isi tagata o loo faitauina e Paulo, ma sa fesoasoani au uo lolotu ia te au e tali fesili a au uo i le vasega. Sa ou fiafia i le i ai o se tali i fesili a Paulo.

Na tau mai i le *Mo le Malosi o le Autalavou* o le tafafao faamasani ao lei 16 tausaga ma le fausiaina o ni mafutaga tumau i lo tatou talavou e mafai ona taitai atu ai i le ola le mama ma faatapulaa ai le aofaiga o tagata tatou te feiloai i ai. Na ta'u mai foi e lo'u tina ia te au e le tatau ona tatou tafafao faamasani a o lei 16 aua e mafai ona faalavelave ia tatou meaaoga ma avanoa lea e taua i le faamanuiaina i le lumanai. Ua ou vaai i le faanoanoa o au uo ona o le faamutaina faalelagona o se mafutaga i le 13 tausaga.

Sa ou fiafia aua sa mafai ona ou iloina mo au lava ia le mafuaaga e le tatau ai ona tatou tafafao faamasani a o lei atoa le 16, ma tuuina atu se tali ia Paulo e aunoa ma le faatiga i ona lagona. Ua ou faia se uo lelei, ma ou te faamoemoe o le a avea i maua ma se uo mo se taimi umi. Ou te faafetai i le Alii ua tuuina mai ia i tatou ni uo ma se avanoa e tafao faamasani ai i le tausaga talafeagai ina ia mafai ai e i tatou uma i se aso ona maua ni soa faamaoni e faavavau. ■

E alala le tusitala i Nevada, ISA.


FAAMATALAGA

1. “O le Fautuaga ma le Tatalo a se Perofeta mo le Autalavou, *Liahona*, Ape. 2001, 38.
2. *Mo Le Malosi o le Autalavou* (tamaitusi, 2011), 4.



Saunia e Elder
Koichi Aoyagi
O Le Fitugafulu

O Le Seleselega



“Le Agaga Paia. . . o le a faaali mai e ia ia te outou mea uma e tatau ona outou faia” (2 Nifae 32:5).

Ao avea ma se tamaitiiti i Iapani, Sa ou manao e aoao le gagana Peretania. Peitai sa taugata lesone ma le gagana Peretania, ma e lei lava se tupe e totogi ai.

I se tasi aso sa ou vaaia ai ni alii talavou se toalua o tufaina atu ni fasi pepa mo lesone o le gagana Peretania e leai se totogi. O i laua o ni faifeautalai mai Le Ekalesia a Iesu Keriso o le Au Paia o Aso e Gata Ai. Sa vave ona ou saina mo le la laua vasega faaPeretania.

Sa ou lagonaina se mea faapi-toa e uiga i faifeautalai. Sa la fiafia ma mafaufau lelei. Sa ou fesili atu ia te i laua e uiga i la latou ekalesia, ma na ootia lo’u loto. Ou te lei

malamalama i ai i lena taimi, ae sa ou lagonaina le Agaga. E lei umi ae ou manao ou te papatiso.

Sa lei mananao ou matua ou te papatiso i se ekalesia e ese mai la laua ekalesia. Ae sa o mai faifeautalai i lo’u fale ma talanoa ma le alofa ma o’u matua. Na pai atu le Agaga i loto o o’u matua, ma sa la faatagaina au ou te papatiso.

I se tasi Aso Sa ia Oketopa, sa tofia au ou te tuuina atu se vaega taua i se polokalama i le lotu. Peitai o Oketopa e tatau ai i tagata uma o lo’u aiga ona galulue malosi e selesele le araisa i le togā araisa a lo’u tama. E aofia ai le galulue i le aso Sapati.

Sa ou tatalo i le Tama Faalelagi, ma sa totoina e le Agaga se manatu i lo’u mafaufau. E mafai ona ou taumafai e faauma le seleselega a o

lei oo i le Aso Sa. O le a ou alapo ma galue i taeao uma ao lei amatina le aoga. O aoauli uma o le a ou galue ai pe a tuua le aoga seia oo ina pogisa.

Ae peitai e oo atu i le po o le Aso Toonai ua na o le afa o le seleselega ua maea. Sa ou moe ma le lotovaivai ona ua le mafai ona ausia lau sini. O le taeao o le Aso Sa sa ou alapo lava ou te alu i le fanua. Sa oo mai lo’u tama i lo’u potu ma, faatasi ai ma se ataata agamalu, fesili mai pe aisea ua ou le alu ai i le lotu. Sa tumu lo’u loto i le olioli. Ua mafai ona ou alu i le lotu ma tausia le aso Sapati ia paia!

Ou te faafetai i le iloaina afai tatou te faalogo i le siufofoga o le Alii ma mulimuli ia te Ia, o le a Ia faamanuiaina ma taiialaina i tatou. ■



Saunia e Peresitene
Thomas S. Monson

E Alofa le Tama Faalelagi ia te OE

E alofa
le Tama Faalelagi ia te
outou-outou taitoatasi. E le suia
lena alofa.

Ua i ai iina mo outou
pe a outou faanoanoa pe
fiafia, lotovaivai po o le tumu
i le faamoemoe.

E le faatosinaina
e ou foliga vaaia po o
au meatotino.

E le suia e au taleni
ma tomai. Ua i ai lava iina.

Ua i ai le alofa o le Atua iina mo
outou e tusa lava pe ua outou lagona lo
outou manaomia pe leai foi se alofa.
O loo i ai lava iina i taimi uma. ■

Aiga Sili ona Lelei e Faavavau

*Sa le amanaiaina e isi
teineiti ia Olivia. Mata
e mafai ona fesoasoani
se pakete vali?*

Saunia e Olivia Corey
E faavae i se tala moni

*“E i ai so’u aiga i lalo nei. Alolofa
ia te au” (“E Mafai ona Faavavau
Aiga,” Tusipese a Tamaiti, 98).*

Na faatautau le ulu o
Olivia ao ia faalogo
atu ma le fiafia i musu-
musu a teineiti o loo saofafai
i tua atu o ia i luga o le pasi.

“Ou te matua fiafia lava
na fai mai lou tina e mafai
ona ta o faatasi i lalo i lo’u
fale faatali pasi! Na e au-
maia ia taaloga?”

“O lea e ia te au. Na
faataga au e lou tina
e aumai foi se taga
popukoni!”

Sa faauu Olivia i le
tusi na ia faitauina. Mata
o la iloa e mafai ona
ia lagonaina i laua? Sa
mautinoa lava lona le
fia faalogo atu i ana
uo e toalua o fai
ni fuafuaga mo se
mea e le o valaaulia-
ina i ai o ia.

O Stephanie, Repeka
ma Olivia ua leva ona avea
ma ni uo. Sa masani ona latou faia
faatasi mea uma. Ae ina ua amata
le tausaga fou o le aoga, sa iloa ai



“Tatou te fausia sootaga faaleaiga loloto ma le alofa e ala i le faia faatasi o mea faigofie.”

Peresitene Dieter F. Uchtdorf, Fesoasoani Lua i le Au Peresitene Sili, “E Uiga i Mea e Sili Ona Taa,” *Liahona*, Nov. 2010, 21.

se mea?” sa fesili atu Olivia ma le le mautinoa. E masani lava o Tama e faia ia ituaiga o galuega faatino.

“Ioe,” o le tala lea a Tina. “Ou te manao ia oo atu i le taimi o le ‘aiga o le afiafi ua uma ona vali le faitotoa pito i tua.” Ona ia faliu lea ma alu i totonu o le fale.

Sa tilotilo leisi teineitiiti i le isi mo se taimi umi lava ona toe lea. Atonu o le a avea ma se mea malie. Sa lolō a laua pulumu i totonu o le vali lanu meamata lamolemole, ma amata ona galulue. Sa fiafia Olivia i lenei galuega—sa lei foliga mai e pei o le faia o ni feau. Na faaali atu e Sieni ia te ia le ala e fai ai ni vali uumi ma sasao. E lei umi ae ua talie ma tala-talanoa ia teineiti. Sa amata ona toe manatua e Olivia ia taimi malie sa la faaaluina faatasi ma Sieni. Sa fiafia o ia o loo i ai lava pea lona uso e avea o se uo.

I ni nai itula mulimuli ane, sa valia uma teineiti ma o loo ataata tetele. Na tatala e Olivia ma le faaeteete le faitotoa lanumeamata iila ma falo atu lona ulu i totonu. “Tina, ua uma ona ma valiina le faitotoa,” sa ia valaau atu ai. “Sau e vaai i lona manaia tele!” ■

e Stephanie ma Repeka e tutusa le la faiaoga, ao Olivia e ese lana vasega! Na manatuaina e Olivia le lagona faanoanoa sa ia lagonaina i lona manava ao talanoa ma le naunautai ia teineiti e toalua e uiga i le nonofo faatasi i le vasega ma aai faatasi i le taimi o le malologa. Sa i ai lena lava lagona faanoanoa i le taimi lenei.

Na tu le pasi i luma o le fale o Repeka. Na matamata atu ma le faanoanoa Olivia mai le faamalama ao feosofi i lalo mai le pasi le au tamaitai ma tamomoe atu i luma o le fanua.

E oo atu le pasi i le mea e nofo Olivia, ua tau le mafai ona taofiofi ona loimata. Sa ia faanatinati atu i totonu o le fale.

“Na a mai le aoga?” O le fesili lea a Tina.

Na amata ona tagi Olivia. “E le manaia! Ua tau le toe talanoa mai Repeka ma Stephanie ia te au, ae e tatau ona avea i matou ma uo mamae e faavavau! sa ia tagi masusu ai.

“Ua ou faanoanoa lava, Olivia E mafai ona faigata pe a amata ona i ai ni suiga i ni faigauoga,” o le tala lea a Tina. Sa malolo o ia mo sina taimi. “E te manatua ina ua tatou o i le malumalu e faamauina?” sa ia fesili mai, faasino atu i le ata o loo tau-tau i luga o le puipui. Sa tilotilo atu Olivia ma vaai i lona aiga o ataata mai i luma o le malumalu. Sa laitiiti lava o ia i lena taimi, ae na te manatua pea le faatasi ai ma ona matua ma

lona uso matua, o Sieni, i le potu matagofie e fai ai faamauga.

“E te iloa le mafuaaga na tatou galulue malosi ai ina ia saunia e o i le malumalu?”

“Ona sa tatou mananao e avea o se aiga faavavau?” O le tali mai lea a Olivia.

“Sao lelei. E tusa lava pe e te le o toe uo mamae ma Repeka ma Stephanie e faavavau, o loo i ai lava lou aiga o loo avea ma au uo e faavavau.”

“Ioe,” o le tala lea a Olivia. “Ae e le tutusa.”

“Ou te iloa o loo afaina ou lagona,” o le tala lea a Tina, “ae ou te faafetai ua e oo mai i le fale. E i ai se galuega mo oe ma Sieni.”

Sa le talitonu taliga o Olivia. Nai lo le fesoasoani ia te ia ia maua se lagona lelei, sa tuuina atu e Tina ia te ia ni feau!

“Alu e fai ni ou ofu tuai ona ta feiloai lea i le poletito i tua. Fai atu ia Sieni lua te o mai.”

Na alu Olivia i le fogafale a luga, na tatu ona vae ua malosi teisi atu nai lo le mea e masani ai, ma fai ona ofu faigaluega.

Ina ua uma ona fai ofu o teineiti ma o i fafo, sa la vaaia Tina o loo savali mai mai le fale e tuu ai mea-faigaluega. Sa ia tauaveina se apa lanumeamata, o ni pulumu valifale, ma se fasipepa palasitika. Ina ua ia taunuu atu i le poletito, sa faataatia i lalo le palasitika ma tuuina atu ia tofu teineiti ma le pulumu.

“O le a e tuuina mai ma te valiina



Saunia e Elder
M. Russell Ballard

O Le Korama a Apo-
setolo e Toasefululua

*O sui o le Korama a
Aposetolo e Toasefu-
lulua o ni molimau
faapitua a Iesu Keriso.*

Aisea e matuai taua ai le auauna atu i isi?

E masani ona tali mai le Tama
Faalelagi i tatalo a se isi tagata
e ala mai ia i tatou—e ala
mai ia te oe ma au.

O Iesu Keriso na aoao
mai e tatau ona tatou alolofa
atu i le Atua ma alolofa ma
tausia o tatou tuaoi.

Pe a tatou faia se
galuega faigofie, galuega
o le auauna atu i aso taitasi,
o le a faasuamalieina ma
faafaileleina ai le lalolagi
i le faamoemoe ma
le alofa mama.

Tatalo i le Tama Faalelagi
i taeao uma ia iloa se avanoa
e auauna atu ai. Ona alu lea
i le aso atoa ma vaavaai mo
se tasi e fesoasoani i ai.



Mai le “Ia Auai ma le Naunautai,” *Liahona*, Nov. 2012, 29–31.

O LA TATOU ITULAU



Talosaga a Iosefa Samita i le Togavao, saunia e Carolina M., 7 tausaga, Pasila



E i ai sau sini o le alu i le malumalu ina ia faamauina ma maua se aiga e faavavau. Ou te manao foi e auuuna atu i se misiona. I le 1 Nifae 6:5, ua faapea mai Nifae, na te tusia mea e fiafia i ai le Atua ae le o le lalolagi. Ou te manao foi e fai ia mea e fiafia i ai le Atua ae le o le lalolagi. Ou te iloa e fesoasoani mai le Atua ia i tatou, ma e Na te silafia mea tatou te manaomia.

Lis D., 11 tausaga, Atenitina



Sa Avea Iona ma se Perofeta, saunia e Brigham C., 5 tausaga, Mekisiko



O Le Vaa o Noa, saunia e Ivanhoe C., 9 tausaga, Mekisiko



O Le Laau o le Ola, saunia e Raquel C., 7 tausaga, Bolivia



Na iu lava ina taunuu mai le aso lena sa ou faatali i ai. O au le tagata mulumuli o lo'u aiga na papatisoina ona o au o le uii. Sa papatisoina au e lo'u tama aua na ia umia le perisitua; o ia foi o le epikopo. O lenei ua avea au ma se tagata o le Ekalesia a Iesu Keriso.

Jonathan L., 8 tausaga, Ekuatoa



O loo galue se alii o lo matou aiga i se misiona talai i Kuatemala, ma ua ou matua misia lava o ia. Ae ua ou aoaoina o loo ia auuuna atu i le Tama Faalelagi, ma a ou matua, ou te manao e auuuna atu i se misiona e faapei lava o ia. O le mafuaaga lena ou te fiafia ai i le pese o le Peraimeri "Faamoemoe Latou te Valaau Au i se Misiona."

Manuel L., 5 tausaga, El Salvador





Privet, drooks!*

O au o Arina mai Rusia

Mai se faatalanoaga ma
Amie Jane Leavitt

Ete fiafia e faasoa
atu lau molimau
i isi? Atonu e te
faasoaina atu i le lotu.
Pe atonu e te faasoa-
ina atu i lou aiga, uo,
ma faiaoga e ala i le
avea ma se faataitaiga
lelei. O Arina lenei mai
Kazan, Rusia, ma e fitu
tausaga lona matua. Na
te manao ina ia e iloa
atili e uiga ia te ia ma e
uiga i le tele o auala ua
ia iloa ai le moni o le
Ekalesia. ■

*"Talofa, uo!" i le gagana Rusia.



*Ae ou te lei alu e moe, ou te
faitauina a'u tusitusiga paia
ma lo'u tina. O le tala e sili ona
ou fiafia i ai o loo i le 1 Nifae
ina ua tuua e Liae ma lona aiga
ia Ierusalem. O le faitauina o
tusitusiga paia, fai au tatalo,
ma tuuina atu la'u molimau e
fesoasoani lea ia te au ia sau-
nia e papatiso.*



ATA MAI FAAALALOGA A LE AIGA O ARINA; TUAATA NA SAUMA E ISTOCKPHOTO/THINKSTOCK; ATA NA TUSIA E VAL CHADWICK BAGLEY



Ou te fiafia e faafiafia i luga o le tulaga. Masalo ou te mauaina lenei mea mai lou tina, aua o ia o se tagata pese opera faapolofesa. Ou te fiafia e pese ma taina le vaiolini.



E tele avanoa ou te mauaina e talanoa ai e uiga i le talalelei i isi. Ou te valaauliaina au uo matou te o faatasi i le Peraimeri. Sa ou aoaoina foi le tina o lou tina matua i le auala e faamanuia ai meaa. I le taimi nei e mate tatalo faatasi i taimi o meaa.



O lou olaga i Rusia e fiafia. A mafanafana fafo, ma te aau ma lou tina i le Vaitafe o Volga ma savavali i le paka lea e lata ane i lo matou fale. A malulu le taimi o le taumalulu, matou te fiafia e faasee i le aisa. Matou te fiafia e vaai i manu o faafiafia i le circus ma matakata i faafiafiaga a papeti i le fale faafiafia o pepe meataalo.

OU TE FIA VAAI I LE MALUMALU



E le itiiti ifo ma le faatasi i le tausaga, ma te o ai ma lo'u tina i le Malumalu o Kyiv lukureini. Ma te tietie i se nofoaafi e o ai iina, ma e masani lava ona lua aso e malaga ai. Ma te fiafia e matamata i le tele o aai ma faatoaga matou te pasiaina. Ou te fia vaai i le malumalu.



O le fu'a o Rusia

SAUNI E O!

Ua uma ona teu le ato a Arina i nisi o mea e fiafia i ai o ia. O fea o nei mea o le a e teuina i lau ato?



O Loo I Ai i le Tama Faalelagi se Fuafuaga mo Lana Fanau

Na mafai ona sosogiina e Oliva ia keke a Tinamatua o loo taoina i totonu o le oveni, ma sa i ai le lagona migao i totonu o le fale o Tinamatua ma Tamamatua. Na tulimatai atu Oliva i lenei afiafi faaleaiga faapitoa i le aso atoa.

“O la tatou lesona e faatatau i le ata o le fiafia lea na faia e le Tama Faalelagi mo i tatou uma,” o le tala lea a Tamamatua. “O le po nei o le a sui le umukuka i le lagi, lea sa tatou nonofo faatasi ai ma le Tama Faalelagi ae tatou te lei o mai ina ia ola i le lalolagi,” o lana tala lea.

“Sa ou i ai iina, Tamamatua?” o le fesili lea a Archie. Sa tilotilo solo Oliva i totonu o le potu ia Tinamatua ma Tamamatua, Tina ma Tama, ma ona uso laiti, o Archie ma Etana.

“Ioe,” o le tala lea a Tamamatua “Sa tatou i ai uma iina. Ma ina ua ta’u mai e le Tama Faalelagi ia i tatou Lana fuafuaga e foafoaina se lalolagi ma auina mai se Faaola mo i tatou, sa tatou matua fiafia lava na tatou alalaga mo le fiafia.”

Na talie Archie ma Etana ma feosofi i luga ma lalo.

“O ai le tagata muamua i lo tatou aiga na tuua le lagi, ma sau i le lalolagi?” O le fesili lea a Tamamatua.

“O oe,” o le tala lea a Oliva.

Sa tuua e tamamatua le umukuka. Na sosoo ai ma Tinamatua. Ona taitasi lea ma auai atu tagata taitasi o le aiga o Oliva i le potumoe.

“O lenei potu o le a sui i le lalolagi,” o le tala lea a Tinamatua. “O a nisi o mea e mafai ona tatou faia iinei e fesoasoani ia i tatou e toe foi atu i le Tama Faalelagi?” na ia fesili ai.

“Ia papatisoina,” o le tala lea a Oliva.

“Alu i le malumalu,” o le tala lea a Tina.

“Filifili le mea sa’o,” o le tala lea a Archie.

Sa luelue le ulu o Tinamatua ma ataata. Ona ia fai mai lea ua oo i le taimi e tuua ai le lalolagi ma toe foi atu i le Tama Faalelagi.

“O le a ou alu muamua,” o le tala lea a Tamamatua.

“Oi, Tamamatua, aua e te alu!” o le tala lea a Etana.

“Aua e te popole,” na fai mai ai Tamamatua. “O le tuua ai o le lalolagi o se vaega o le fuafuaga a le Tama Faalelagi o le fiafia. E le toe umi ae tatou toe faatasia.”

Na auauai taitoatasi ma toe foi atu tagata uma i le umukuka. “Ua tatou toe foi uma i le lagi!” O le tala lea a tama ao tamomoe atu Archie ma Etana i ona lima.

Na lagona e Oliva le fiafia e vaai i lona aiga e peiseai sa ia aluese mai ia i latou mo se taimi umi lava. Sa ia tamoe atu ma opo mai ona uso ma Tina ma Tama. Ua ia malamalama nei i le mafuaaga na ta’ua ai e Tamamatua o le fuafuaga a le Tama Faalelagi o le *fiafia*. ■

Pese ma le Mau

- “O Le a Ou Mulimuli i le Fuafuaga a le Atua” (*Tusipese a tamaiti*, 86–87)
- Mose 1:39

Manatu mo Talanoaga Faaleaiga

E mafai ona outou feauauai i le faaigoaina o nisi o mea taua *ua uma ona faia* e tagata o lou aiga e mulimuli ai i le fuafuaga a le Tama Faalelagi—e pei o le tatalo, o le papatisoina, mauaina o le perisitua, alu i le malumalu, ma le filifilia o le mea sao. E mafai ona e tuuina atu i tagata o le aiga se avanoa e faailoa atu ai le fiafia sa latou lagonaina i na taimi faapitoa. Ona mafai lea ona e ta’ua nisi o mea taua *o le a faia e lou aiga i le lumanai* ma molimau atu e uiga i le fiafia o le a oo mai a o faaauau ona e mulimuli i le fuafuaga matagofie a le Tama Faalelagi.



3 Nifae 17:20
2 Nifae 32:9
Mataupu Faavae ma Feagaiga 124:34
2 Nifae 32:5
Mataupu Faavae ma Feagaiga 1:32
Mataupu Faavae ma Feagaiga 33:11
Mataupu Faavae ma Feagaiga 59:9
Ioane 5:39
Mataupu Faavae ma Feagaiga 110:7, 9

O Le a Ou Mulimuli i le Fuafuaga a le Atua

Oti ese ia pepa o le mau ma tuu e faau i lalo i luga o se laulau. Ia auauai e sei se pepa ma sue le mau. Ona faapipii lea i talaane o le upu i luga o le laasaga lea e fesoasoani ia i tatou e toe foi atu i le Tama Faalelagi.

TOE FOI ATU I LE TAMA FAALELAGI

Malumalu

Perisitua

Faamanatuga

Agaga Paia

Papatisoga

Salamo

Faatuatua

Tusitusiga Paia

Tatalo

**O LO TATOU OLAGA
A O LEI FANANAU MAI**



Ou Te Savali ma Oe

A 'e le savali e
pei o isi, o nisi
e 'alo mai ia oe.



Ae Ou
te le faia!



A 'e le tautala e pei o isi, o nisi e ula ia te oe.



Ae Ou te! le faia!
Ta savavali Ta
talanoa. E faaalia
ai lo'u alofa.



E le i savali ese
Iesu. Na ia alofa
ia te oe.



O le a! ou faia! ■



Fesoasoani ia Ellie e Saili Iakopo

E fiafia Ellie e mulimuli ia Iesu e ala i le alofa atu i tagata uma.
I le aso o loo ia manao e taaalo ma lana uo o Iakopo. Fesoasoani
ia Ellie e sue meataalo i le ala e faasoa atu ia Iakopo.



FAAILOGA

Saunia e Jerry Peak

Emasani lava ona ou faaaogaina se tasi o auala pisi e alu ai i le galuega. O le auala sili ona vave ma sili ona faigofie e oo ai iina. Ou te taumafai ina ia vave ona ou alu i le taeao e faamisi ai le pisi o le auala, pe a faifai lemu mea ma mafai ona tupu ni faalavelave.

Ae peitai i se tasi taeao, sa tuai ona ou aluese mai le fale mai le taimi masani ma iu ai ina maua i le pisi o le auala. A o ou agai atu i le auala televave, sa ou mafaufau e uiga i au suesuega i tusitusiga paia i lene taeao. Sa i ai sou lagona ua matele lou taulai atu i mea faalelalolagi ae le lava ia mea faaleagaga. A o ou agai atu i le galuega, sa ou mafaufau pe faapefea ona ou gauai sili atu i mea faaleagaga i le aluga o le aso.

Ona ou vaaia lea o se savali i luga o se tasi o faailo faaeletonika tele i luga o le auala pisi e lapataia ia avetaavale e uiga i faalavelave faafuasei po o ni tulaga o le auala. A o ou latalata atili atu i ai, sa ou faitauina, “Taavale laveva i luma i Mesa Drive—poloka le laina ogatotonu. Ou te lei manao i se faaeletonu i le aluese mai le auala pisi, o lea sa ou mafaufau ai po o le a le umi ou te tumau ai i luga o le auala pisi ae ou te *lei* aluese mai ai.



Sa ou mafaufau pe faafia ona ou tuleieseina lo'u saogalemu faaleagaga aua sa ou taulai atu i mea faalelalolagi.


Ona oo mai lea o se i si manatu i lo'u mafaufau: afai ou te le amanaiaina le faailo, mata o ou tuuina au i se tulaga o le a matautia? Mata o ou le amanaiaina le lapataiga talu ai ona ou te le o manao e faalavelave i au fuafuaga faatulagaina? E manino lava, sa tauau ina ou le amanaiaina ni lapataiga o lo'u saogalemu faaletino; e faafia ona ou tuleieseina ni musumusuga mo lou saogalemu faaleagaga?

A o ou mafaufau loloto e uiga i le auala ina ia gauai atili atu ai i le Agaga, sa ou iloina masalo e auina mai ia te au e le Tama Faalelagi ni savali se tele i le aso atoa. Sa ou mafaufau pe faafia ona ou misia Ana savali talu ai sa ou le faalogologo mo uunaiga faaleagaga. Sa ou tautino atu e faia ia sili atu.

Sa ou siakia le pisi o le auala, sui le laina, ma aluese mai i le isi auala alo na sosoo ai. O le faaaogaina o auala o le aai e alu ai e faigaluega, sa mafai ai ona ou aloese mai ala faigata ma mea matautia o le tumau ai i luga o le auala pisi, a o faamama le [auala] faalavelave.

Ou te iloa e alofa le Alii ia te au e auina mai ai ia te au Ana savali. E nao le manaomia lava o lou ogatasi ma uunaiga faaleagaga ua Ia auina mai ia te au. ■

E alala le tusitala i Arisona, ISA.



ATA NA TUSIA E ROBERT T. BARRETT

SPENCER W. KIMBALL

Spencer W. Kimball na alofa i tupuaga a sa Lamanā. O le **ato** ma le **mamanu pito i tua** e fai ma sui o lona alofa mo lo latou aganuu. Ina ua ia auauna atu o se Peresitene o le Ekalesia, na lolomiina e le Ekalesia ni lomiga fou o **tusitusiga paia**. Na ia mauaina foi le faaaliga e mafai e alii agavaa uma ona umiaina le **perisitua**. E silia ma le 20 malumalu na faapaiaina pe na toe faapaiaina i le taimi o lana taitaiga o se peresitene, e aofia ai le **Malumalu o Jordan River Iuta**.

E I Ai Foi i Lenei Lomiga

MO TALAVOU MATUTUA

i.48



TALANOA, FAALOGOLOGO & ALOFA

Mata e te fesootai lelei ma lou toalua? O le malamalama i nei ituaiga o talanoaga e tolu e mafai ona fesoasoani e faamalositia ai la oulua mafutaga.

MO LE AUTALAVOU

O FAAMANUIAGA O LE MALUMALU



Pe a e mafatia ma i ai ni filifiliga taua e faapea ona mamafa i lou mafau-fau ma lou loto, e mafai ona e aveina atu ou atugaluga i le malumalu ma maua mai ai se taitaiga faaleagaga.

i.52

MO TAMAITI

i.66



O Le Seleselega

Na totoina e le Agaga se manatu i lo'u mafau-fau: e mafai ona ou taumafai e faauma le seleselega a o lei oo i le Aso Sa.